






Ex Bibliotheca
majori Coll. Rom.
Societ. Jesu

11. 11. h. 4

48. 1. 31.
48
8
35.
48
8
15





PHILOSOPHICAE
MARGARITAE

S E V

T H E S E S

EX VNIVERSA DOCTRINA ARISTOTELICA

Q V A S

FAVSTISSIMIS AVSPICIIS

S E R E N I S S I M A E

MARGARITAE

MEDICEAE FARNESIAE

MARCVS AVRELIVS MASSA

COLLEGII NOBILIVM PARMENSIS

CONVICTOR

PVBlicae DISPVtationi EXPONIT:



PARMAE IN COLLEGIO NOBILIVM ANNO
MCDLXVII. MENSE DIE HORA

SUPERIORVM PERMISSV.



SERENISSIMAE
MARGARITAE
 MEDICEAE FARNESIAE
 PARMAE, ET PLACENTIAE
 DVCI.



MARCVS AVRELIVS MASSA FELICITATEM.



HAS Margaritas, non tam Naturę,
 quam Sapientię manu laboratas,
 audeo, SERENISSIMA PRINCEPS, in
 Tuum deferre Sinum; cum sint &
 Nomine, & Obsequio Tibi debi-
 ræ. Id etiam exigit non minus Tua erga me,
 quam SERENISSIMAE CLAVDIAE ARCHIDVCIS,
 Amitæ, Tuę erga meos Patruos Humanitas pla-
 ne Regia. Educatus ego in hoc Parmensi Nobi-
 lium Adolescentum Collegio; etsi plura didici ex
 Aristotelis Lycęo; nescio tamen quid altioris Spi-
 ritus hausi ex REGIA TVA: dum inter Beneficia

Patrocini] Tui veluti quodam rore imbutus è Cœlo, peperit Margaritas, quæ SERENISSIMAE MARGARITAE non displicerent. Mei quoque Patru] Andreas Episcopus Gallipolitanus, & Abbas Hyacinthus sensere, quam Pretiosus fuerit SERENISSIMAE CLAVDIAE Fautor. Ille decem annorum spatio grauissimis negotijs admotus, Legatusque ad PHILIPPVM QVARTVM CATHOLICVM REGEM; Hic Romę per annos septemdecim eiusdem iussu moratus, vt SERENISSIMORVM PRINCIPVM negotia apud VRBANVM OCTAVVM, & INNOCENTIVM DECIMVM SVMMOS PONTIFICES ageret: quod felicissimis auspicijs ab Vtroque præstitum fuit.

Patere igitur, SERENISSIMA vt Ego tot Nominibus Tibi deuinctus, hæc Philosophicas Margaritas in conspectum REGIAE MARGARITAE supplex producam. Et si minus par meritis pretium respondebit; TVAE SPLENDOR BENEVOLENTIAE pro pretio erit.

PRO-



PROLVSION.

VM Margaritas expono spectante, et audiente, *TE SERENISSIMA DVX*, par esset ut Ingenium, et lingua mihi eiusmodi in essent, qua Margaritas pretio, et candore imitarentur. Vel gemmeus, vel, aureus esse anulus debet, quo Gemma renidet. Verum, hæc sit Tua vis, et efficacitas, ut ea quæ lutum redolent, ac tenuem Naturæ conatum euadant prodigia, vel certe non indecora tanti spectacula splendoris. Non sum ignarus eo in Theatro me dicere, ac disputare, in quo Sol ipse fortasse non auderet in Margaritas erudire tentamenta Naturæ. Sed illud tamen mihi constat aliquando plus licere Principi, quam Soli. Sol etenim Elementa, Princeps ingenia nobilitat.

GRATIARVM ACTIO.

DEpromptas ex Aristotelicæ Doctrinæ Mari Margaritas exposui. Sed veræ Margaritæ, quæ Sapientiam decent, Gratiæ sunt. Nec in tuo, *SERENISSIMA DVX*, conspectu, ac famulatu apparere debent nisi Gratiæ.



EX ARISTOTELICI MARIS LOGICO SIN V PRIMA MARGARITA EX LOGICIS.

1. PHILOSOPHIA, nata ex admiratione, *De scientia, & eius obiecto.*
quod paterent effectus, ignotis causis, ex
Platone, & Arist. est scientia Indagatrix re-
rum magni momenti per suas causas, in
ordine ad habendam humanam felicitata-
tem: quæ ex 10. Eth. à cap. 7. consistit in
actione virtutis, & contemplatione veri-

ratis: unde rectè tripartitur in Rationalem, seu Logicam; Natu-
ralem, quæ complectitur Mathematicam, Physicam, & Meta-
physicam; & in Moralem, seu Ethicam: per Rationalem hu-
mana Mens, seu Ratio reflectens supra suos actus, illos dirigit,
& accommodat in apta instrumenta pro veritate adipiscenda per
Naturales, & instruitur homo per Ethicam ad dirigendas ope-
rationes voluntatis pro Honestate in se habenda, & humanis of-
ficijs implendis circa alios, tam ut civis privatus, quam ut Ma-
gistratum gerens: ..

2. Quilibet scientia nititur suis principijs incomplexis, &
complexis, idest propositionibus indemonstrabilibus, & primis;
quæ proinde à scientia supponuntur, non probantur; Rectè
enim Arist. 1. phys. cap. 2. ait non esse Geometrarum solvere fallaci-
am Antiphonis, negantis definitionem circuli; neque Physi-
ci convincere negantes principium mobile, contra quos non
vult disputari: & patet, quia non habet scientia medium termi-
num, quo probeat principia; alioquin hæc non essent prima. Pu-
to autem in qualibet scientia omnem quæstionem resoluendam
ad aliquod ex his tribus principijs, quorum primum est. Propo-
sitiō, cui, penetratis terminis, nullus intellectus sanus refragari
potest; & hæc dicitur principium evidens, vel metaphysicum
per se notum; vel physicum per sensum patens. Secundum est

A

Pro

2
Propositio, cui, peroeptis terminis, plures assentiunt, non pauci dissentiunt: vt spectat ad rationem amicitiae; quod leuis offensa tolerari possit inter amicos; & dicitur principium ineidens, & probabile: ad vnum enim tale sepe est deueniendum, vel procedendum in infinitum. Tertium est Auctoritas Sapientum, & explicatio vocabulorum, ad quam controuersias pleraeque in scholis resolui, fortasse non male quis dixit: nulla enim res in quaestione venit, nisi sub inadæquatis nostris conceptibus, verborum inuolucro non satis explicitis.

3 Ex his Principijs est certitudo, & Euidencia, Incertitudo, & Probabilitas, seu Ineuidencia. Euidencia hæc mediata, seu habita ex medio, alia est metaphysica, cui nulla potest vnquam subesse falsitas: alia physica, cui per absolutam potentiam aliquando potest falsum subesse; nunquam tamen spectato ordine naturæ, & illius principio ex ijs noto, quæ sensibus subiacent: Alia moralis ex Auctoritate hominum, quocies omnes concurrunt in vnâ opinionem: vt: quod detur Roma: censetur enim humanam speciem non falli: & fundatur vt plurimum in physica euidencia plurimorum. Quolibet euidencia ad assensum sui, intellectum pro vi sua cogit, secus Ineuidencia.

4 Hinc Scientia, Opinio, & Fides. Scientia enim actualis est: Cognitio certa, & euidens, discursiua. Opinio est: cognitio ineuidens, nixa aliqua ratione probabili. Fides sulcitur auctoritate Dicentis, quæ est illius sapientia, qua non fallitur, & Bonitas qua non fallit. Seclusa formidine actuali de opposito, possunt isti actus simul esse in eodem intellectu de eodem obiecto ex diuerso motiui formali, in ordine ad quod intrinsecè specificantur.

5 Datur scientia actualis, studio, & industria de nouo acquisita, non mera Reminiscencia. Ex actibus scientificis iterariis gignitur Habitus, seu Habitualis scientia dans intellectui facilitatem ad similes actus, per quos est genitus. Est autem Habitus aggregatio specierum, quas actus reliquerunt, confirmatas, & ordinatas ad vnum obiectum formale Attributionis adæquatum. Hoc licet multiplex, vnitatem tamen habet ex vna ratione formali, sub qua consideratur, & definitur vnica definitione; quæ inter principia scientiarum indemonstrabilia, dicitur potissimum, sub quo vno vnitatem scientiæ vnius specificam recipit prædicta aggregatio specierum. Obiectum porro totalis scientiæ complexum ex Aristot. est ens reale necessarium, vniuersale, per se, vnum: & secundum connexionem prædicat cum subiecto, ingenerabile, & incorruptibile.

Diui-

6 Diuiditur scientia tam Actualis, quam Habitualis, in Speculatiuam, & Practicam. Speculatiua sistit in contemplatione, sui obiecti, & veritatis; vt facit Physica, Mathematica, & Metaphysica. Practica verò extenditur ad opus, & ad praxim, quæ iuxta communioem loquendi modum, est humana operatio dirigibilis à cognoscente ex vi cognitionis ad illam relatæ. Practica alia est Rationalis, seu Logica directiua intellectus ad veritatem assequendam; Alia Actiua, seu Moralis directiua voluntatis ad Honestatem. Artes dicuntur factiue, & dirigunt externas potentias ad comoda humanæ vitæ. Habent specificam vnitatem Habitus practici in ordine ad vnum finem, ad quem, de se ordinabiles, ordinantur actu ab Inuentoribus; vt ligna, & lapides de se apta ad finem commodæ habitationis, actu ordinantur situ aliter ab Architecto, vt constituant vnâ domum.

7 Logica Artificialis est habitus scientificus instrumentalis, seu aggregatio præceptorum formalium, ac regularum infallibilium de recto modo obiectiuo differendi; seu definiendi, diuidendi, & syllogizandi. Simpliciter est practica, tota ordinata ad praxim, seu directionem operationis intellectus, habens actus cum sensu practico, qui exprimitur per verbum, debet, & per modum dictaminis saltem virtualis, cum enim dicitur: *Definitio constat genere, & differentia*: est hic sensus, vt est logicus: *Definitio debet constare genere, & differentia*. Quatenus autem docet has regulas, dicitur Docens: Vtens vero quatenus illis vititur, aut in propria materia eliciens actus rectos ipsdem saltem exercitiis cognitis conformes; vel dirigit habitus alios scientificos, vt certò, & infallibiliter circa propria obiecta eliciant definitionem, diuisionem, & syllogismos bonos: vnde imperturbabilis fiat sciens, tam de veritate sui scibilis, quam de modo, quo circa illud suis actibus versatur. Quod cum intellectus noster, vt est imperfectus, assequi perfectè non possit sine Logica artificiali, rectè videtur hæc simpliciter necessaria ad perfectè acquirendas alias scientias, pro quibus est inuenta, & ex industria acquisita ab intellectu reflectente supra suos actus, & modos operandi in diuersis materijs bonos, & prauos.

8 Quare obiectum Logicæ adæquatum Atributionis, & considerationis, de quo statuimus triplicem modum rectè differendi, Definitionem, Diuisionem, & syllogismum in communi, quatenus talem, idest instrumentaliter directiuum operationum intellectus, vt euadant in particulari recti modi sciendi formales, scilicet rectæ Definitiones, Diuisiones, & syllogismi.

logismi. Habet enim hoc obiectum *utilitatem* specificatiua sciētiæ logicæ instrumentalis à formali ratione instrumenti; sub qua vna definitur: Oratio ignoti instrumentaliter manifestatiua.

9 Operationes sic à Logica dirigibiles, seu factibiles cum conformitate ad Logica præcepta, Apprehensio scilicet, Iudicium, & Discursus, dicuntur obiectum, in quo, seu subiectum operationis logici instrumenti scientifici.

*Ex li. prior.
& poster.*

10 Porro definitio est: Oratio explicans essentiam rei per genus proximum, seu prædicatum, quo res cum non definitis essentialiter conuenit: & per differentiam vltimam, qua ab omni non definito essentialiter disconuenit: est enim rebus intrinseca; & necessaria conuenientia in essentialibus; vnde est, quod potissime per comparisonem cum pluribus, vt dicitur t. Top. cap. 14. inuenitur rei Definitio; alia verò est quidditatiua per essentialia, alia descriptiua per proprietates habita.

11 Diuisio est: Oratio totum in suas partes distribuens: ita vt omnes simul, nulla seorsim, adequent illud; & vt membra diuidentia sint opposita, absque eo, quod vnum formaliter includatur in altero. Totum autem diuisum, vel est potestatiuum in partes subiectas, vt genus in species: vel totum essentialiter in partes essentielles metaphysicas; vt homo in animal, & rationale, vel totum physicum in partes physicas, & realiter distinctas; vel essentielles, vt homo in animam, & corpus, vel integrantes vt corpus in sua membra: vel est totum morale in partes morales, vt regnum in magistratus &c.

12 Syllogismus est: Oratio, in qua quibusdam positis, alterum quid à positis, necesse est sequi, eo quod hæc sint. Quadrifariam diuiditur in Demonstratiuum, Dialecticum, seu Topicum, Pseudographum, seu Paralogismum, & Sophisticum, ratione quadruplicis materię præmissarum, necessariæ, & probabilis, verè, & apparenter. Ratione verò formę syllogisticę; quæ est dispositio medijs cum extremis in præmissis; alius est syllogismus in prima figura, vbi subiectatur medium in maiori, & prædicatur in minori: alius in secunda, vbi in vtraque prædicatur: alius in tertia, in qua vtroque subijcitur. Quarta Galeni censetur inutilis, in qua prædicatur in maiori, subijcitur in minori, ordine inuerso à prima.

13 Principia regulatiua syllogismi pro conclusione affirmatiua sunt duo. Primum: Quæ sunt eadem vni tertio, sunt idem inter se: quod etiam in Diuinis, sumptum cum sua limitatione de identitate personali, & essentiali potest locum habere.

Alte-

Alterum est: Dici de omni: Id est quod vniuersaliter dicitur de subiecto absolute supponente, dicitur de quocumq; contento sub illo. Item duo pro negatiua. Primum est: Quorū vnum est idem cum tertio, cum quo alterū non est idem, nō possunt esse idem inter se. Alterum est: Dici de Nullo: id est quod vniuersaliter negatur de subiecto, negari debet de quocumq; contento sub illo.

14 Demonstratio est syllogismus faciens scire; constans ex præmissis veris, necessarijs, certis, & euentibus, ritè dispositis, & causis conclusionis; vel essendi, & dicitur Demonstratio à priori, seu propter quid, vel cognoscendi, & dicitur à posteriori, & quia. Ab effectu ad causam essendi; ab hac iterum ad effectum demonstrandum, non inutilis est circulus, seu progressus demonstratiuus. Euentia mediata; seu relatio actus ad obiectum euident, id est cogens intellectum bene dispositum ad eliciendum actum, vt obiectum illuminatum cogit visum, non male affectum ad visionem, est de essentia constitutiva conclusionis demonstratiuæ ex qua sequitur certitudo metaphysica, proprietas, id est prædicatum appretiatium obiecti, per quod formaliter intellectus redditur contemptor cuiuscumque alterius motui naturalis, quod possit mouere formidinem de opposito. Conclusiones tamen ipsæ sunt, & certiores, & euidentiores præmissæ, vt potè per se notæ, & immediatæ, quibus firmius adhæret intellectus: iuxta illud Arist. propter quod vnumquodq; tale, & illud magis, quod verū est, quociens causa, & causatus apta sunt recipere vnam formam susceptiuam magis, & minus, quam semper causa participat magis, vt independentē ab effectu.

15 Syllogismus Topicus parit opinionem, seu conclusionem inuidentem, deductam ex altera præmissarum probabili, vel assumpta vt tali; non cogente intellectum ad illum actum, habentem formidinem radicalem, seu incertitudinem formalem ex suo motiuo. Paralogismus, euentia Demonstratio, parit errorem, falsam scilicet in modum scientiæ existimationem, in particulari materia alicuius scientiæ ex præmissis veris, & necessarijs apparenter: & paralogizans putat se scire, vt somnians censet se vigilare. Sophisticus, euentiens topicum, gignit deceptionem, constans ex præmissis apparenter probabilibus, vel ex modo, aut figura peccante contra regulas boni syllogismi. non distribuens medium, vel varians suppositiones terminorum, & affectiones.

16 Omnis disciplina discursiua initio posteriorū fit ex præexistente cognitione: quare tria præcognita statuuntur, Datū, seu Subie-

6
Subiectum; Quæsitum, seu Prædicatum; & Dignitas, seu Principia, & Præmissæ, per quas demonstratur prædicatum de subiecto; de quibus debet præcedere aliqua saltem ex his quatuor præcognitionibus: Quid Nominis; Quod res sit; Quid sit, Qualis sit; De subiecto præcognosci solet Quid nominis, & an sit, saltem possibile; de Prædicato, Quid nominis, & Quid rei; De Præmissis, Quid significant termini, & an veræ sint.

17 Præmissæ sunt de essentia syllogismi, ut hic est instrumentum sciendi; & conclusio est quidam illius effectus: ut verò est artefactum, seu Discursus ex Arte, tam præmissæ, quam conclusio sunt de essentia; quia simul sunt: Oratio, in qua quibusdam positis, &c. iuxta datam definitionem syllogismi.

18 Sed essentia syllogismi, ut est Discursus formalis, seu tertia operatio Intellectus distincta à secunda, & simplici Iudicio, est sola conclusio; quia hæc sola est progressus, seu discursus mentis ab vno noto ad aliud ignotum: & est assensus, vel dissensus circa vnum obiectum ex vi assensus, vel dissensus præcedentis circa aliud: Habet enim supra rationem simplicis enunciationis, quod indivisibiliter iudicet rem esse, vel non esse, & quod ita sit, vel non sit, propter aliud, id est propter identitatem, aut connexionem in præmissis cum tertio, vel amborum extremorum suorum; vel vnius, & non alterius, quæ est obiectum præmissarum, quod, exercitè reflectens supra bonitatem illationis, attingit, ut motuum proprii obiecti, scilicet identitatis, aut connexionis eorundem extremorum inter se, affirmandæ, vel negandæ. Quare vnicus actus hoc totū exprimens, qualis est hic: quia Petrus est rationalis, est sensibilis; rectè dicitur discursus virtualis.

19 Hinc concessis, ritè dispositis præmissis intellectus necessitatur ad exercitum, & speciem actus: vnde, nisi per accidens impediatur, necessariò elicit assensum conclusionis, seu iudicium formale illativum.

Ex lib. Peri-
herm. de
signo.

20 Ad capessendas scientias utimur inter nos vocibus, ut signis ex placito positis. Signum autem in communi est: id quod formaliter aptum est representare aliud à se potentia cognoscitivæ ob peculiarem connexionem, quam habet cum illo, vel natura sua intrinsecam; & est signum naturale, ut effectus suæ causæ, vel extrinsecam ab institutione libera hominum, & est signum ad placitum, ut vox humana: cuius materiale, nempe articulatus sonus, per illam institutionem moraliter perfecturam, habet vltimò formaliter, & connecti cum obiecto, & illud posse representare; seu præsens facere potentia cognoscitivæ;

scitius; in quo differt signum à causa, quæ rem præsentem facit rerum communitati, extrahens, illam ex nihilo sui: quam rationem potius causæ, quam signa, dicuntur participare argumentum, & præmissæ respectu conclusionis.

21 Voces immediatè, & primariò significant res, & pri- *De vocibus*
mos conceptus inadæquatos ab Auctoribus linguæ ad impositionem nominis, de rebus ipsis præhabitos, quibus formaliter res illæ constituuntur obiectum significabile hoc, vel illo nomine: neque enim rebus potest nomen imponi, nisi præconceptis. At hic à nobis viatoribus non possunt res concipi, nisi conceptibus inadæquatis, & imperfectis; neq; nisi pluribus nominibus exprimi possunt.

22 Conceptus verò proprii loquentis arguuntur ab Audiente ex vocibus, tamquam ex argumento, non cognoscuntur, tamquam ex signo: ex pacto enim quod quisq; dicens idioma, implicite facit cum Institutoribus linguæ, tenetur ex veracitate, & Fidelitate pro humano commercio seruando, loquens adhibere vocem, simul cum conceptu de re similem illi; quem Institutores habuerunt; cum rei tale nomen indiderunt; & sensibilem vocem vicariam, loco rei, & sui conceptus inadæquati de illa; immediatè insensibilis, subrogarunt, vt Audiens formaret similes quoque conceptus de eadem re; arguens quoque quid loquens intus sentiat ex voce, quæ foris sonat.

23 Conceptus qui rebus expressis conformantur; veri; qui *De veritate,*
difformantur, falsi dicuntur. Est enim Veritas formalis quædam conformitas cognitionis in representando cum obiecto in essendo: falsitas è contra positiva difformitas. Identificatur adzquatè cum suo actu, extrinsecè connotato obiecto tale, quale representatur: Non est tamen actui, qui dicitur contingenter verus, essentialis proprietas metaphysica: nam ratione obiecti extrinseci contingentis, potest illi aliquando cennuere ad modum quinti prædicabilis, vt actus transeat de vero in falsum, & è contra, si tale obiectum representetur in tempore diuisibiliter.

24 Veritas, et Falsitas reperitur non solum in Iudicio, et Discursu; sed etiam in simplici Apprehensione complexa, licet minus propriè. Incomplexa verò semper est cum veritate, nunquam cum falsitate, si attingit obiectum.

25 Ex propositionibus contradictorijs de futuro contingente, tam absoluto, quam conditionato, altera est determinatè vera altera falsa; inducens necessitatem nobis consequentem, & ex suppositione; non verò antecedentem, & absolutè;

EX

8
EX PHYSICO SIN V
SECUNDA MARGARITA

EX 8. PHYSIC.

Ex 8. Phy.
sta.



PHYSICA est scientia simpliciter speculatiua; cuius obiectum adæquatum attributionis est corpus completum naturale; de quo considerat principia intrinseca in fieri, et in facto esse, species, proprietates, effectus, & causas extrinsecas.

2. Triplex autem est via in physicis philosophandi circa eam vicissitudinem, quæ cernitur, alterationum in accidentibus, et generationum, et corruptionum in substantijs. Prima est Democriti, in qua negatur omnis vera generatio; et corruptio de nouo: et asseritur solum ex multiplici, et vario concursu athomorum, seu corpusculorum, natura sua diuersorum, ingenerabilem, et incorruptibilem, nouum corpus componi, et conseruari; quatenus per vim sympathicam amica trahuntur, et per antipaticam inimica pelluntur: et idem ex eorumdem dissolutione, dissolui. Sed hæc vix videri poterunt Poetæ verisimilia, ne dum vera Philosopho; cum non est audiendi quælibet æqua potestas; Nam quæ vis continet simul tam diuersa cõtraria, et inimica in toto etherogeneo cum certis qualitatibus, quas mordicus retinet, et deperditas ab intrinseco reparat? cur non viuus truncus recisus iterum in terram defossus, ad vitam, vt prius, trahens sympathicas athomos? cur emoritur arbor in ipsa radice? at si diuersæ athomi tam diuersos præstant effectus, et tantam diuersitatem inferunt in Naturam; iam assero ipsos Democritistas totos, quanti sunt, aggregationem esse athomorum: Altera via est Empedoclis; in qua admittuntur quatuor vulgata elementa, vt simplices substantiæ ingenerabiles, et incorruptibiles, tamquam materia generationum corporum mixtorum, quæ sole de nouo fiant. Positiuè placeret, si physice probaretur ingenerabilitas, et incorruptibilitas elementorum, quæ sensus docet æquè, ac mixta, produci, et corrumpi; vnde dicuntur sine fundamento substantiæ simplices. Tertia via communior est Aristotelis: in qua ponuntur omnia sublunaria generabilia naturaliter, et corruptibilia, esse composita ex duplici substantia simplici; quarum vna dicitur materia communis, manens

manens in genito, quæ fuerat in corrupto; altera forma, constitutus totum compositum in peculiari specie entis: Hæc sola, de nouo producit, & corrumpitur dependenter à priori, unde agens naturale producens, & corrumpens non dicitur creare, & annihilare, vt non dicitur Architectus domum creare, aut annihilare eò quia ex præsupposito subiecto lapidum, calcis, lignorum &c. eam construit, & in eadem dissoluit. Quarta etiam quædam via est Recentioribus, in qua res physice asseruntur substantiæ simplices, penitus corrumpi, & generari; non tamen creari, quia præcedit generationi vnus, corruptio alterius, vt terminus à quo; neque annihilari, quia corruptionem sequitur Generatio, terminus ad quem, & fit quæstio de nomine: Omnis autem alteratio corruptiua secundum istos præit, instat Prodomi, ad parandum locum substantiæ. Ego verò, ne fallar, nouam hanc non ingredior viam à veteri declinans, sed libens gradior in trita Aristotelica.

3 Corporis igitur Naturalis in fieri, seu mutationis naturalis principia intrinseca sunt tria, Materia, Forma, Priuatio: *Ex 1. phys. de Trinitate p. 1.* in facto esse duo: Materia, & Forma. Describuntur in communialogicè ex tex. 42. Quæ neque ex alijs, neque ex alterutris, *ut ex elementis*, sed ex his omnia composita naturalia, *vel ut ex parte elementari, vel ut ex termino à quo.*

4 Materia prima in particulari definitur subiectum primum vniuscuiusque, ex quo, cum in sit, fit aliquid, non secundum accidens. Forma verò dicitur Ratio ipsius quod quid erat esse rei: id est substantiæ sunt incompletæ, simplices, inuicem ordinatæ ad faciendum vnum per se; Forma quidem, vt pars determinatiua, & actus perfectior; Materia verò, vt pars determinabilis, & potentia substantialiter perfectibilis: Qui respectus potentie ad formas substantiales, vt primus, est de essentia metaphysica materiz, à quo fluit, vt proprietas, secundarius respectus eiusdem ad accidentales. Corpus est incompletum, vt quanta est, sine vlla substantiali forma Corporeitatis sibi coeua.

5 Existentia ram materiz, quam formæ physice philosophanti, non metaphysicè, euident est. Accidentia enim, vt sunt physica substantiæ indicia, ea quæ remanent in qualibet mutatione substantiali; in qua res vna amittit esse simpliciter, & altera incipit simpliciter esse; ostendunt manere substantiam materialem, proprium subiectum cui inhzrent: quæ verò de nouo sunt, docent substantiam formalem produci, principium

illorum exitium, ac reparatum, si deperdantur. Sed innotescit etiam lumine naturæ existentia Materiæ ex communi consensu Sapientum, et Nationum. Sapientes enim omnes, ut testantur Coninb. & Piccol. de plac. Philos. sub diuersis nominibus: admiserunt principium primum, vel vnum, vel multiplex intrinsecum, ex quo gignerentur cætera omnia, ut apparent, inter se notabiliter diuersa. Et Nationes religiosè seruantes cineres suorum, ostendunt lumine naturæ sibi parere aliquid manere in corrupto, quod fuerat in genito: quem vnum laudabilem reddit suo exemplo Sancta Romana Ecclesia in colendis Sanctorum reliquijs. At euidentis veritas est in illo obiecto, quod cogit intellectum ad assensum, vel in quod Intellectus ipse quadam veluti naturali inclinatione tendit, licet ipsius veritatis rationem non percipiat, sicuti, ait D. Thom. 1. phys. lect. 10. lit. C. res cognitione carentes mouentur ad suos fines absque ratione, et ceu lapis fertur in centrum, ut alibi loquitur: Singulæ tamen existentia propria.

6 Materia appetitum habet innatum, ut ad sui naturale perfectum, ad omnes formas, etiam corruptas: cui tamen appetitui satisficit naturaliter vnica substantiali forma totali, et vltima; ita quoque contenta est forma vnica materia adæquata. Quare neque vna Materia sub pluribus formis totalibus disparatis: neque vna totalis forma in pluribus materijs adæquatis numero distinctis, esse possunt naturaliter; licet supernaturaliter vtrumque possibile sit. Omnis materialis forma pendet à materia, ut à vera causa sustentante, de cuius potentia educitur tota; materia verò neque à priori, ut à causa, neque à posteriori, ut ab effectu pendet in suo existere ab vlla substantiali forma: qua proinde omni spoliata materia supernaturaliter conferuaretur à Deo eodem influxu, quo nunc: naturaliter autem nunquam sic spoliatur; neque vniquam in vlla generatione naturali fit resolutio vsque ad nudam materiam; nam ipse sensus docet manere plura accidentia.

De priuatione.

7 Negatio formæ in materia, ut subiecto apto eam recipere, dicitur Priuatio: quæ est principium mutationis acquisitionis, ut terminus à quo; eam principians vbi primò non est in tali subiecto; in quo immediatè antea erat, et ibi primò est forma opposita: quia tunc solum primò subiectum aliter se habet, ac prius.

De compositione.

8 Ex materia, et forma substantiali vnitis, seu se habentibus ad inuicem per modum actus, et potentie cum intima, præsentia et mutua

& mutua dependentia in esse, et operari, essentialiter constituitur in specie, et indiuiduo compositum substantiale; idest hoc vnum adequatum principium per se actiuum, et passiuum certarum operationum, proprietatum minimè distinctum in re ab his suis partibus, et causis intrinsecis, simul, et in recto acceptis; alioquin, vel hoc tertium distinctum solum esset tota essentia compositi, vel compositum esset complexum ex hoc tertio, et illis partibus; de quo complexo erit eadem difficultas, et quæstio; an distinguatur à partibus simul sumptis.

9 Vnio autem formalis nihil physicè superaddit entitatibus materiæ, et formæ proportionatis, dicto modo coexistentibus, sed solum conceptum metaphysicum relationis mutue Actus, et Potentiæ se sibi mutuò actu communicantium: ita, seipsis partes ligni, aut eboris ex arte secundum proportionem debitam elaboratæ ad caudam, vt aiunt, hirundinis, vniuntur, præcisè per hoc, quod inuicem interferuntur, et coaptantur localiter contiguae. Vnde sepè Arist. exemplo artefactorum vritur ad explicandas has res physicas.

De vnioue.

*Ex 2. phys.
de Natura,
& Arte.*

10 In hoc composito substantiali tam materia, quam forma: etiam Rationalis, et celestis; idest tam principium actiuum, quam passiuum dicitur, et est Natura quæ definitur: Principium est causa motus, et quietis in eo, in quo est primò, et per se. Ars Naturæ imitatrix; quæ dicitur 6. Eth. cap. 3. Recta ratio factibilium: potest applicando actiua passiuus efficere viribus eiusdem Naturæ plures effectus naturales, vt Alchymia verum aurum, redigens materiam ad temperiem debitam formæ auri.

11 Causa autem in communi rectè describitur: principium per se influens esse in aliud ab intrinseco defectibile. Diuiditur sufficienter quadrariam, in Materialem; Formalem, causas intrinsecas prædictas; et Efficientem, ac Finale extrinsecas. Materialis est id, ex quo fit aliquid, cum inquit, vt potentia subiectiua, et pars perfectibilis, ac determinabilis. Formalis vero, vt actus actuans, et pars perfectiua dans esse rei in determinata specie entis. Efficiens à Philosopho dicitur: inde vnde, vel à quo principium motus, aut quietis: Finalis est id cuius gratia aliquid fit. Inest causis creatis, quæ dicuntur secundæ, vera virtus causandi, quæ est ipsa entitas causæ, vt transcendentaliter relata ad effectus à se factibiles; cum quorum possibilitate tam in communi, quam in particulari, habet causa, vt causa, essentialem connexionem; vt implicante effectu, implicet

De Causis 2

*De conexione
causæ cū
effectu.*

etiam causa, nisi velis dicere manere virtutem productiuam chymere.

*De reproduc-
tione effe-
ctus.*

12 Nulla causa sibi decernit seriem determinatam indiuiduorum ex effectibus similibus, ultra quod non possit producere similes alios: & spectatis præcisè viribus Naturæ, videtur posse causa reproducere etiam effectus semel corruptos; manet enim eadem virtus intrinseca in causa, & eadem producibilitas in effectu: producit tamen de facto semper novos; quia Deus extrinsecè eam determinat ad nouam indiuiduationem effectus; tum ob speciosam rerum varietatem; tum etiam, vt nobis ad vsus nostros sit modus dignoscendi diuersa indiuidua ex circumstantijs loci, & temporis.

*De priorita-
te cause.*

13 Causa, vt causa, esse debet prior natura suo effectu, & ad eum intelligi debet præsupposita in suo esse extra suas causas adequatas: quare implicat mutua causalitas in eodem instanti temporis inter effectum, & causam, tam in eodem, iquam indiuiso genere causandi, in quo requiritur realis existencia causæ. Hinc præuia dispositio materiæ ad formam in illo instanti in quo producit forma, non est effectus formæ, sed in sequentibus, in quibus à forma fluat, vt proprietas naturaliter concomitans illius perseverantiam in materia.

*De causalita-
te causa-
rum.*

14 Causalitas causarum id est, quo formaliter causa intelligitur transire de potentia, & actu primo ad exercitium potentie, & actum secundum causandi, & dandi esse effectui. Causalitas causæ materialis, & formalis dicitur Vnio, de qua supra. Causæ efficientis Actio: Subiecti patientis Passio: finis Finalizatio: Physicè non superaddit aliquid supra entitates causæ vltimè completæ, & effectus actu existentis, sed solum conceptum formalem relationis mutue, tam causæ completæ ad effectum existentem, quam huius ad illam, & vocatur relatio causalitatis in causa, & dependentiæ in effectu. Complectitur autem causa vltimè per Decretum Dei determinantis indiuiduationem effectus à tali causa, cui applicat suam omnipotentiam; quo posito decreto, impossibile est hic, & nunc, non sequi talem effectum numero à tali causa sine vllò modali determinatio in intrinseco superaddito. Quid autem sit rem vnā esse ab alia, et recipere esse ab illa, est prima notio inexplicabilis; vt est, rem transire de non esse adesse, existere, vtrumque enim patet experientiæ, qua experimur, et nos existere, et actus nostros à nobis esse; sed ipse quoque quæro, quid sit modalem entitatem existere, et ab hac causa?

15 Hinc

15 Hinc quando plures causæ totales, et de se adæquate applicantur eodem tempore eidem passo, non producant naturaliter totum, & totaliter eundem effectum; sed se habent ad illum, ac si essent inadæquate, & partiales; quia spectato ordine Naturæ habentis pro fine dare simpliciter esse effectui, non complentur singulæ decreto adæquato proprio superabundanti, sed vno omnibus communi sufficienti ad finem intentum. Partialis causa dicitur, quæ ad effectum alterius habet conforium.

*De effectibus
ex duabus
totalibus.*

16 Finis est vera causa realis intentionalis, recensita inter physicas, quia sublato fine, quocumque alio posito requisito, non potest sequi effectus à causis physicis temerè non operantibus. Virtus motiva finis est sola Bonitas, vel vera, vel apparens: cognitio autem, quæ repræsentatur appetitui talis Bonitas est quedam proportionalis existentia causæ intentionalis ad causandum: cuius effectus sunt tam actus circa media, et ipsum finem, quam ipsa executio mediorum, et realis consecutio eiusdem finis; quia fiunt ex vi Bonitatis allicientis, seu propter finem. Omne Agens intellectuum perfectissimè operatur propter finem per cognitionem, et electionem mediorum. Bruta minus perfectè ex instinctu Naturæ, seu actu æstimatorio consequente necessario ad phantasma de obiecto proposito; cætera agentia imperfectissimè, seruando scilicet operandi certum tenorem, ac modum, quem, quia aliquando non seruant, vel ob accidentale impedimentum interpositum, vel ob concursum plurium, quæ causæ per accidens à natura non ordinantur ad idem vnum opus, oriuntur monstra, quæ dicuntur errores, et peccata Naturæ; hæc frequentius accidunt in animantibus, quia ad generationem animalis cum plura concurrant, facilius potest deficere aliquod requisitum, et poni aliquod impedimentum, unde sequatur deuiatio à recto modo operandi.

De fine.

17 Causa prima, seu Primus Motor Deus concurrit immediate cum causis secundis creatis ad omnes et singulos illorum effectus, quos iam productos substantiales omnes se solo conseruat; accidentales verò aliquos etiam cum causa secunda, quæ primo illos produxit; prout experientia notum sit aliquos desinere sublata eorum causa, aliquos non. Determinat individuationem effectus ad cuius speciem natura sua est causa secunda necessaria determinata; et libera, ut vult, se determinat, nullam verò causam physicè prædeterminat. Existere Causam primam lumine Naturæ patet ex conceptu entis, boni, facti,

*Ex 7. & 8.
Phys.
De causis
Primo &
Primo Mo-
toris.*

per-

perfecti, imperfecti, contingentis, et necessarij; quin immò ex ipsis Atheorum argumentis, ut verè hi sint insipientes, dum dicunt in corde suo: Non est Deus. Eius essentia est omnis pura perfectio. In qualibet linea perfectionis particularis, ut est in omnibus, debet infinitè excedere omnes, et singulas suas creaturas. Omnipotentia absolute negari non debet, nisi id, quod manifestò implicat: probabilis enim implicantia leue indicium est; quo ductus si quis aliquid Deo impossibile iudicat, plus puto physicè peccare in suo iudicio, quam qui temerè iudicaret de Virò sanctissimo ex leui indicio, in quo alias etiam fuerit falsus. Omnes autem homines sæpè iam falsi sunt ex probabili implicantia, ut notum est, ex replicatione corporum, ex penetratione, ex vnione hypostatica, ex Eucharisticis accidentibus sine subiecto; quæ iam verissimè dari docet fides. Temerarium etiam vocat D. Ambrosius de Parad. cap. 2. qui quæ in creaturis sibi incomprehensibilia sunt, damnans iudicat: at in probabili implicantia, in qua de opposito quis non conuincitur, nil certi plus habet, quam quod oppositum sibi sit incomprehensibile. Omnipotentia verò adhuc itat in possessione sui iuris, posse supra caprum intellectus creati.

Ex 3. & 5.
de Motu.

18 Motus, per quem definitur Natura, est immanens; id est receptus in eodem principio, à quo est: datur enim etiam motus transiens in externum subiectum. Vterque sic in communi describitur ab Aristotele. Actus entis in potentia prout in potentia; id est primum esse realis formæ accidentalis in subiecto, ut immediate ante tali forma priuato. Specificantur motus à terminis principaliter ad quos sunt: quare alius est in prædicamento vbi, et dicitur Latio: alius in prædicamento quantitatis; id est Accretio, & Decretio, alius in prædicamento Qualitatis, & est Alteratio. Est etiam motus latè dictus in prædicamento substantiæ, &c. quo se viuens ex alimento auget & nutrit. Nullus motus, præter Lationem, fit per partes post partes cum essentiali successione.

De Latione.

19 Latio, seu Motus localis formaliter est adductio successiva mobilis ad partes diuersas spatij realis, vel imaginarij, quibus mobile correspondet, vel concipitur correspondere. Non habet pro termino Vbi fluens modale, vel qualitatem translaticiam; licet hæc, ut plurimum prærequiratur in mobile, ut complementum potentia ad ipsam lationem, ut ipsi experimur, qui aliquando etiam nolentes ferimur impulsu in nobis producto. Velocitas & tarditas lationis non rectè explicatur per morulas interceptras, quæ deberent esse valde sensibiles; sed ex eò quod

vnum

unum mobile secundum suam minimam particulam determinatum eodem tempore plus spatij percurrat, quam alterum; vel utrumque idem spatium, sed inequali tempore.

20 Spatium, seu Locus extrinsecus describitur: superficies corporis prima continentis immobilis. SuffICIENTER intelligitur res esse in loco extrinseco sine vlllo vbi intrinseco superaddito, per solam coexistentiam rei locatz, & loci saltem imaginarij cum certa distantia ad puncta fixa vndeque. Naturaliter vnum corpus esse non potest in pluribus locis adequatis, & distantibus inter se per circumscriptionem replicationem: neq; ibi per penetrationem, vbi est adequatè aliud corpus: vtrumque tamen haberi potest supernaturaliter.

De loco.

De Replicatione ac penetratione.

21 Locus carens omni corpore à Philosophis appellatur Vacuum: quod naturaliter dari repugnat. In illo autem supernaturaliter admissio inter corpora terminato, fieri potest motus lationis sursum, & deorsum naturalis grauium, & leuium, & violentus proiectorum, non tamen progressus animalium, aut volatus auium. E contra in spatijs imaginarijs, vbi nullæ differentię locales assignari possunt, successiuè progredierentur susdeque animalia, & volarent ad libitum aues: Grauiam verò non descenderent, nec ascenderent leuia.

De Vacuo.

22 Motus circularis Primi Mobilis, & Solis numeratus: seu Numerus huius motus secundum prius, & posterius, communiter dicitur Tempus extrinsecum: præter quod non datur aliud intrinsecum, quod sit duratio modalis, aut aliquod superadditum physicum rei duranti: esse enim in tempore, & durare dicit solum rem permanentem existere cum connotatione ad aliquam successionem, vel actuale, cui actu coexistat, vel possibilem, cui possit determinatè coexistere. Tempus est quid continuum, nullis morulis discretum, et est extrinseca mensura, secundum quam alij motus dicuntur veloces, ac tardi. Neque tempus neque vllum ens successiuum, cui essentialiter partes sunt post partes, puto ab omni ente permanente realiter, et adequatè distinctum. Huiusmodi enim ens esset aggregatum ex discretis instantibus indiuisibilibus sese in suo interitui immediate sequentibus: quia nulla pars existens posset vniri cum alia existente, alioquin secundum has coexistentes simul esset ens permanens, non successiuum. Igitur Ens successiuum dico esse ens ipsum permanens, quatenus est in motu, seu quatenus correspondet, aut intelligitur correspondere, vel secundum determinatam sui partem v. gr. A, diuersis partibus alterius fixi, et im.

De Tempore.

De extrinseco.

et immobilis, vni successiue post aliam, vt sensibus patet: vel secundum diuersas sui partes, vnam post aliam, vni parti v.gr. B. eiusdem fixi, et immobilis; siue hoc sit corpus reale, siue spatium imaginarium, cui mobile præsens fiat. Cum verò dicimus rem in instanti, seu motu instantaneo fieri intelligimus rem totam simul in tempore determinato minimo, incommensurabiliter fieri, totam in toto, et totam in qualibet eius parte designabili; vt proportionaliter res spiritualis existit definitiue in subiecto, ac loco diuisibili. Hoc autem minimum tempus, in quo pars minima physica mobilis respondet nouo spatio sibi proportionato, accipimus indiuisibiliter, ac si esset omnis partis expertus; et vocamus instans temporis, quod inter disputandum in vsu est.

*De continui-
nue.*

23 Nullum verò continuum componi potest ex puris indiuisibilibus, non permanens, quia indiuisibilia, cum nullas partes habeant, non possunt tangi, vt faciant extensum, quantum, et maius per partes: quæ verò dicuntur inflata, vt secabilia, palpabilia, ac nimis sensibilia, credi non possunt indiuisibilia, nec spirituali modo locata: sed neque successuum ex puris instantibus constat, quia instantia cum non possint coexistere, non possunt continuari, vt faciant continuum: et cum non habeant prius, et posterius, esset instans incommensurabilis mensura motus supra partes priores, et posteriores spatij diuisibilis: neque sine morulis intercepris, quas sensus ipse dari negat, saluari posset velocitas, ac tarditas motuum. Ergo continuum componitur ex semper diuisibilibus, vt docet Aristoteles. Hæ autem partes actu inter se distinctæ, quarum vna producit, altera corrumpitur, et locum occupat vna, quem non occupat altera, seipsis continuantur, remotis impedimentis, et positis requisitis ad continuationem, homogeneitate, viscositate, humiditate, et alijs qualitativis adhaesiuis. Seipsis etiam partes minimi physici materię vniuntur quadam naturali vi, qua res se conferuant, ne diuise in nihilum irent. Partes successiue eo ipso continuantur, quod non interrumpuntur morulis. Terminantur quoque seipsis partes continui superaddita negatione vterioris extensionis. Quare indiuisibilia tam copulatiua, quam terminatiua reijcto, & vt incommensurabilia parti diuisibili copulandæ, ac terminandæ, et vt superflua; tum etiam ex eo, quod pars intercepta inter indiuisibilia, vniatur sine indiuisibili; nisi velis indiuisibile immediatè esse post indiuisibile. Corpora verò tanguntur semper incommensurabiliter secundum aliquam dimen-

menfionem : plana fecundum profunditatem cylindrus , & planum fecundum latum : fphæra autem fecundum trinam dimenfionem incommenfurabilis eft cum plano perfecto : ideo contactus fit folum approximationis summæ , quanta effe potest faluis figuris .

24 Extenfio verò , & exteicitas partium impenetrabilium , habetur formaliter à Quantitate . Est autem Quantitas acci- dens phyficum proprium materiz à qualitatibus realiter diftin- ctum : cuius formalis ratio , & metaphyfica effencia eft impe- netrabilitas , feu exigentia impenetrationis illius , quæ Interce- dit , videntibus oculis , inter corpora quanta . Alia eft Con- tinua , cuius partes terminantur , feu copulantur termino com- muni : de qua dictum eft : Alia difcreta , cuius partes fingulæ habent proprios , & diftinctos terminos , vt Numeri : quorum fpecies complentur formaliter per intellectum . Alia autem eft quantitas finita , & terminata : alia infinita , & fine vlllo termino : cuius accipientibus aliquid , femper eft extra ac- cipere .

*De quanti-
tate*

25 Poffibilia funt infinita fyncategorematicè , & potentia , quoad exiftentiam realem ; quoad intentionalem , & obiecti- uam in mente Dei funt categorematicè , & actu infinita . Infi- nitum tamen categorematicum in multitudine . in aliqua ex- tenfione , & intentione exiftere , eft quidem fuprà captum hu- mani intellectus finiti , & finitis terminis affueti , fed manifefte non implicat . Figuratum verò , & claufum limitibus intrinfe- cis , etiam improprijs eft manifefte chymera . Implicat etiam creatura perfectiffima , & imperfectiffima finita , quia limitat omnipotentiam . Implicat infinita in perfectione effentiali in- diuifibili ; quia talis effiet non ex eo , quod in fuo genere non haberet aliam perfectiorem , fic enim res quælibet in effencia indiuifibilis effiet infinita ; fed quia in nullo alio genere poffet ha- bere fuprà fe perfectiorem ; ac proinde effiet perfectiffimæ effen- tiæ æquantis Diuinam . Infinitum verò folum materialiter , nul- lum formaliter , eft alio maius : neque alteri æquale pofitiua æqualitate , quæ terminum importat , fed negatiua , feu per ne- gationem pofitiui excessus : ita inter proportionales fimiles , vt 4. ad 2. & 100. ad 50. non inuenitur , nifi materialis excessus . Quodlibet infinitum infinities in fe continet omnes numero- rum fpecies , ita vt finitè in infinitum poffit diftribui per varias feries , ac combinationes numericas , & veluci replicari , & multiplicari ; ac proinde pluribus alijs infinitis æquiualeere , ac

De infinito.

cor.

C

cor.

correspondere simili serie binariorum, aut ternariorum distributis, ac dispositis, verbi gratia infinitum hominum infinitis oculorum, & capillorum per binarios, ac millenarios ordinatis. Neque vnquam infinitum tollitur, nisi quando totum simul in ea serie, in qua posicum est, auferitur. Hoc miraculum habetur in vno quanto palmari ob rationem syncategorematicæ infinitatis inclusæ. idem enim palmus secundum longum pluries diuisus, ac multiplicatus innumeris finitè in infinitum alijs palmis respondere potest: neque

vnquam auferetur; nisi totus simul, in qualibet diuisione multiplicatus, tollatur: si enim solum centum verbi gratia destruas, adhuc in particula, quæcumque

illa sit,

remanent centum, & mille, &c.


Quia diuisibilis in infinitum.

†



EX SUPERIORI ET INFERIORI
S I N V
TERTIA MARGARITA

EX LIB. DE MVNDO, ET COELO.

1.  V N D V S dicitur ab Aristotele lib. de Mundo ad Alex. Compages à Cælo, terræque coagmentata, atque ex ijs naturis, quæ intra eam continentur. Componitur autem hic sensibilis mundus ex duplici corporum genere simplicium, & mixtorum ex simplicibus.

Ex lib. de
Mundo, &
Cælo.

2. Simplicia sunt quatuor vulgata elementa, seu Miscibilia, Terra, Aqua, Aer, & Ignis; & substantiæ cælestes septem stellæ erraticæ, quæ dicuntur Planetæ; Luna, Mercurius, Venus, Sol, Mars, Iuppiter, & Saturnus, & innumeræ fixæ, ac immobiles. Planetis sufficit vnum cælum, alterum fixis, additur Empyreum. Mixta ex quatuor miscibilibus sunt, tam animata, quam quæ sine anima, sine numero nobis noto.

3. Mundus vnus est vnitæte contiguitatis localis, quam mordicus tenent eius partes, ne vacuo inimico dissocientur. In ordine ad fines, ad quos ordinauit Diuina Sapientia, perfectus est; ad eos enim obtinendos nihil deest debitum, ac necessarium: potuisset tamen fieri perfectior in suis speciebus, ac partibus.

4. Mundus à Deo creatus est in tempore, seu in æternitate, quam extrinsecè diuidit in æternitatem à parte ante, & à parte post. Intelligitur autem æternitas à parte ante quatenus, vel ipse mundus prius, & prius se ipso, vel aliæ, & aliæ creaturæ ante ipsum cum successione anteriori sine primo potuissent creari; in quo sensu solet etiam dici creatus mundus post elapsam æternitatem. Habetur verò æternitas à parte post, quatenus vel ipse posterius, & posterius seipso, vel aliæ, & aliæ creaturæ post ipsum cum successione posteriori sine vltimo producibiles sunt.

5. Potuisset à Deo mundus non creari; non potuisset tamen ab æterno creari; quia nulla creatura equare potest Deum in vlla perfectione particulari sumpta secundum suam totam latitudinem; debet enim necessario Deus esse Summus in omni, & sin-

De creatura
etc. etc.

gula perfectione simpliciter simplici: atqui æternitas est peculiaris perfectio, ut patet, non inclusa formaliter in conceptu formali ullius alterius perfectionis. Secundum totam latitudinem suam acceptæ, ut includitur potentia creandi Angelum in conceptu formali omnipotentis potentis omnia, quæ non implicant; ac proinde æternitas statuit lineam peculiarem perfectionis durationis, in qua summa est, esse sine principio, & sine fine: Ergo hæc est diuina, seu propria Dei nulli creaturæ communicabilis. Neque ex alio capite infinita Bonitas, Sapientia, Omnipotentia, Providentia; & cæteræ particulares perfectiones Dei sunt creaturis incommunicabiles; nisi quia in qualibet linea perfectionis particularis ea, quæ est summa, & perfectissima, propria est Dei: alioquin dari posset creatura infinite Bona, Sapiens, Providens, &, saltem in sententia eorum, qui admittant idem per primam actionem producere posse seipsum, etiam Omnipotens; quia hæc perfectiones creatæ licet summæ, distinguerentur ab increatis sufficienter ex eo, quod essent participatæ, & defectibiles ab intrinseco; ut volunt nostri Aduersarij distinguere æternitatem creaturæ ab æternitate Creatoris. Sed admissio hoc absurdo; est conceptus Summi Dei, & in omni perfectione perfectissimi, quod omnes, & singulas creaturas suas collectivè, & distributivè acceptas infinite excedat in omni, & singula perfectione particulari; ut lumen Naturæ mihi videtur patere. Quare dato etiam quod creatura æterna posset in æternitate destitui, cum de factò detur creatura æterna à parte post; nempe Anima Rationalis; quæ imperfecta importat principium essendi, & esse solum præsens temporaneum, & finitum; iam daretur duratio creatæ equalis Increatæ, & Deus à creatura sua æquaretur in perfectione particulari. Verum puto creaturam æternam omnino indestruibilem, & duraturam in æternum, seu per durationem sine fine; alioquin duraret per tempus; atque ita esset inuenire initium productionis illius, quod implicat in æternitate, quæ essentialiter est sine initio. Impropria autem est illa locutio: fore destruendam post elapsam æternitatem tunc, cum est productus mundus de factò; nam æternitas non dicitur lapsa, nisi quatenus creatura contingens, ut docet D. August. 1. 2. de Civ. cap. 15. incipit tempus in æternitate, quam extrinsecè diuidit iuxta nuper dicta. Et qui æternitatem non asserit nobiscum ipsum esse Dei necessarium, & tempus esse creaturæ contingentis, non video in quo bono sensu proferat ly: post elapsam æternitatem. Atque hinc nova ratio negandi crea.

creaturam æternam eo, quod æternitas de sua intrinseca formali ratione necessitatem essendi secum trahat, quæ repugnat subijcibilitati Creaturæ, & absoluto Dominio Magni Dei; ad quem spectat non solum creaturam producere, sed etiam conservare ex libero, & peculiari favore. Accedit auctoritas SS. PP. qui vno ore contra Arianos clamant: Verbum est æternum, ergo non est creatura: at si hæc possibilis est æterna; quæ vis inest argumento? concedent enim non esse creaturam, ex factis in tempore, de quibus loquitur Scriptura.

6 Ens successivum æternum implicat speciali iure: ex eo quod sit ens, cuius partes essentialiter sunt durationis finitæ, secundum prius, & posterius; quin immò instantaneæ: finis autem indicat initium, quod implicat in æternitate. Quis autem credat totum æternum, cuius quælibet pars æterna, chymeta est? argumentum vero à distributio ad collectivum valet, quoties prædicatum convenit parti, non ut pars est, sed ut habenti naturam, & essentiam totius; ut patet, si dicas: hæc pars parietis, & hæc, & illa, est alba, ergo totus paries albus, atqui tam motus, quam singulæ partes motus, & entis successivi, habent essentialiter prius & posterius. Sed data creatione solis æterna; quæro, in quonam puncto hemisphærij; nostrine, an oppositi creavit Deus Solem ab æterno? Interrogatus, num responderet: Nescio? an diceret: Solem effectum determinatum in toto cælo productum indeterminatè? utrumque absurdum: ergo determinata pars cæli esset assignanda: at ex hac cæpit moveri; ergo ex hac initium motus æterni.

7 Sed multò clarius implicant generationes æternæ ab vno primo, quæ per certa intervalla naturaliter fiant; puta humanas ab Adamo per intervalla novem mensium. Esset enim à Deo assignanda, quæ immediata esset Adamo; hæc vero esset, vel post æternitatem producta, non æterna; vel post novem menses à creatione Adami, non æterni, habentes solum novem menses.

8 Mundus hic in tempore creatus naturaliter solo concursu Dei ordinario potest durare in æternum, habens substantias celestes, & sublunarem materiam incorruptibiles, in qua directè non intenditur à Natura corruptio sine generatione. Durabit de facto, sed in alio statu: iuxta illud Apoc. 21. Video Cælum novum, & Terram novam; & illud Isa. 30. Erit lux Lunæ sicut lux Solis, & lux Solis erit septemplex. Post diem iudicii cessabit, ut creditur, Cælorum motus, & generationum vicissi-

vicissitudo sublunarium; dicente Angelo in Apocal. 10. quod Tempus non erit ultra.

9 Partes Mundi sic situatiter ordinantur. Terra grauissima, & infima centrum Vniuersi obtinet, locum infimum: Aqua superfunditur natura sua Terræ: deinde Aer occupat regiones supra aquam: postremò Ignis sub concauo Lunæ; quod patet; quia Terra sub Aquam descendit, Aqua sub Aerem, Ignis, ut leuissimus, super Aerem conatur esse, quantum potest; neque illi congruentior locus alius assignatur, quam supremus; neque proprius principaliori elemento denegandus est. Inter verò cœlestia corpora secundum Ptolemaicum systema Luna infima est, supra quam Mercurius, deinde Venus, tum Sol, Mars, Iuppiter, & Saturnus: postremò fixæ, & Empyreum. Secundum vero Ticonem, Luna, & Sol vertuntur circa Terram, ut Centrum; circa Solem vero reliqui Planetæ. Recentiores præhabitis accuratius obseruationibus, statuunt circa Solem verti Mercurium, & Venerem, & intervallo maiori etiam Martem; Iouem vero, & Saturnum circa Terram, ut circa Centrum.

10 Mundus sensibilis tum secundum se totum, tum secundum partes videtur obtinere figuram rotundam. Empyreum fortasse est: Ciuitas in quadro posita; de qua Apoc. 21. Sol, Luna, & Stellæ apparent ex suis, quas reddunt, imaginibus sphericæ; vnde Sole eclypfatus videtur secundum partem sui disci diminutus in Aqua; vel ex specie luminosa per fenestræ rimas quascumque in pavementum proiecta. Elementaria corpora configurantur concauo cœlesti; & Terra, & Aqua vnum physicum globum simul efficiunt, qui dicitur Terraqueus, ut innotescit, tum ex umbra conica Terræ, & Aquæ faciente eclypsim Lunæ, dum intercipitur inter Solem, & Lunam ipsa Terra, & Aqua. Umbra autem conica pro basi rotundum corpus habet, tum ex inspectione diuersa certi syderis, Ortus, & Occus eiusdem, non eodem tempore omnibus, tam in Terræ, quam in Mari existentibus; quia gibbositas Terræ, & Aquæ his impedit lineam visualem, non illis: sed præsertim ex eò, quod omnes parres æquè grauitent ad idem centrum, quantum possunt, vnde sequitur æquidistantia partium extremarum ab illo, quæ est ipsa sphericitas.

11 Aqua in Terræ sinibus pro Viuentibus terrestribus, ut in vase collecta, Mare dicitur; quod non est altius ipsa terra, quia ut est corpus fluidū, minimè consistens, hinc & inde deflueret; & fluuij ad illud decurrentes ascenderent in locū eminentiorem.

12. Originem ducunt ex Mari plurimi fontes, ac lacus; ij scilicet, qui ex superficie Maris altiori duci possunt; non enim ascendit aqua altius, quam sit locus, à quo descendit. Decurrit autem aqua per cuniculos subterraneos salebrosos, ac glareosos, per quos deponit falsedinem, & è Terra deinde dulcis erumpit. Aliqui etiam oriuntur ex pluuiaribus in vnum coadunatis, vnde torrentes, qui ex magna siccitate siccantur. Illi vero, qui in altissimis montibus scaturiunt, vel à Mari ortum habent, quatenus aqua subter decurrens, terra spongiosa, ac arido pumice attrahitur ad summam montis, vbi dissolvitur in fontem; ita superficies summa panis in aquam iniecta trahit ad se humorem, quem non contingit; ita oleum exugit ellychnium è lucerna, quod guttatim demittit ex pendulo altero capite extrahit illam: luvat etiam hunc ortum fontium ignis subterraneus, quatenus attenuando aquam, illam eleuat. Vel oriuntur his fontibus, vt vult Arist. 1. meteor. ex aere plurimo vaporoso, qui in fornibus montium, saxosis, ac spongiosis sinibus frigidissimis, transmutetur in aquam, subinde nouo aere pro materia transmutabili per capaces meatus succedente; quæ aqua defluit in fontes, qua illi aditus patet: vnde perennantes fluij.

De origine fontium.

13. Maris falsedo habetur præsertim ex plurimis exhalationibus, quibus refertissimum est Mare, calidis, sulphureis, nitrosis, terrestribus, siccis, atque etiam humidis crassis, non bene decoctis; ex quarum permixtione fit lapidum. Aestus maris potissimum habetur à calore Lunæ; quatenus per mixturæ exhalationes, ac halitus diuersi, crassi, ac viscosi, modico etiam calore, vt patet ex musto, facile intumescunt, & æstuant; concitatis etiam è fundo spiritibus per ignes subterraneos.

De Mari.

14. Dari autem subterraneos ignes in visceribus Terræ inclusos, ad fecunditatem ipsius terræ, ad mixtionem metallo- rum, & fossilium in fodinis, in quibus non deficit pabularia materia sulphurea, & bituminosa; notum est ex montibus igniuomis, ex aquis thermalibus, & non paucis ebullientibus, & similibus effectibus, naturalibus; & ex terræ motu, vbi accenditur sicca exhalatio, vel ob antiperistasis, vel ob attritionem, vel alia de causa extrinseca, & querit maiorem locum non sine vi magna, & impulsu, vt res se habet in cuniculis militaribus.

15. Cælum valde probabiliter constat ex materia eiusdem rationis cum hac sublunari: ex propria tamen forma habet esse incorruptibile substantialiter, solis accidentalibus alterationibus subiectum. Tres Cæli sufficiunt, Planetarum, Fixarum, seu Firmæ.

De Cælo.

Firmamentum, & Empyreum. Horum primum fluidum; reliquos duos eum communiori solidos esse censeo. Mouentur ab intelligentia assistente, non ab Anima informante.

Influunt Cæli cum suis astris in hæc inferiora, tam per lumen, & qualitates notas alteratiuas, quam per alias superiores ordinis ab elementaribus, quæ dicuntur qualitates occultæ, & communi vocabulo, Influentiæ Cælorum.

Hinc est, quod ex ortu, occasu, coniunctione, oppositione, & aspectibus diuersis syderum plura rectè præcognosci possunt circa Agriculturam, Nauticam, Medicinam, & Constitutionem, ac Alterationem humani corporis; nihil vero directè circa ea, quæ pendunt ex nostra libertate: quare omnino vana est Astrologia Iudiciaria.

De Elementis.

16 Elementum ex 3. Cæli tex. 3 1: est illud eorumque, in quod cætera corpora diuiduntur; ipsum verò est indiuisibile in diuersa specie. Quatuor sunt vulgata elementa, Terra, Aqua, Aer, & Ignis: Singula habent ex primis qualitatibus duas, vt proprias, alteram in summo, alteram in excellenti sine admixtione contrariæ. Terra in summo siccæ, frigida prope summum: Aqua summè frigida, humida in excellenti: Aer ad summum humidus, calidus non ita: Ignis summè calidus, excellenter siccus: considerata tamen secundum puritatem propriæ naturæ; nam valdè impura pro generationibus sublunarium apud nos existunt.

Ignis, vt leuissimus, supremum locum obtinet sub concavo Lunæ. Terra grauissima infimum in centro Vniuersi, cui firma adheret sine vilo motu trepidationis. Aer subternitur Igni super Aquam, quæ ex natura sua superfunditur Terræ: nunc verò in bonum viuendum facit simul cum ipsa Terra hunc physicum globum Terraqueum.

De qualitatibus Elementorum primis.

17 Calor congregat homogenea, & disgregat etherogenea; frigus congregat homogenea, & etherogenea: Humiditas faciliè dicitur terminabilis alieno termino; difficile proprio: Siccitas faciliè proprio difficile alieno.

Sunt qualitates oppositæ à substantia distinctæ; omnes actiue, licet comparatiuè, & in ordine ad mixtionem, siccitas, & humiditas dicantur passiuæ. Sunt primæ primitate præsuppositionis: Sunt contrariæ, ita vt simul in eodem subiecto remissæ esse possint, vt impleant latitudinem assignatam octo graduum; in summo intense simul esse non possunt, nisi per absolutam Omnipotentiam.

Elemen-

Elementa, quæ conueniunt in aliqua ex his qualitatibus dicuntur symbola; secus, dissymbola; inuicem immediatè possunt transmutari, si congregiantur cum debita proportionè actiuitatis, & resistentiæ passivæ.

Qualitates symbolæ tam in Elementis, quam in alijs corporibus, v.g. omnes calores, probabilis sunt eiusdem speciei.

18 Ex primis oriuntur secundæ elementorum qualitates, Raritas, & Densitas, Grauitas, & Leuitas. Rarum ex phys. tex. 14. est quod habet parum materiæ sub magnis dimensionibus, & Densum; quod habet multum materiæ sub paruis.

Rarefactio, & condensatio motus ad Raritatem, & Densitatem saluatur per penetrationem, & expenetrationem in partium ipsius materiæ, à qua sic expenetrata per emanationem produciunt noua quantitas, quæ deperditur in condensatione, dum penetratur; Non. n. omnis rarefactio, & condensatio saluari potest per intromissionem, & extramissionem alienorum corpusculorum: nulla verò per qualitatem, aut vbiatationem maiorem, & minorem superadditam; aut per puncta inflata, ac deflata.

19 Grauitas, & Leuitas sunt qualitates superaddite substantijs, & temperamento primarum; & dicuntur Virtutes motiuæ elementorum: Grauitas est principium motus deorsum: Leuitas, sursum. Elementa in sede propria non grauitant.

Projecta vero mouentur per qualitatem ab impellente productam, quæ vocatur Impulsus. Hunc etiam sibi producti corpus graue in descensu; vnde motus naturalis in fine, violentus vero proiectionis in medio, velocior.

20 Ex 4. Elementis, vt ex corporibus simplicibus miscibilibus, componuntur cætera corpora sublunaria, quæ dicuntur mixta substantia, integrantia hoc Vniuersum. Mixtio, quæ miscetur miscibilia pro generatione mixtorum ab Aristotele dicitur: Miscibilium alteratorum Vnio. Vnde probabilis censemus elementa secundum substantiam integra, secundum qualitates suas retusa, formaliter manere in mixtis post mixtionem.



EX ORIENTALI, ET OCCIDVO
S I N V

QVARTA MARGARITA

EX LIBRIS DE ORTV RERV, ET OCCASV.

*Ex lib. de
Ortuum,
& Occasu.*

ORTVS, seu Generatio substantialis est a productio compositi substantialis dependenter à subiecto sustentante. Corruptio opposita: desitio eiusdem, subiecto eodem remanente. Generatio Viuentis in particulari, ex D. Thom. p. p. q. 27. ar. 2. est origo Viuentis à viuento per principium coniunctum in similitudinem Naturæ, saltem in proximo genere. Productio vero rei ex nihilo sui, & obiecti rectè dicitur; Creatio; vt desitio rei in nihilum sui, & subiecti, Annihilatio.

*De Genera-
tione.*

2 Generatio vnius concomitanter vt plurimum, vel causaliter est corruptio alterius desitio enim seu primum non esse formæ in subiecto est secundarius effectus formæ oppositæ in illo productæ. Hic vero transitus subiecti de termino positio in positium, vt de ligno in ignem, dicitur Conuersio, habitæ ex vi repugantiæ, quam habent extrema cum tertio ad peculiaris munera obeunda. Quod si hoc tertium manens esset aliquod accidens, conuersio esset Transubstantiatio, qualis est conuersio miraculosa Eucharistica, de pane in corpus Christi Domini.

3 In nulla generatione naturali fit resolutio vsque ad materiam primam. Sensus enim docet manere eadem numero accidentia, quæ immediatè ante productionem formæ præerant; vt docet te esse in primo, ac secundo quadrante horæ eundem. Neque est assignare causam illorum destructiuam, & immediatè productiuam, nisi velis naturam nugari, vel formam intro- duci in materiam ind dispositam.

*De efficien-
te causa ge-
nerationis.*

4 Causa efficiens generationis substantialis est substantia, non Accidens; quod solum, vt instrumentum, disponit materiam expellens contrarium, produciens accidens congenericum substantiæ generandæ. Nemo enim dat, quod non habet: vnde causa, saltem adæquata, debet esse, vel perfectior quam sit effectus, qualis est æquiuoca; vel æquè perfecta, qualis est vni- uoca.

voca : Inter accidens autem ; & substantiam est ea maxima improprio-
 tio , quæ potest intercedere inter entia . Sunt enim sum-
 ma genera , & membra primò opposita , diuidentia ens ; inter quæ
 propositio negatiua ; scilicet substantia non est Accidens : habe-
 tur , vt dignitas , & principium indemonstrabile . Quare , cum
 inter substantias nunquam sit tanta improprio-
 tio , asserimus ad effectum etiam nobiliorem inadæquatè , & partialiter concurrere
 substantias imperfectiores , ad quarum præsentiam non mor-
 tuam , & inertem , sed operatiuam , & viuam , fit talis effectus ,
 pro quo disponunt materiam . Si enim substantiæ illæ instru-
 menta habent actiua sibi debita ad dispositionem matris pro
 substantia effectus , cur non habeat virtutem etiam effectiuam
 illius ? inep-è quis negaret artem fabrilem in esse homini se-
 cum ex instituto suo deferenti fabrilis instrumenta , & claman-
 ti se fabrum esse . Igitur elementa cum Cælo concurrunt ad ge-
 nationem solisilium , & mixtorum inanimatorum , plantarum ,
 & herbarum ; atque etiam animalium ex putri , quorum origo
 non esse potest rana vaga , quia effectus determinati assignanda
 est causa determinata , de qua verificetur propositio de præsen-
 tiæ datur aliqua causa huius effectus : accidentia vero sunt ma-
 gis improprio-
 tionata , quam illæ substantiæ , quamquam orta ex
 putri , vt imperfectissima , fortasse non habent adæquatam
 causam in natura sine vilo absurdo . Ouipera generantur ex vi
 sementina substantiæ oui , organizante illam materiam , &
 viuipara ex anima matris . Deus autem supplet in eo , quod
 deest causis secundis ; & sic habetur causa adæquata æquè per-
 fecta , ac effectus , Neque est recursus ad Deum solum ita
 frequens , quasi esset Natura malè constituta , & nimis de-
 fectuosa .

5 Causa creata naturaliter non potest creare operando in-
 dependentem à subiecto ; potest tamen eleuari ad creandum , &
 ad hunc modum operandi in ordine superiori . Habens autem
 creatura creans terminum limitatum , & modum operandi de-
 pendentem à Deo , nullam inferret in iuriam omnipotentis .
 Est porro cuique rei actiue potentia inchoata , & obedi-
 entialis actiua ad quodlibet ex peculiari ratione non repugnans ,
 complebilis per eleuationem , vel intrinsecam , vel extrinsecam .
 Certè improprio-
 tio effectus non obstat ; nam de facto , vt docet
 fides , datur in Anima talis potentia actiua , & passiuæ ad ef-
 fectus improprio-
 tionatos , ad actus , & habitus supernaturales , ad
 visionem beatificam , ad gratiam sanctificantem , lumen glo-

*De creatio-
 ne, & pos-
 sita obedi-
 entiali.*

riz, Vnionem hypostaticam; & vnionem animarum in igne Inferni, iuxta communioem, & plures alios. Atque hoc valde congruit, & dominio, & Sapientie supremi Artificis Dei, quod suis creaturis fuerit fabricatus talia instrumenta, vt ad omnes vsus possibiles potuerit illis ad libitum vti: nonne magnam laudem assequeretur Artifex ereatus, si conficeret sibi instrumentum pluribus disparatis idoneum?

De Alteratione.

6 Alteratio, quæ famulatur generationi, est latè accepta; motus ad accidens; strictè vero, ad qualitatem tertie speciei, & præsertim ad contrariam, vel mediam sensibilem: alia est corruptiua, quæ tendit ad generationem vnus, quam sequitur corruptio alterius: alia est perfectiua tendens ad conseruationem sui subiecti, & perfectionem. Sine morulis conuinuari potest successeuè per partes aliquotas minimas subiecti, & ipsius qualitatis, non per partes proportionales: alioqui nunquam assignaretur initium, & finis alterationis, neque certa intensio qualitatis; quia in proportionalibus neque prima, neque vltima absolute assignari potest, quin prior, quin posterior.

De intensione qualitatis.

7 Qualitas habet, vt proprium, intendi, ac remitti, id est in eadem parte subiecti fieri maior, quatenus gradus additur gradui; & minor; quatenus gradus, seu pars detrahitur à gradu. Est enim intensio motus acquisitus qualitatis, & remissio deperdituas partium, quæ erant intra partes; vt accretio acquirit partes, & decretio amittit partes, quæ erant extra partes quantitatis.

De homogeneitate graduum.

8 Hi gradus qualitatis homogenei sunt: sicut enim sit intensio quantitatis per partes eiusdem rationis, cur non etiam intensio qualitatis? Deinde si etherogenei essent, gradus inferior adueniente perfectione esset superfluous, et gradus perfectissimus, octauus scilicet caloris, tolleretur ab imperfectissimo, nempe à primo contrarij frigoris. At plures primi à Deo positi in eadem parte subiecti, cur quæso non facerent intensiorem grauitates, vt vnum, in pluribus granis æquivalent grauitati intensæ plumbi in statera: simul in vno grano collocatæ eum non dabunt æquè intensam grauitatem, ac sit grauitas plumbi? idem dico de pluribus luminosis, habentibus singulis modicam lucem æqualem. Dicuntur vero primi, secundi, tertij, prout à Deo sunt determinati, et producti à causa primò, secundò et tertio: quare non idè calidum vt 3. calorem non producit in calido item vt 5. quia non habeat gradum 6. perfectionem; sed quia adequatum agens vniuocum non operatur, seu non promouet

monet passum, supra suam intensiorem, quia illud sibi dissimilaret, ut ipsa docet experientia.

9. Causa efficiens alterationis, et qualitaris est aliquando solum accidens, cum est in subiecto sibi extraneo, ut calor in aqua; aliquando sola substantia, ut cum per emanationem aqua calefacta reparat sibi suum frigus, aliquando substantia simul, et accidens, quod determinat ipsam substantiam ad productionem tantæ, vel tantæ intensiorem; ideo sine sua qualitate substantia, quæ dicitur uniuocè operari, non agit in extraneum subiectum. In Reflexione causa maioris intensiorem sensibilis prope obstaculum assignatur Agens principale, concurrente ipso obstaculo qualitate directæ affecto, quæ in ipso fortior est, ut in subiecto densiore: sic enim multiplicatur causæ ad melius saluandas experientias, ac nouas directiones, et subinde nouum augmentum qualitaris in pluribus reflexionibus: qualitas autem directæ cum agente principali non est improporcionata ad producendam reflexam. In Antiperistasi verò, ac Præclusione, si qualitas, quæ verè intenditur, est debita, et naturalis subiecto, ut cum intenditur frigus aquæ, quæ in grandinem, ac niuem cogitur: intensiorem huius causam statuo intrinsicam ipsam aquæ formam substantialem, quæ ad sui conseruationem habet meliores vires etiam exere sub certis limitibus, quando petitur contrario obssistente: si verò est indebita subiecto, ut cum calefit aqua putealis in æstate, causam extrinsecam assigno; nempe exhalationes, et halitus inexistentes, et occurrentes, qui à contrario refugientes se magis vniunt, & fortiores agunt in partes remissas; easque intendunt.

10. Qualitas propagatur ab Agente per medium sphericè vniformiter difformiter semper minus in partibus remotioribus ab ipso agente, si cætera sint paria; & quidem per proportionem potius geometricam, & inæqualem; quam per arithmeticam æqualem; nam videtur propò agens fieri in parte determinata v.gr. ab extremo ad extremum palmi, vnus maius decrementum, quam fiat ab extremo ad extremum alterius palmi remotioris ab agente. Nunquam vero agens tantam intensiorem producit in passo, quantam habet in se, alioquin cresceret actio in infinitum. quare cum ipsa qualitas producta sit determinatiua suæ causæ ad productionem nouæ qualitaris semper se minoris in sequentibus partibus mediij, & passi, tandem peruenitur ad minimum qualitaris, quo finitur actio seruata proportionem intensiorem, & remissionis, prout cœpta fuit actio, & fuit

*De causa
alterationis.*

*De propaga-
me qualita-
tis.*

agens

agens in his, vel illis circumstantijs, determinatum initio ad tantam intensiorem in primo minimo subiectis; licet enim nunquam supra propriam intensiorem, ut est causa adæquata; intra illam tamen ab extrinseco passo magis proportionato, à contrario obistente, et alijs circumstantijs molis, ac densitatis diuersimode determinari potest initio suæ actionis ad hanc, vel illam proportionalem propagationem suæ qualitatis. Densitas enim, et moles non augent virtutem cause, sed applicant eam melius, ac determinant ad effectum, vim illius non excedentem, qui extra illas circumstantias non produceretur.

*De resist.
passi, et illio-
ne, & Res-
tione.*

11 Ut sequatur actio, debet intercedere proportio maioris inæqualitatis inter actiuitatem agentis, et resistantiam passiuam passi, qua formaliter exigit passum persequere in esse; hæc enim minor esse debet, ut patet ex terminis. Resistit autem passum ad præsentiam contrarij, duplici quadam resistantia, et totius, et partis; seu secundum omnes partes simul, et singulas etiam seorsim, ut acies bellica secundum omnes milites collectiue, et distributiue; ut primi cadant, cæteris integris. Sic enim intelligitur quomodo formice ambulantes terant marmor, et gutta lapidem cauet sæpius cadendo: et cur agens validum totum simul non vincat passum debile, sed successiue per partes, et cur aliquando non sequatur actio, quæ semper sequeretur, si solum secundum minimas particulas proximiores passum resisteret contrario agenti secundum omnes suas. Quod si passum est actiuum, etiam actiue resistit, reagens aliquid in ipsum agens; unde datur actio, et reactio, passio, et repassio naturaliter, secundum eadem contrarietatem qualitatis, secundum eadem partem subiecti, et eodem tempore: sunt enim agentia necessaria debite inuicem applicata: et hoc idem experientia docet, dum nix manu calefacta liquefcit, et manus niue frigefit. Idem autem propriè non mouetur motibus contrarijs; neque enim contrariantur termini, nisi supra latitudinem octo graduum; neque fortasse pars non repassa agit in repassam in pugna, sed post pugnam, ut miles vulnus curat, reparans qualitatem deperditam.

*De actione
in distans,*

12 Ad agendum etiam naturaliter requiritur contactus agentis cum passo: non enim datur actio naturalis in simpliciter distans, ut experientia docet in qualitatibus calore, frigore, luce, sonu, odore, et quacumque alia nota qualitate; si quidem interposito inter agens, et passum obstaculo, retardatur actio, vel penitus impeditur, si sit obstaculum impermeabile. Aque
hoc

hoc videtur exigere bonum vniuersi; vt actio violentis agentis possit interrumpi ad hoc vt præsertim viuientia possint eueri se à contrario, et se conseruare. Sufficit autem virtualis contactus ad agendum, quo agens applicatur passo per aliquam qualitatem, vel à se diffusam, vel inuentam in medio, quam, nisi inueniret, produceret. Hoc pacto Cœli approximantur visceribus terræ ad productionem metallorum, per qualitates lucis, caloris, et influentiarum. Ita panes ignis in fornace remotiores agunt in passum distans per contactum caloris inuenti in medijs partibus eiusdem ignis: ideò enim plus calefit, qui directè sùstitur ad os fornacis, quam qui ad latus, quia etiam partes remotæ directè oppositæ in ipsum agunt. Nulla verò experientia euidens opponitur huic notissimo modo operandi nature: quare si quæ attulerunt; vel erit in illis assignanda aliqua qualitas sympathica, vel antipathica per medium producta, vt in fascinio lamiarum, et vi attractiua magnetis, licet in medio, ob illius incapacitatem, non habeat effectum, quem habet in termino; ita quoque odores, soni, et qualitates intentionales, non eodem modo medium afficiunt, ac potentiam; vel effectus ab agente simpliciter distante, vt curatio vulneris ex vnguento Armario, censeri poterit supersticiosus ex implicito pacto cum Dæmone. Si enim hoc iudicium dignoscendi effectum supersticiosum à naturali tollis, quod, quæso dabis? proportio enim causæ cum effectu à posteriori dignoscitur, quatenus hic ponitur ad præsentiam illius in certa distantia, & positis determinatis conditionibus ad agendum.

13 Item distinctio saltem inadæquata inter agens, & passum ad actionem vniuocam requiritur. quare idem in se ipsum non agit se promouendo vniuocè ad vterioiorem perfectionem: ageret enim supra propriam intensiorem, & se intenderet vsq; ad summum contra experientiam, quæ docet calorem in aqua non augeri, sed potius minui; æquiuocè verò potest, vt patet in aqua, quæ reparat suum frigus, & in viuente, quod habet suos actus vitales, ac sensationes, quibus perficitur.

14 Etiam dissimilitudo in gradu, vel specie qualitatis est conditio; ad hoc vt sequatur actio vniuoca totalis, & adæquata; quare simile in gradu, & specie, non agit in omnino simile, vt causa totalis; quia cum non sit maior ratio, cur potius vnum, quam alterum agat, se inuicem intenderent vsque ad summum; & quodlibet ageret supra propriam perfectionem, ac virtutem, quia supra propriam intensiorem; est enim intensio propria per-

*De actione
eiusdem in
se ipsum.*

*De actione
similis in
simile.*

perfectio qualitatis, extensio verò accedit illi, ut est qualitas; & conuenit solum, ut est qualitas materialis. Naturam autem agentis vniuoci, ut vniuocum est, hanc esse, ut ignis est calefacere, nobis innotescit experientia; aqua enim calida, ut duo, aquam calidam, ut duo, non intendit, fax luminosa ut tria luminosam facem ut tria, non magis illuminat. Ratio peti potest ex fine in qualitatibus alteratiuis, quia habent assimilare sibi passum, quantum possunt, ut consulant suæ corruptibilitati per propagationem suæ speciei, & disponant materiam ad propriam substantiam; quo fine habito, cessat actio, quæ habetur ex fine. Verum ut causa partialis simile agere potest in simile, ut patet, quia dum gradus caloris ut 6. producant calorem ut tria, tres gradus caloris in causa adæquata concurrunt ad talem effectum sibi similem: & ego ipse igni proximus à calore mihi immediato existente in aere caleſco, et quidem æquè, imò plus, quam sit calidus talis aer. Dissimilitudo autem solum in mole, aut in densitate non sufficit ad hoc, ut sequatur actio adæquata inter omnino similia; quia virtus actiua, quæ est intensio, non augeatur ex mole, nisi extensue; neque ex densitate fit maior; sed solum applicantur magis; et plures partes: unde verificatur illud axioma: Virtus vnita fortior se ipsa dispersa. Qualitates verò intentionales similes, si tamen vniuocè propagantur, permiscuntur propriè non intenduntur in medio, ut enim sunt representatiuæ, et vicariæ suorum principiorum ex suo mutare ac natura retinent suam distinctionem sine confusione: et licet similes sint, tamen non possunt produci ab alio principio simili; ita species visibilis albi, A, non est producibilis ab albo, B.

De maximo, & minimo extensionis.

15. Necessaria insuper est ad naturalem operationem tam ex parte causæ, quam ex parte subiecti, et effectus quædam determinata moles, et extensio, infra quam res naturaliter neque agere, neque pati potens, neque fieri, neque separata ab alijs partibus conseruari. Quæ moles vocatur minimum quod sit; seu terminus intrinsecus paruitatis. Hoc minimum naturale, seu physicum taxat sibi tam viuens, quam non viuens, quia res quælibet materialis est naturaliter ab intrinseco determinata ad certam mensuram in quantitate, ut in cæteris dispositionibus. Deinde experientia docet murem nullum fuisse minorem formica, et nimia macie animal perire; aqua etiam in particulas minutissimas diuisa corrumpitur, quia ex suo minimo in minimum aëris per diuisionem transit; ita enim Natura ordinat,

nauit, ad varias vicissitudines generationum, vt quod est vni
minus minimo, alteri sit sufficiens minimum, ne materia ma-
neret sine vlla forma, aut cum forma sine dispositione. Vieni-
ti vero maximum etiam, quod sic, extensionis, seu terminus
intrinsecus magnitudinis naturalis conuenit, vltra quem non
se extendit: hinc crassitie satiscit, et sua mole concidit arbor,
arescit herba, pinguedine moritur animal. Exigit enim viuens
ad certas functiones vitæ organa determinata, quæ nimis ma-
gnæ incepta sunt, vt nimis exilia. Homo longus vsque ad con-
cauum Lunæ quam ineptus esset ad vsus humanos? quot mil-
liaria conficeret cibus antequam perueniret ad stomachum? an-
tequam ori cibum inferret manus? Non viuens vero, quia ab
intrinseco se non promouet ad suam molem, tantum potest
orescere, quantum illo additur finitè in infinitum ab extrinse-
co. quod est id, quod dixit Aristoteles 1. de ani. t. 4. ignis aug-
mentum in infinitum abit; quousque fuerit combustibile.

16 Qualitas etiam habet sua minima intensiōis, ac remissio-
nis per quæ propagatur, ac producit per minima subiecti:
sic enim rectè saluantur initium, et finis alterationum, et de-
terminatæ intensiōes, quæ sunt in subiecto, et certæ disposi-
tiones ad formas substantiales, quæ incipere debent intrinsecè,
vt de illis verificetur: Nunc primò est forma in subiecto, quod
sine absurdo verificari non posset, si per proportionales partes
qualitas dispositiua produceretur, quia de illa non verificare-
tur: Nunc primò; cum non sit prima pars in proportionalibus,
quare vel deberet præcedere materia cum dispositione suffi-
cienti ad formam suam formam, vel deberet esse forma in materia
sine sufficienti dispositione: Verumque physicum absurdum ex
productione qualitatis per proportionales; non per minimas
obiquitæ. Pro maximo verò; & termino intensiōis naturale
statuitur à Philosophis latitudo octo graduum, vltra quam
Agens, licet valens, & applicatum passo, nil amplius producit
qualitatis

De maximo
& minimo
intensiōis
ac remissio-
nis.

17 Qualitates alterationum sunt quatuor: Calor, Frigus, Sic-
cinas, & Humiditas, omnes positivæ sunt à substantia distinctæ
realiter; ea enim immocea variantur: Sunt primò dispositivæ ad
substantiales formas, vnde dicuntur primæ primitate præsup-
positionis in materia: Sunt etiam primò contrariæ, inuicem
se à subiecto eodem expellentes; quoties tamen simul excede-
rent dictam latitudinem intensiuam octo graduum: inter enim
hanc latitudinem simul pacificè manent, & constituunt com-
plexio-

De primis
qualitatib.
alteratiuis
Elemento-
rum.

plexionem, ac temperamentum debicū formis mixtorum; ad quæ simul cum elementis miscibilibus ordinantur. Neque aliud nos docet experientia, cum videmus tantum de calore destrui in subiecto, quantum est productum de frigore in illo.

18 In ordine ad mixtionem rectè describuntur ab Aristot. tex. 8. in concretò: Calidum, quod congregat homogenea, & disgregat etherogenea; frigidum, quod congregat homogenea, & etherogenea; Humidum, quod est facile terminabile termino alieno, difficile proprio: siccum, quod facile proprio, difficile alieno terminatur. Sic homogenea id est liquabilia, ac tenuabilia, & quæ ad aliquam homogeneitatem reduci possunt, ad eam calore reducuntur; frigore hæc cum etherogeneis, seu diuersa liquabilitatis, & ponderationis, ac consistentiæ, incorporantur, & consolidantur. Ipsa verò miscibilia per humiditatem facile habent sic misceri, ac terminari; siccitate verò retinere corpulentiam, quam recipiunt, & proprios terminos, quos quæ firmius retinent, vt lapides, sicca absolute dicuntur; quæ minus, vt metalla, humida mixta appellantur. Hinc est quod comparatiue, & in ordine ad mixtionem considerate, siccitas, & humiditas dici solent passiuæ qualitates primæ; cæterum et ipsæ actiuæ sunt: sal enim carnes exsiccatur, et conseruat à putredine; loca humida eas humectant, vt putrescant. Siccitas etiam conglutat vt dicitur 4. meteor. cap. 34. conglutare autem est agere.

19 Ex his primis duæ propriæ sunt unicuique elemento miscibili, considerato secundum propriam naturam, vna in summo, altera in excellenti sine admixtione contrariæ quæ sine necessitate admittitur in corpore simplici elementari. Terre siccitas summa, frigus prope summum; Aquæ frigus in summo, humiditas in excellenti; Aeris humiditas summa, calor non ira. Igni calor in summo, siccitas prope summum. Hæc autem distributio videtur congruentior harmoniæ Naturæ, quam vlla alia. Si quidem et cuilibet qualitati tribuitur secundum suam perfectionem proprium subiectum; et nulli elemento, corpori simplici, assignantur qualitates contrariæ; et distribuuntur ita, vt rectè vnum sit locus congenitus alteri, cum diuersitate, quam docet sensus. Non enim apparet in duobus elementis eadem qualitas in eodem gradu esse: enim Terra siccior igne, et ignis maxime actuosus, melius congruit cum siccitate, quæ eos caloris est, neque facile terminatur alieno termino; violenter enim detentus, nisi per rimas expiret suffocatur, aut dirumpit repagula.

20 Elementa, quæ aliquam similem ex dictis qualitatibus habent, vt Ignis, et Terra; Ignis, et Aer, symbola dicuntur; secus verò, dissymbola. Qualitates symbolas probabilius est, tam in elementis, quam mixtis. V.gr. omnes calores Cœlestem, Elementarem, et Vitalem, esse eiusdem rationis, ac speciei. Intenduntur enim simul, petuntur formaliter ab eodem contrario; et eundem habent effectum primum calefaciendi, rarefaciendi, congregandi homogenea, et disgregandi etherogenea: quod si alios effectus diuersos præstat calor cœlestis pro videntium generatione, et alios vitalis in animali; hoc euenit tum ex diuersa temperie eorundem calorum, tum ex consortio aliarum qualitatum, et diuersarum potentiarum, ac principiorum substantialium, quorum sunt instrumenta. Alioquin ipse calor vitalis esset diuersus specie, in hepate, corde, et ventriculo; nam in his membris operatur diuersa. Quin imò ignis ab igne, diuersus erit, quia ceram liquefacit, et lutum indurat.

De Elementis vt Mixtibilibus.

21 Præter has primas actiuas, & passiuas qualitates insunt Elementis secundæ, vt propriæ, Grauitas, ac Leuitas, quæ illorum dicuntur virtutes motiuæ, quibus recta ab intrinseco ferantur ad suas sedes, quoties ab illis dimouentur: Est Grauitas in Terra principium motus deorsum simpliciter; in Aqua, secundum quid: est Leuitas in Igne principium motus sursum simpliciter; in Aere, secundum quid; diuersæ, vt ad diuersos terminos determinatæ. Distinguuntur realiter à substantijs elementorum, & à complexione primarum; quia sepe primæ variantur, non hæ; vt patet in aqua calefacta; & sepe istæ mutantur, immotis substantijs, vt cum terra, & aqua eleuantur in exhalationes, & vapores. Oriuntur per emanationem à formis suis substantialibus, prout diuersi modè dispositis; producantur agente alterante. Grauiæ dum feruntur deorsum, sepe sibi qualitatem impulsuam, seu impulsu producant: Quod patet, tum quia velocior est in fine motus illorum; tum quia quo ab eminentiori loco descendunt, eò se altius figunt in terram, & maiorem impetum imprimunt in subiectum corpus; at fortius inde resiliunt, vel recta sursum, vel ad latus, prout ipsa qualitas impellens recipit nouam directionem motus ab illo obstaculo; in quod taliter, vel taliter, per hos, vel per illos angulos impingit: non omne tamen corpus resilit; neque ex omni obstaculo, sed id resilit; cuius partes habent posse aliquo modo comprimi, & iterum in pristinum se restituere; & ex obstaculo duro resistente non molle recipiente corpus mobile. Hoc impulsu mouentur

De Grauitate, Leuitate, & Impulsu.

multo magis elementa, & quælibet alia mixta; quando violenter proijciuntur; neque enim alia commodior causa assignari potest talis motus; cum iam proiectum est à proijciente elongatum. Hic violentus motus in medio solet esse velocior, tum ob aërem accurrentem, & impellentem, tum ob impulsu subinde alias particulas ab impulsu productum: qui deinde languescit, & tandem totus perit. Verum cum elementa manent in proprio loco, nullo modo grauitant, aut leuant. Natator enim non percipit pondus aquæ, neque qui est in altissima Turri ascensum aeris. Sed neque est ratio cur grauitent, ac leuent partes inter se, quia vna non est alia grauior, aut leuior; neque omnes possunt esse indiuisibiliter in suo centro, ac loco. Impulsus vero producit per aliquem motum localem impellentis, & impulsu aliquantulum resistentis, qui motus, vt sæpe est minimarum particularum non nisi post longum tempus sit nobis sensibilis. Ita lapis diutius super assiculam grauitans, tandem eam frangit; ita tenerum acumen flosculi nascentis duras glebas, & caprificus ipsum marmor scindit, à quo oritur.

*De Raro, &
Dens.*

22. Habent quoque elementa propriam Densitatem, ac Raritatem. Densum vero in concreto dicitur 4. phys. tr. 84. quod habet multum materię sub paruis dimensionibus: Rarum verò, quod habet parum materię sub magnis. Motus ad Raritatem, ac Densitatem, quæ sunt qualitates speciei, vt figura; dicuntur Rarefactio, & Condensatio; quas explicamus per penetrationem, & expenetrationem inadæquatam partium materię, & formarum inexistientium; & per emanationem nouæ quantitatis à materia in rarefactione; quæ deinde deperditur in Condensatione: Neque enim alio modo explicari possunt ad captum intellectus nostri: neque est absurdum physicum, quod quantitas, vt proprietas, emanet ab essentia materię; quoties expenetrata vi agentis naturalis, vel exigente forma, sub qua est, debet secundum suas partes occupare maiorem, & nouum locum; neque est absurda penetratio partium materię sub vna, eademque quantitate; de facto enim materia ipsa, & formæ substantiales partiales, & principalis, & plures accidentales sub vna quantitate in omnium sententia penetrantur. Qui verò nobiscum non philosophantur in hac re, tenentur admittere aliquod absurdum physicum; vel captiuare intellectum, non in obsequium fidei, sed Naturæ; asserentes, quod est imperceptibile. Absurdum in quidem est, vel quod quantitas ipsa se penetraret, vel quod puncta corpora physice replicentur, vel resistant in loco definitiue, vt spiritus

spiritus; vel quod vnum tale punctum inflatum occupet palmare spatium, diuisibile in plures palpabiles partes, quibus respondeant puncti partes, & partes. At verò est planè impetceptibile, quod illud corpus, quod adæquatè palmari loca commensurabatur, vt pars responderet parti, & totum toti, sine excessu villo, sine defectu; modo vel deficiat absq. eo, quod pars vlla sit dempta, aut peneirata; modo excedat, absque eò, quod pars vlla sit addita, aut expenetrata, aut replicata. Neque vllum extrinsecum additum, siue modale, siue reale, potest facere, vt physicè partes immultiplicatæ commensurentur partibus pluribus loci, quam sint ipse, aut non demptæ, paucioribus. Imperceptibile quoque est, quod omnis rarefactio & condensatio fiat per intromissionem, vel extramissionem extraneum corpusculorum. Quæ quæso corpuscula introduci possunt, dum Bombarda exploditur, & emittitur ingenti impetu ac fragore globus æneus? quæ dum cucurbitæ egrotis humetis applicatæ carnem, & sanguinem crient? quæ in thermoscopio? In quo Aer, & Aqua inclusa vicissim occupant maiorem locum, & indicant gradus frigoris hyberni, aut caloris æstiu.

23 Elementa, vt potè actiua, & per suas qualitates contraria, possunt ita congregi, vt vnum substantialiter in aliud, tam symbolum, quam dissymbolum immediatè transmutetur; quoties in congressu alterum ob modicissimam resistantiam formalem amittit penitus vnā de suis debitis qualitatibus, aut de raritate, de leuitate, ac grauitate, quod illi opus est. Ita gutta aquæ, & puluiculus in fornacem coniectus in ignem vertantur. Nitro immersus in vas aquæ, aut in terram defossus, vt expirare non possit, transit in terram, & aquam. materia enim illa dispositionibus ad ignem necessarijs spoliatur; neque vlla alia forma est informanda, quam illa, vel aquæ, vel terræ, cuius dispositiones sunt introductæ. Item ignis quotidie in aërem conuertitur, & aer in cauernis spongiosis, ac frigidissimis in aquam, vnde secundum Aristotelem origo plurium fontium.

24 Quod si, Cælo moderante illorum actiones, & per influentias, ac proprias qualitates concurrente, ita congregiantur cum debita proportione, vt per minutissimas particulas commisceantur, & anteimperentur qualitates primæ & secundæ; vnde resultat temperies debita alteri formæ substantiali à formis ætheriorum, quæ dicitur forma Mixti; non intoreant in congressu, sed fortaliter cum qualitatibus quidem proprijs reclusis, sed substantijs integris, simul manent cum eadem formâ Mixti;

atque

De transmutatione Elementorum.

De Mixtione, & Mixti perfecti.

atque ita generantur mineralia, & fossilia, marmora, lapides in visceribus Terræ, & alia huiusmodi per mixtionem horum miscibilium. Definitor enim Mixtio ab Arist. cap. 10. Miscibilium alteratorum vnio: quæ autem alterata vniantur, non sunt corrupta, sed substantialiter Mixta non plus inter se differunt, quam ipsa corpora simplicia elementaria, si constarent vnica, substantiali forma. Adde quod elementum 3. Met. tex. 4. dicitur id, ex quo inexistente fit aliquid, neque sufficit, quod virtualiter existat, id est per suas retusas qualitates, & virtutes: alioquin & ipsum elementum alteratum esset verè Mixtum; & animal diceretur Mixtum ex herbis, ac cibis, quibus vestitur, quia alimenti plures qualitates in alito manent, vt apparet ex carnibus odoriferis, ac lapidis auum. Dicere autem, quod maneant potentia ex eò quod mixtum possit resolui in ipsa elementa, est præbere argumentum pro nostra sententia. Nam si videremus ex arbore mel fluere; si ex vase lac; si artefactum resolui in ligna, corium, gluten, & ferramenta, nonne rectè assereremus ea præfuisse in illis, cum nulla causa assignari possit illorum de nouo productiua? At videmus cadauer resolui in humorem; in puluerem, in halitus aereos, & igneos: Experimur hoc idem in combustione ligni. sed etiam ex silice ignem excutimus; corpora de se frigida per meram attritionem, & motum calefacimus; ergo late ignis in Mixto, qui ex partium attenuatione prosilit, restitutus ad propriam temperiem; & causa est illius caloris. Non sunt tamen in qualibet particula designabili, in qua est forma Mixti, omnes formæ elementares, tum quia nulla causa illarum efficiens assignari potest; tum quia satis est si plus vno elemento sit in quolibet minimo physico Mixti, vt verè dicatur; omnis pars Mixti Mixta. Ita neque in qualibet parte Mixti animati sunt omnes formæ partiales substantiales carnis, ossis, &c. sed solum in toto physico minimo, quod est necessarium, vt anima informetur. Verum licet in nostra sententia omnia Mixta videantur habere materiam etherogeneam, tamen illud Mixtum homogeneum dicitur, in quo toto vna est substantialis forma Mixti, & similis temperies, & complexio qualitarum; & cuius singula minima physica eodem modo se habent, neque apparet etherogeneitas in vlla parte notabili: illud verò etherogeneum, quod partes notabiles substantialiter, & accidentaliter diuersas habet, vt patet in corpore organico Animalis. Temperamentum autem aliud ad iustitiam, quod ad exigentiam formarum distribuitur cum iustitia; aliud ad pondus, in quo qualitates

Itates contrariæ attemperantur, veluti in lance, ut alteram non excedat in virtute actiua, & resistiua valde probabile est dari huiusmodi temperamentum in rerum natura ad exigentiam alicuius formæ Mixtæ. Hæc verò forma Mixtæ, ut dispositiones, ac qualitates sibi directe conseruat, & tuetur à contrarijs, ita, indirectè saltem conseruat, & continet in officio ipsa elementa, pro quorum conseruatione, ipsa qualitatum combinatio sufficit in ipso Mixto; vnde est quod modicus calor, & igniculus natiuus piscis in medio Oceano viuit.

25 Innumera verò minutissimæ particule elementares ab alijs separantur, & continuò exhalant: ex sicco corpore igneo, & terreo dicuntur exhalationes, & spiritus; ex humido aqueo, & aereo vapores, & haustus. Ex his variè commixtis, & accidentaliter affectis secundum diuersam configurationem, densitatem, raritatem, durationem, illuminationem, accensionem, & colorationem in hoc, vel illo loco, habentur plura, & diuersa Mixta imperfecta, quæ non habent propriam substantialem formam ab elementaribus distinctam; quare alterata non habent ab intrinseco reparare pristinum statum. Dicuntur Meteoræ, humida, sicca, colorata, lucida, & accensa. Humida quidem, quatenus vapores vi frigoris, vel contrescunt in guttas Roris; vel decedentes in terram successiuè congelantur, & extenduntur in vellus Pruinæ; vel consipari opacantur in Nubes; vel dissuunt in Pluias, vel cum terrestri portione, salinis spiribus coagulo permixti, rarescunt in Niuem; vel soluantur in glaciem; vel rotundantur in grandinem; vel aliquando durefcunt in lapides. Vapore etiam cum subtili exhalatione incorporato Mel gignitur, quod apes ex floribus colligunt, & Manna, species, ut aiunt, Roris. Lucida verò, & colorata sunt, quatenus vapores ritè dispositi, perspicui quidem, & tonnes, sed cum aliqua densitate, & opacitate recipiunt à Sole lumen, quod vel Iris ex guttulis roseidis compacta, soli opposita, ad nos reflectit sine Solis imagine, ut solent plura specula segmenta iuxta se inæqualiter disposita; vel Parsiæ simul cum imagine corporis lucidi Solis reddunt, veluti integrum speculum, vel Halo refractum emittit, ut facit crystallum; est halo corona circa aliquid, quod aëreum; vel virgæ ad solis latera protensa versus terram, et vorago in medijs partibus densior et opacior, reuerberant per Halo, & Virgæ aliquando Iris semper variè coloratur ob variam permutationem lucis, et diuersæ opacitatis nubes, ut colbe obfuscor apparet, ubi maior opacitas; et quoniam ex sphærico

De Meteoris ac Mixtis imperfectis.

solis corpore radij circumquaque diffunduntur per roseidam nubem in circulum; ideo ex eadem nube reflectuntur per angulos equales angulis incidentiæ ad oculum; unde semicircularis, et arcuata Iris apparet oculo existenti in linea recta transiente per centra Iridis, Solis, et oculi; quod si existeret oculus in loco, seu linea superiori, videret Iridem semicirculo maiorem. Accensa verò meteora, et ignita fiunt, quatenus exhalationes plures constipantur, atteruntur inuicem, per antiperistasis accenduntur, et pro diuersa configuratione, ac duratione diuersa sortiuntur nomina: Ignis sarius super cœmeteria; Castor, Polux, et Helena in antennis nauium in infima regione. Draco volans, Stellæ cadentes, saltantes Capræ, Fulgura Tonitrua, Fulmina in media: Lancea, Ignis perpendicularis, Trabs, Fax, Lampas, Cometæ sublunares in suprema. Postremò sicca ex prædominio exhalationum habentur, vt Terræ motus, et Ventis, quorum species sunt Procella, Typhon, et Præster; quatenus plures spirationes ascendunt in cauum nubis, vbi per attritionem, & antiperistasis incalescentes rarefcunt, & querentes maiorem locum, vt pila ex bomba, vel fulmen è nube versus terram detrudantur, & gignitur Procella. cum plures huiusmodi status sibi occurrunt in diuersa nitentes, in se rotantur in gyrum, & vorticem faciunt; sæpe etiam sic contortus flatus è nube erumpit, & dicitur Typho absorbens in Mari nauigia, & in Terra quercus euellens; hi status si accensi descendant Præsteres appellantur. Ventis transversaliter effare solent, cum ob diuersos motus, quos habent exhalationes, dum resistunt à contrario dissultanti impetu, & se se vehementer impetuunt sine ordine: tum quia vt leues ascendentes sursum, & vt contrarie deiectione deorsum, sortiuntur tertium motum transversalem; Alij verò salubres; alij noxii Ventis sunt pro diuersitate ipsarum exhalationum, & ob affectiones receptas à regionibus per quas transeunt, & ab astris, à quibus sæpillimè excitantur. Terræ motum pari modo efficiunt exhalationes subterraneæ; quatenus coadunatz in magna copia, & per attritionem, vel antiperistasis, vel ignes subterraneos accensæ, vel calentes, querunt maiorem locum, unde quatiunt magno impetu Terram obstitentem, & sibi ruinis etiam ædificiorum exitum faciunt. Ex hac quoque materia halituum diuersorum proximè gignuntur mixta perfecta inanissima, præsertim fossilia, & mineralia in visceribus Terræ, quæ habent propriam formam substantialem, per quam diutius in suo esse conseruantur, & alterata reparant suas

qua.

41
 qualitates. Diuiduntur mineralia à Recensioribus in quinque
 genera; in Terras insignes, Succos concretos, Lapides, Metalla,
 & ex his mixta. Terræ insignes dicuntur, quæ aliquo sapore,
 aut colore, aut peculiari aliqua qualitate insignuntur. Succos
 concretos est solibile facillè humido resolubile, quod non leni-
 rescit malleo: alius macer ex liquore, vel permixto cum terra ut
 sal, & nitrum, vel cum aliquo metallo ut chrytocolla cum au-
 ro; vel cum alio mixto, ut alumen, & attramentum sutorium;
 alius pinguis, ut sulphur, & bitumen. Lapis ex halitu sicco, &
 terreo prædominante beneficio caloris coquantis, & frigoris
 constipantis genitus ob siccitatem friatur, & teritur, dum par-
 tes dissolutæ discontinuantur, & rediguntur in puluerem. Lapis
 nitens lucidus, ac coloratus dicitur gemma, & ob raritatem in-
 pretio, pretiosus. Metallum ex halitu humido, & aqueo præ-
 dominante calore coctum, & frigore coagulatum; unde malleo
 ductile est, & igne liquabile, seu fluxibile in liquorem, quate-
 nus partes sibi coherent etiam solutæ, et continuatæ fluunt;
 Reliqua mineralia vel lenioribus ictibus conteruntur, ut
 alumen, et Marchesita, vel attractione, et calore
 mollescant, ut bitumen, et attramentum
 sutorium, vel soluantur humido
 simul, enteruntur ictibus,
 ut Sal, Terra,
 ac
 Pulueres colorati, vel teruntur ictu;
 et igne liquantur in vase,
 ut sulphur.



EX VIVIDO ET VITALI
S I N V

QVINTA MARGARITA

EX LIBRIS DE ANIMA.

*Ex lib. de
Anima.*

ANIMA I. 2. tex. 6. per habitudinem formalem ad corpus, ut ad compartem materialem, definitur: Actus primus corporis physici organici potentia vitam habentis: idest apti per certa instrumenta, et proprias qualitates ad functiones vitæ: seu quod formaliter per animam fit vita: Est

*De operatione
vitali.*

enim vita substantialis effectus formalis Animæ, sub termino quodam comparatus ad concretum, seu compositum viuens, & animatum, ut Humanitas ad Hominem; & est ipsa Natura integra Viuentis, & adequatum substantiale principium intrinsecum vitalium operationum, quæ dicuntur Vita accidentalis, seu vita in actu secundo: Per habitudinem æquiuam ad has operationes tex. 24. definitur etiam Anima; id, quo viuimus, sentimus mouemur, & intelligimus primò: diuiniue intellige non copulatiue, quasi omnia hæc deberent haberi, ubi est Anima. Est autem Operatio vitalis natura sua actio immanens, qua viuens operatur in se, & circa se per certa idonea instrumenta, & certo ordine, perficiens formaliter ipsum viuens, à quo est, & in quo recipitur, perfectione illi indebita ratione suæ primæ natiuitatis. Ea vero creatura, quæ sic constituere potest se in suo actu ultimo proportionato, dicitur participare Vitam Dei, qui per se ipsum semper est in suo actu ultimo perfectissimo. Triplex autem est vitalis operationis species pro triplici modo, quo fit, supra operationes non vitales perfectiori. Primo quidem per organa corporea intus suscipientia alimentum, seu materiam proportionatam, quam deinde coquit, & distribuit, & transmutat per qualitates materiales, & corporeas, calorem, & temperamentum primarum, atque ita viuens se promouet ad vltiorem perfectionem, vel reparans deperditas partes, se conseruat, vel procurat propagationem suæ speciei: Hæc operatio non transcendit quoad substantiam operationes elementares, sed solum quoad modum; Secundo per organa corporis medijs quali-

43

qualitatibus quodammodo incorporeis, scilicet formis subtilioribus, & abstractionibus à crassitie materiæ, quales sunt sensationes Brutorum, & species intentionales: & hæc operatio etiam quoad substantiam est supra operationes elementares, primas, & materiales. Tertio per qualitatem spiritualem abstrahentem à materia; sine vilo organo corporeo, vt subiecto immediato, receptiuo; quare huiusmodi operationis principium dicitur inorganicum, vt est Anima rationalis respectu intellectuum, ac volitionum. Hinc aqua, dum reparat suum frigus, vel dum per innatam grauitatem descendit, non mouetur vitaliter, quia non habet sic ab intrinseco moueri existens in suo statu naturali; sed solum, extra illum violententer posita. Neque Ignis, aut Metallum, aut lapis in fodinis vitaliter augentur; quia augmentum non fit per certa instrumenta, & certo ordine, ac termino, suscipientia intus alimentum, sed fit per meram iuxta positionem successiuam materiæ, vnde talis accretio abire potest in infinitum, nisi desit conuertibile, ait Arist. lib. 2. hic 4. 1. est enim huiusmodi actio potius transiens propagatiua speciei, quam immanens naturalis, nam ex vi illius non coniungitur passum cum agente, sed per accidens quatenus est homogeneum, & proximè fit. Metaphoricè igitur dicitur de Igne, Lapidibus, et Metallis aliquibus, quod nueriantur, viuant, crescant, pariant, senescant, moriantur; quatenus per extrinsecam additionem materiæ, et detractionem, ac deperditionem partium perfectiorum imitantur aliquas operationes viuentium.

2 In ordine porro ad tres dictas operationis vitalis species habetur trimembris diuisio Animarum in Vegetatiuam, Sensitiuam, et Rationalem: quarum vna quia per potentiam perfectiorem, et proprium modum operandi nobiliorem, veluti per gradus supra alteram ascendit, et constituit suum viuens perfectius non viuente, et supra aliud viuens, rectè assignatur triplex genus; seu potius gradus viuentis; Vegetatiui, Sensitiui, et Intellectiui; scilicet Plantarum, Brutorum, et Hominis, supra gradum corporis: In his enim clarissimè patet quidam modus ab intrinseco operandi altior, quam sit in elementis, et mixtis alijs inferioribus. Dicitur autem gradus predicatum transcendens, quod est ad differentias in perfectione subordinatas; per quas semper ad maiorem perfectionem, dum contrahitur, ascendit. Genus vero est ad differentias oppositas non subordinatas, nec ascendentes: genus à specie nunquam separari potest;

De triplici gradu Viuentis.

gradus imperfectus à perfecto potest. Ita Vegetatiuus est sine Sensituiuo in Plantis: et sensituiuus sine ration ali in Brutis. Immo per hanc separabilitatem multiplicantur gradus: non enim quælibet diuersitas vitalis operationis, et potentie inducit in Naturam nouum gradum viuientis, sed illa, quæ in aliquibus subiectis, indiuiduis inuenitur ab alijs separata: quare neque potentia appetitiua, licet in modo operandi proprio diuersa sit à cognoscitiua, constituit à gradu cognoscitiuo specialem gradum viuientis appetitiui; neque speciale genus Animæ, naturæ, ac principij intrinseci; quia nunquam inuenitur separata à potentia cognoscente proportionata, cuius confortio indiget natura sua: ita neque potentia generatiua adsit in Natura nouum gradum, quia est semper cum vegetabili; neque loco motiua, quia semper cum appetitiua, cui insinuat, ut animal fecundetur à contrario refugiens, et alimentum quærat pro fame, et sitipellenda. Morus enim, licet imperfectissimos solius cuiusdam dilatationis, & constrictionis, qui apparet in vermiculis, cum punguntur, indicat in illis esse aliquem actum Phantasie, & Appetitus, nempe sensum doloris. Aristoteles verò claritatis causa, non necessitatis, in secunda definitione Animæ apposuit distinctione potentiam motiuam, ut in viuente ostenderet aliam esse a motiua grauium, & leuium.

De Potentijs Animæ in communi.

3 Potentiæ Animæ distinguuntur ab anima, in qua radicantur, per solam distinctionem rationis ratiocinatæ: realiter enim si distingueretur Anima rationalis à suis potentijs, esset in homine, ut stipes, & Pater-familias sine intellectu, & voluntate. Igitur eadem entitas Animæ, ut corpus informat, Anima est, & formaliter animatum facit; ut in illo operari potest, est Potentia; ita ipsa entitas caloris formaliter facit subiectum calidum: & est in illo potentia calefaciendi aliud. Neque potentiæ ab Anima separantur, aut remittuntur intrinsecè; sed si aliquando videtur aliqua potentia indiuisibilis Animæ variari; tota mutatio habetur extrinsecè in organo corporeo, vel alterato, vel læso; quo indiget ad actuale exercitium operandi: qua ratione vsus intellectus impeditur in amente, & puero. Neque pro distinctione potentialium facit diuersitas operationum, aut indifferentia ad illas; alioquin ipse quoque intellectus multiplex esset, & multiplex voluntas pro diuersis, & oppositis actibus assensus, & dissensus, amoris, & odij, &c. Eadem igitur Anima determinatur cum hoc vel illo corporeo organo, cum his, aut alijs speciebus propositi obiecti, concausus, aut conditionibus circa hoc obiectum.

obiectum, vel aliud har, vel illas diuersas operationes. Diuersificantur verò specie logica inter se Potentia, & logicè multiplicentur, in ordine ad diuersa hæc organa; & diuersos actus immediatè; prout isti actus sub diuersa ratione respiciunt suum obiectum, vel ad illud tendunt modo diuerso: Diuersi enim actus respicientes obiectum sub vna communi ratione, & eodem modo tendentes ad illud specificant vnicam potentiam, non logicè multiplicat. verò vitales diuersificantur specie inter se, ex diuerso motiuo formali; & ex diuerso modo tendendi in idem obiectum, vt assensus, et desensus intellectus circa idem; quin etiam per ordinem ad diuersa obiecta materialia sub eodem motiuo formali, et per ordinem ad diuersa principia, à quibus vitaliter sunt; ita diuersus est actus, quo credo Deo Vnum, et Trinum, ab actu, quo credo Incarnationem ob idem motiuum formale Reuelationis Diuinæ; ita etiam visio eiusdem obiecti à Bruto, et ab Homine specie diuersa est: sunt enim entitates relatiue, quæ specificantur ab illis terminis, quos essentialiter, et natura sua respiciunt.

4. Animæ Plantarum, et Brutorum, etiam perfectorum materiales sunt, et exigitur materiæ, cui coeſtenduntur, et à qua fieri conseruari, et operari verè pendent, vt à causa materiali sustentante, et cum illa diuisibiles sunt in partes entitatiuas, et integrales, vt ceteræ formæ materiales, certè insecta, et annulosa, vt Vermes si diuidantur, adhuc per multum tempus mouentur: quod si perfectè diuisa, vt equus, non dant signum vitæ, est quia perfectior Anima ad functiones vitæ vt conseruetur plura organa exigit. Hinc etiam Lacertam si in longum scindas, penitus perimis; petit enim Anima materiam sufficienter organizatam; vt suis accidentalibus dispositionibus taliter affectam volunt ceteræ formæ, quæ non sunt Anima, vt conseruentur in illa. Qui autem animam brutorum indiuisibilem putant, tegentur asserere rem materiale existere in materia modo spiritali totam in tota, et totam in singulis partibus illius vel destrui priorem; et nouam animam indiuisibilem generari à se ipsa, quæ destruitur. Est enim nutritio actio vitalis, facta ab ipso viuente: ad quæ physica absurda compelluntur sine sufficienti motiuo. Istæ verò partes Animæ homogeneæ sunt in singulis partibus corporis: non enim diuersitas organica, aut diuersitas operationum sufficit ad hoc vt ponantur etherogeneæ; tum quia ipsa quoque Rationalis Anima, quæ est indiuisibilis, exigit partes istas organicas; et vt aliqui volunt, diuer-

De diuisibilitate, & homogeneitate Animarum materialium.

diuerfos modos vnionis cum illis ad diuerſas operationes, et idem principium poteſt habere diuerſos effectus ratione diuerſi ſubiecti: Ita Sol niuem ſoluit, lapidem colligit; tum quia Anima eſt vnus Actus corporis organici; at ſi haberet partes heterogeneas, eſſet aggregatio actuum diſcontinuatorum, quia diuerſæ rationis non continuantur; et nullus ſingillatim acceptus, eſſet Anima; quia non eſſet actus corporis organici; ſed informaret ſuam homogeneam materiam; vt forma ligni, ſuam.

*De corpore
organico, &
organiza-
tione,*

§ Corpus organicum, domicilium Animæ, eſt compoſitum ſubſtantiale ex materia prima determinatis accidentibus diſpoſita, et ex formis diuerſis ſubſtantialibus partialibus eidem Animæ ſubordinatis, ſcilicet radicum, trunci, foliorum in vegetantibus; et in animalibus carnis, oſſis, neruorum, ſanguinis, etc. Non enim minus inter ſe differant iſtæ partes cum proprijs accidentium combinationibus; quas alteratæ reparant, quam inter ſe differant lignum, et ferrum, oleum, et vinum. Hæc verò differentia haberi non poteſt per eandem; tum quia, vel indiuiſibilis, vel homogenea non videtur poſſe tot effectus formales diuerſos ſubſtantiales facere; tum quia habentur eedem partes organice ſine anima, in ſætu nondum animato, et in cadauere ab anima relicto: neque formaliter tales ſunt per formas embryonis, et cadaueris: cum enim non ſint Animæ actus organici corporis, non eſt credibile quod exigant materiam ſic organizatam; et cum ſufficiant partiales ſubſtantiales, ſine neceſſitate ſinguntur iſtæ, quarum non eſt assignare in Natura cauſam productiuam, & corruptiuam: niſi velis innumeras cauſas mortis naturalis habere vim eandem producendi formam cadaueraceam.

Huiusmodi verò organici corporis partes aliæ ſimilares, aliæ diſſimilares, aliæ conſiſtentes ſunt; ac ſolidæ, aliæ fluuidæ, & molles; variæ ad varias vitæ functiones accommodatæ, ad Vegetationes, Senſationes, & Motus. Firmatur, vt in baſi, Animal ſolidis oſſibus, & quidem pluribus diſcretis per articulos ſimul iunctis, capite vnus ſubintrante ſinum alterius, vinculis & mollibus cartilaginibus benè colligatis; tum ne cogeretur moueri totum ſimul, vt ſtatua, tum vt ſecti poſſet in omnem partem abſque eò quod oſſa ſeiungerentur, aut attererentur: carne etiam circumueſtiuntur, ne in caſu contundantur. Eſt autem pro Vegetationibus venter inferior, in quo eſt ventriculus in modum petæ paſtoricæ, culina animalis; ſunt inteſtina tenuia,

nutria, & crassa, mesenterium fugeas succum ex illis; & defertens in venam portam, quæ ingreditur in cauum Hepatis, quod ventriculo superponitur, vt officina, in qua conficitur sanguis, cuius vasa deferentia sunt venæ, quarum maxima, quæ dicitur Cava ex gibba hepatis oritur, & inde diuiditur in duos truncos superiorem, & inferiorem innumera venarum propagine per totum corpus distributos. Sunt etiam expurgationem sanguinis tria instrumenta folliculus fellis, Lien, & Renes. Folliculus dextro cauo Hepatis implantatus trahit ad se bilem, quam exuberantem demittit in intestina; Lien à sinistris ventriculi fugit melancholiam; Renes, vtriusque lateri vnus, serosum humorem; quem per vtreteres efundunt. Supra inferiorem est venter medius, seu Thorax, in quo Cor calidissimum, et pulmones cordis ventilabra, qui aerem inspiratum deferunt per arteriam venosam in sinistram. Cordis ventriculum, vbi elaboratur sanguis et perficitur in partes tenuissimas, ac subtilissimas, quæ dicuntur spiritus vitales; horum propria vasa sunt arterie membranose, venis firmiores, quarum præcipua dicitur Magna, et Aorta, quæ nata ex eodem ventriculo cordis dispergitur per corpus in varios ramos subter omnes ferme venas, quasi ignem moderatum illis subiiciens ad bonam sanguinis coctionem pro nutritione membrorum. Atque ita hic venter inferui Vegetatiuæ, vt etiam Sensitiuæ, suggerens eisdem spiritus Capiti, quod est supremus venter pro sensationibus habendis, et motu; in ipso enim est Cerebrum officina spirituum animalium qui conficiuntur ex spiritibus vitalibus per arteriam particularem à corde in sinus cerebri delatis, quatenus innatis qualitatibus cerebri vitalis transmutantur in animales, quos non puro vitales esse accidentaliter solum temperatos per cerebri frigiditatem, nam vt frigidiore, deberent esse pigriore, et crassiores vitalibus calidissimis, et tamen sunt viuaciores, ac subtiliores, ita vt pro vase sit illi opus neruo valde denso, ac firmo, per quem deferuntur ad instrumenta idonea pro sensationibus, et motu. Oriuntur autem ex medulla cerebri, cerebelli, et sping dorsalis nerui bini, et bini, per organa sensuum, oculorum, aurium, narium, palati, & musculorum implantantur, et per plures ramusculos disperguntur: Ad motum inferuiunt etiam tendones firmiores ex plurimis fibris concreti, et musculosi carne bene compacti. Sunt in corpore fibræ rectæ, obliquæ, transversæ, attrahentes, retinentes, expellentes: sunt valvule in Oesophago in venis, in intestinis, in corde quæ clauduntur, et re-

seran-

forantur, ut opus est; ne receptus humor egeratur, ne expulsi-
literum ingeratur. Cor autem, ut aërem à pulmonibus in sini-
stro, et sanguinem ex Cava in dextro ventriculo recipiat; mu-
cronem suum rectis fibris ad basim retrahit, et fit cor lacum, et
veluti sphericum, et dicitur moveri diastole; ut verò spiritus
elaboratos è sinistro in Aortam, et sanguinem è dextro ventri-
culo in pulmones per venam arteriosam effundat; à basi mucro
discedit laxatis rectis, et transversis fibris artatis, et cor elonga-
tur, & constringitur, & dicitur moveri systole; quam motus al-
ternatione securus spiritus in arterijs diffusus pulsus facit. Sunt
membranz tunice, panniculi membrorum nobiliorum inuolu-
ta Meninges cerebri durà, & pia; pericardium cordis; perito-
neum intestinorum, pleuris costarum, & totius corporis cutis,
& cuticula. Sunt septa diuidencia vnum membrum ab alio, quo-
rum præcipuum est Diaphragma diuidens inferiorem ventrem
à medio, & munus carneus diuidens sinus cordis. Sunt humo-
res quatuor præcipui sanguis, Bilis flava, Bilis atra, seu Melan-
cholia, & Pituira; subtiliores, ac perfectiores disperguntur cum
sanguine in venis: imperfectiores in proprijs vasis continentur
flava in folliculo, atra in Liene: sunt etiam partes aliquæ excre-
mentiz viles, ut capilli, & vngues; alique inutiles, quæ eij-
ciuntur. Plura apud Anatomicos.

De Anima-
tione corpo-
ris.

6 Inter has partes organicas principatum obtinet Cere-
brum; quia est organum nobiliorum operationum; si quidem
in ipso animales spiritus elaborantur ad sensationes nobilioris vi-
tæ, ac Animæ: in animali verò, in quo non est cerebrum, est
aliquid æquivalens. In organizatione corporis, quæ pro mari
dicitur confici circa 40. dies, pro forma 80. simul primò deli-
neantur, ut ad vitam necessariæ, principales partes, Hepar,
Cor, & Cerebrum; perficitur verò primò Hepar, ut est facilio-
ris texturæ. Organizatione completa animantur omnes partes
vnicæ anima, quæ illis debetur: Neque enim primò factus ani-
matur Vegetatiua, deinde Sensitiua, postremò Rationali: eæ-
dem enim Anima Rationalis est simul sentiens, & vegetans: sen-
sitiua etiam vegetatiua, cum in statu perfectio, ac consistente
est animal; ad quid ergo successiue ponuntur istæ animæ in fe-
tu animando? quod si initio non potest exercere Rationalis nisi
operationes Vegetatiuæ; hoc provenit, quia defunt dispositio-
nes necessariæ in organis ad sensationes, & ratiocinationes, quæ
etiam in amente, & puero ob hunc defectum non exercet. De-
inde si initio fieret præsens vegetatiua sola, cur debet perire ad-

ue-

ueniente sensitua, cum adhuc maneant ad illam dispositiones, & adhuc fiant vegetationes? Si autem perit, quia sufficit ad vegetationes sensitua, cur hæc igitur initio non fuit producta? Actum autem simul ponere plures animas in eodem homine, præterquam quod videri potest contra dogma fidei, arbitrium prope est, & contra rationem: Nam idem potest esse principium plurium operationum; ut est sol Metallorum, & viuentium: et Deus omnium creaturarum, et idem Intellectus assensus; et dissensus, et eadem vegetatiua augmentationis, et nutritionis omnium partium; ergo eadem anima poterit esse principium vegetandi, sentiendi, et discurrendi, quod idem est, ac dicere, posse esse Animam vegetatiuam, sensitiuam, et rationalem in sua indiuisibili perfectione: quod experientia videtur confirmare, quatenus operationes vitales se mutuo impediunt; nam et sensuum operationes perturbant intellectiones, et assidua contemplatio nutritionem. Ergo sunt ab vno principio, quod quia limitatur virtutis, pluribus intentum, minus est ad singulas.

7 Non residet autem Anima in Cerebro, aut corde, aut aliqua alia parte determinata, ut Rex, aut Auriga, aut, ut alij dicunt, ut araneus accurrens huc, et illuc prout opus est; sed est in singulis partibus, in quibus exercetur aliqua operatio vitalis, quæ est notum indicium vitæ. Inter partes animatas videntur esse numeranda medulla dorsi, et cerebri quod habet, ut Cor, suam systolem, ac diastolem; ossa, dentes, capilli, ungues, penes, rostra, cornua, semina Plantarum, vitelli ouorum. Nutriuntur enim alimento, intus suscepto per certa organa, vel foraminula, vel dispersas venulas, et arteriolas, et crescunt seruata certa figura, et ad certum terminum magnitudinis; et per fibras, ac radices cum alijs partibus continuantur. Ossa, præsertim dentes, videntur etiam habere aliquem sensum duri, et molliis, frigidi, et calidi. Capilli, si in cadaueribus crescunt, vel id faciunt tunc per iuxta positionem materiæ, vel in corpore, ut herbe in terra, viuunt anima propria Vegetatiua, quæ adhuc durat; trispantur ob angustias, vel obliquitatem pororum, æ quibus nascuntur; colorantur ex diuersa materia vaporosi, ac fuliginosi excrementi: quo nutriuntur, ex diuerso temperamento cutis, magis, aut minus calido; nigrescunt enim ex adultæ, flauescunt ex bili minus cocta, albicant, ex debilitate caloris. Semen vero, ut apparet in pluribus præsertim in nucleo nucis pinæ viuum germen continet rudimentum totius plantæ, quod ubi calido, et humido excitatur, incipit virere, et cresce-

De sede Animæ & partibus animatis.

re, ac se dilatare in suas partes: vivit fortasse decifum fine operatione vlla vitali; cur enim non potest esse principium vite in actu primo sine actu fecundo per aliquod faltem tempus? numquid flos à fuo caudice recifus ftatim emoritur? Humores verò non animantur: non enim habent vllum indicium operationis vitalis; non continuantur in corpore, fed continentur in vafis, & partes funt integrales corporis fecundariæ, fcilicet neceffariæ ad animalis confervationem, vt alimentares, præfertim fanguis, qui infuper in fciffione venæ continuatur cum extra venam fluente, certè non vivo: Motus autem fanguinis accurrentis ad faciem fufum, deorfum eft ab extrinfeco, nempe ab Anima informante alias partes, quatenus illum venarum fibras vi imaginationis, ac appetitus contrahens, ac laxans, huc, vel illuc ducit; quo pacto etiam alimentum ex ventriculo ad os reuocatur: Capilli quoque ob extrinfecam contractionem cutis eriguntur in attonitis. Circularis verò motus fanguinis, ne in venis putrefcat, aut grumefcat, receptus iam apud Receptiones à corde ad cor redeuntis; habetur, quatenus per fyftolem pellitur fanguis à finifro ventriculo, & per diaftolem iterum in dextro recipitur ex caua, in quam minores venæ intulerunt receptum ab arterijs per porofitates carnis, vel vaforum anafomofim cum impetu exeuntem; nifi enim fic circulariter fanguis, cum perpetuo pulfu cordis emittatur, vel inanis effer, vel ceffaret motus cordis ex defectu fanguinis in venis, vel quia arteriæ nimis turgidæ efferent incapaces noui fanguinis recipiendi. Hoc etiam patere videtur ex eo, quod venæ intumefcant in manu infra ligaturam, non fupra, & ex eo quod ex vna vena fecta totus fanguis animalis effundi poffit: quod docet Haræus l. de motu cordis haberi beneficio Valvularum femilunarium.

*De Anima
Vegetatiua.*

8 Vegetatiua principium vegetationum, tres præcipuas potentias habet ad illas, Nutritiuam, Augmentatiuam, & Generatiuam; per quas ex alimento parato, & concocto viuens fcilicet vitaliter confervat, auget, & in fpecie propagat: quatenus Nutritione reftaurat partes deperditas, Augmentatione promouet fe ad debitam fibi magnitudinem per additionem nouæ materiæ quantæ; & elaboratione partis fubftancialis, cui vis indita eft organizandi corpus, generat fibi fimile. Quare nutritiua, & Augmentatiua eft in omni parte viuents animata. Generatiua verò in particulari, in qua conficitur dicta fubftantia fementinæ virtutis, Famulantur his potentijs facultates, Attraftiua, Retentiua, Digestiua, & Expulfiva ad elaborandum, & diftri-

stribuendum alimentum, ut opus est.

9 Alimentum autem, seu materia, circa quam occupantur potentia Vegetativa, est quid proportionatum naturae viuentis, & aptum crassescere, & coherere, ac transmutari in substantiam aliti: neque enim quodlibet ex quolibet nutritur; & saepe quod uni est nutrimentum alterabile, ut cedat in suam substantiam, alteri est vel venenum alterans, ut perimat; vel medicamentum alterans, ut sanat. Alimentum aliud proximum, aliud est remotum: proximum vniuersale; & principale in animalibus sanguineis est sanguis, dulcis; nutritur enim dulci; sanamur amaro; & natura sua calidus; est enim vita in calore: facile tamen congelatur extra venas, quia fibrosus est, & diuersimodè alterabilis, potens crassescere, & solidari pro diuersitate partium nutriendarum. Oleum etiam natura calidum facile concreuit. Reliqui humores aliquibus partibus ignobilioribus pro alimentum proximo esse possunt, ut lieni atra bilis, ventriculo chylus: ex anguibz verò quidam humor est proportionalis similis sanguini, in vegetantibus succus ex terra, & aqua confectus per radices intus exceptus. Remotum alimentum, quod ab extra trahitur à viuento, est mixtum corpus substantiale, & aliquibus imperfectis, ut anguillis, ac testaceis etiam elementum, ut est apud nos, in sincerum. ijs enim nutritur, quibus constat.

10 Nutritio porrò est actus vitalis, quo ex intus suscepto alimento certa methodo, & per certa organa adgeneratur noua subinde substantia animata cuiuslibet parti sensibili aliquorū in locum deperditæ. Hæc autem physica mutatio, quia fit insensibiliter, seruans eandem figuram, & similitudinem partium, moraliter censetur nulla; ideo animal dicetur esse eodem numero in senio, qui erat in exordio vitæ; remanent etiam partes eadem primigeniæ principales, ac solidiores, quibus fit additio aliarum, ut apparet in cicatricibus, ac nequis semper in eodem situ. In homine perseverat eadem quoque anima indiuisibilis, quæ præsens fit nouæ materiæ. Nutritio ideo necessaria animali, quia calor intrinsecus agit humidum substantiale radicale, quod sibi assumit in pabulum, ut solet flamma oleum lucernæ. Membra hoc humido destituta alium humorem sugunt ex venis, hæc ex hepate, hepar ex meseraicis, meseraicæ ex intestinis, hæc ventriculo, cuius orificium superius maximè contrahitur, & corrugatur non sine molesta sensatione, qua excitatur Phantasia, ut cibum solidum, vtilem ad illam pellendam proponat

De Alimento.

De Nutritione.

De fame & siti.

ponat Appetitui, qui statim illum appetit; qui appetus sicci, & calidi, idest proportionati alimenti solidi pro solidis partibus restaurandis, dicitur ab Arist. Fames. Succus etiam viuenti necessarius, vel ob defatigationem, & sudorem, vel calorem nimium, vel esum falsi cibi consumitur; vnde arescunt membra, & pari modo fit corrugatio in Ventriculo, in Oesophago, in faucibus, & oritur appetitus potus, seu humidi, & frigidi, qui dicitur Sitis: & inde vis motiua incitatur ad querendum cibum, & potum. Vbi verò calor nimius humidum totum absumit, vel nimium humidum extinguit calorem, sequitur Mors naturalis ex principio intrinseco. Potest tamen viuens sine remoto alimento per multum tempus viuere; glyres enim dicuntur per sex menses dormire, & pinguescere: habent enim humidum viscosum, quod diù resistens modico calori, tandem resoluitur in adipem, & pinguedinem. potest etiam per tempus breue stare sine proximo, quia potest esse in æquilibrio vis resistitiua humidi, & actiua caloris; & tunc erit ieiunium sine macie; ceterum solet esse semper cum macie.

*Quomodo
fit Nutri-
tio.*

II Ad ipsum verò nutritionis actum tres præcipue coctiones præcedunt in animali, & plures alterationes, & segregatio- nes partium alimenti. Primo cibus dum atteritur in ore, & Oesophago tantisper colore, & sapore immutatur, & in ventricu- lum demittitur, vbi fit prima coctio, quatenus vis illius digestiua per calorem adiutum à circumstantibus membris Hepate, Liene, cysti biliaria, omento, & corde, redigit illum in vnã massam liquidam lacteam, quæ dicitur chylus; quem deinde per pylorum, seu orificium inferius demittit in intestina, relic- tis cruditatibus, seu partibus alimenti incoctis, vt excrementis primæ coctionis. In intestinis tenuibus receptus chylus dum per illorum anfractus diù immoratur, magis coquitur; tum à Men- senterio per innumeras venulas meseraicas exugitur, & partes inutiles; ac crassiores segregatæ, vt fæces, demittuntur in crassa intestina; & chylus in meseraicis eruditur in sanguinem, recipiens aliquem ruborem, & dicitur chymus; quem deinde me- seraicas effundunt in Portam, vt radices in suum truncum; & hæc desert ad Hepar, in cuius substantiam latè dispergitur: atq; hic habetur secunda coctio, in qua perficitur in sanguinem, fla- uam, & atram bilem, ac pituitam, primos humores alimenta- res benigniores, æereum, igneum, terreum, & aqueum: Et se- gregantur inutiles partes: nimis acres, igneos mordaces exugit folliculus felleis à dextris; & colligitur bilis excrementitia, quam se

se exonerans, demittit in intestina, ut irritamentum facultatis expultricis: & feculentiores, ac terrestriores per sphaericum ramum attrahit Lien à sinistris; & adunatur melancholia superflua, & qua se expurgat, tum per hæmorrhoidales, tum remittens ad ventriculum recoquendam; quæ sua acrimonia sæpè corrumpens illum, videtur excitare famem. Confectus sanguis per venam cauam emittitur ab Hepate in reliquas venas, quæ per totum corpus propaginantur, expurgatus à nimio seroto humore, quem à caua emulgentes venæ sugunt, & deferunt ad Renes, ubi percolatur, et per vteretres superfluus eijcitur. In venis maioribus beneficio etiam caloris arteriarum, venis subiectarum, cum alijs humoribus primis magis excoquitur; et antequam fiat nutritio, alteratur in secundos humores, seu humiditates; primo enim in venis exilibus, et capillaribus, in quas effunditur à maioribus, tantisper albescit, et dicitur humor albus. Secundo, liberatur ab ipsis venis, exsudans in guttas roantes, quibus insperguntur superficies membrorum, et dicitur Ros. Tertiò recipitur in poris eorundem membrorum, in quos capillares desinunt, et ibi addensatus roscidus humor accipit qualitates similes, quas habet pars alenda, et dicitur Cambium, quod loco deperditæ partis sufficiatur. Quarto fit Gluten, humor adhærescens, et tenax proximè dispositus ad substantiam partis alendæ, in quam tandem transit, et fit tertia coctio, et ipsa Nutritio, quæ est substantialis mutatio alimenti in substantiam aliti. Huius coctionis excrementa sunt, quæ per os, et nares superflua cerebri eijciuntur, et quæ per cutis spiracula euaporant: et sudores, reliquæ retosi humoris, qui illuc euectus tenui bile persusus, naturaliter amandatur; sudor verò ab extrinseca excitatus exercitatione, vel ambiente calido, non est purum excrementum; sed etiam aliquid utilis humoris effunditur, vnde sequitur debilitas in animali. Coctio autem est actio, qua calor absument humorem nimium fluxum, et aqueum, et attenuat nimium terrestre, ac siccum, ut melius simul consistent, corporentur, et crassescant ad perfectionem propriam talis mixti. Corporis verò humidi coctio si fiat per calorem humidum, non pinguem, dicitur elixatio, si per calorem humidum pinguem, ut olei bullientis, dicitur frictio; si per calorem siccum est assatio; in qua magis absumentur humidum, et partes externæ, contractis poris incrustantur; res porò non habens humidum, vel valdè dissipatum cum sicco, ut lignum, non coquitur, sed vratur. Coctio naturalis in nobis si bona est, similis est elixationi, qua solidæ

lidæ partes cibi immiscetur cum aliquo humido; ita carnes in olla cum humido aqueo lixantur.

*De Aug-
mentatione.*

22. Augmentatio est actio vitalis, quæ viuens intus suscep- tum alimentum conuertit in suam substantiam, quam conti- nuat cum præcedenti, & se promouet ad vltiorem magnitu- pinem sibi debitam, occupans maiorem locum, retenta pro- pria figura secundum latum, & longum, quam illi primo indit vis formatiua. Augmentatio formaliter videtur terminare potius ad quantitatem, quam ad substantiam, habens de se ex- tendere substantiam per productionem nouæ quantitatis propor- tionaliter, vt non viuentia extenduntur per rarefactionem, in- pueris enim febricitantibus, vbi modica copia alimenti est, ma- ior sit augmentatio per meram extensiuem ossium; vnde for- tasse dixit Arist. tr. de Generane tex. 25. circa substantiam gene- ratio est, quæ circa magnitudinem augmentatio. Hinc circa 25. annum homo cessat augeri in longum, quia ossa facta sunt dura, & non amplius extendibilia: & pori suscipientes alimen- tum iam multiplicati, & dilatati sunt, quantum exigit comple- xio talis viuentis & calor per ætatem siccior minus extendit, ac dilatat partes heterogeneas sensibiles, secundum quas viuens augetur. Quare videtur Augmentatio differe specificè à Nu- tritione, quæ pro termino formalis substantiam habet: quam- quam non sit improbable accidentaliter solum differre per quandam denominationem diuersam, quatenus augmentatio etiam terminans ad substantiam, connotat plus substantiæ ac- quiriri, quam quod sit deperdum; iuxta communem modum loquendi, quo dicitur, Viuens substantialiter auctum.

*De Maxi-
mo, & Mi-
nimo natu-
rali.*

23. Habet autem omne Viuens suum terminum magnitu- dinis intrinsecum, quem naturaliter non excedit; vt etiam ter- minum paruitatis, infra quem naturaliter esse non potest: quod experientia docet, & Ratio, nam ad functiones vitæ cum opus habeat instrumentis certis, hæc tam magna nimis, quam nimis exilia inepta sunt ad illas. Quæ aptitudo esset ad loquendum in lingua protensa, vt est Isthmus Corinthi? Sed censleo etiam non viuens habere terminum paruitatis, non tamen terminum intrinsecum magnitudinis: Qualitatem autem habere tam ter- minum intensionis, quam remissionis intrinsecum. Quare admitto tam in quantitate, quam in qualitate minima physica, quibus quid minus separatim ab omni alio existere natu- raliter non potest, eo quia res quilibet physica est limitate perfectionis intrinsecæ; & sic per minima hæc facilius saluatur

in-

35
inceptio, & desinitio rerum naturalium, & terminus intentionis, ac remissionis qualitatis in subiecto.

14 Generatio actus potentie generatiue est processio viuentis à viuentis per principium coniunctum in similitudinem nature, saltem in genere proximo. Quare generatio vermium ex carnibus non est actus huius Animæ; tum ex defectu similitudinis; tum quia est effectus accidentarius ex causis per accidentia coniunctis. Coniungitur autem Generans cum Genito in creatis per particulam substantie habentis vim feminalem organizationem corporis, quam in se ex instituto Nature elaborat, ac perficit in hunc finem. Hec vis in aliquibus plantis, ac floribus viuit dispersa per totum illorum corpus, itaut quilibet ramusculus defossus in terram germen emittat.

15 Anima sensitiva est primum principium sensationum, *De Anima sensitiva.* appetitionum, ac motus localis, seu operationum vitalium circa sensibilia. Tres habet potentias Sensitiuam, seu cognoscitiuam, Appetitiuam, & Motiuam. Sensitiua res sensibiles accipiens, alia externa diuisa in quinque vulgatus sensus, Visum, Audium, Olfactum, Gustum, Tactum; alia interna in quatuor distincta Sensum communem, Phantasiam, seu Imaginationem, Aestimatiuam, quæ in homine dicitur Cogitatiua, & Memoriam. Appetitiua commodum suo subiecto appetens, & incommodum fugiens, diuiditur in concupiscibilem, qua excitatur Motiua ad fugam Mali, & inconuenientis apprehensum; ad acquisitionem boni conuenientis, ac remotionem impedimentorum. Hæc motiua, si perfecta sit, habet motum progressiuum de loco ad locum, si imperfecta motum solum dilatationis, ac constrictionis, vt patet in quibusdam vermibus. Hæ autem potentie ad conseruationem vitæ perfecti animalis sic subordinantur in suis actibus. Sensus externi obiecta percipiunt; Horum omnium actus, & obiecta, dum sentiuntur, apprehendit, ac discernit sensus communis; sensata semel in absentia apprehendit Phantasia; discernit in illis quid vtile sit quid commodi, quid incommodi; Aestimatiua sub ratione hac conuenientie, & disconuenientie insensata; qui actus necessario consequitur ex pulso phantasmate sine villo discursu imperfecto, sed ex solo instinctu Nature. Memoria conseruat in absentia obiecti, species illius sensati, & actuum, etiam sub ratione dicta insensata, vt sic Appetitus moueri possit ad boni conseruationem, & fugam mali. Actus Concupiscibilis sunt Amor, Desiderium, Delectatio, quæ est ad præsentiam, possessi boni, Odium,

Odiū, Fuga, Tristitia, quæ est ad præsentiam mali ineuitati, Actus Irascibilis sunt quinque, Spes, Desperatio, Timor, Audacia, Ira: conatur enim tollere arduitatē, & difficultatē, quæ est in bono adipiscendo, vel, vitando malo à se apprehenso.

*De sensorijs
sensuum ex-
ternorum.*

16 Potentiæ organicæ distinguuntur specie in ordine ad diuersos actus, & diuersa corporis organa, quæ dicuntur sensoria. I orrò sensorium Visus est oculus, cuius præcipuæ partes sunt tres tunicæ, & tres humores. Prima tunica dicitur Dura, & cornea prognata ex prima tunica nerui optici, quæ est ex dura meninge cerebri; altera dicitur Vaea ex secunda eiusdem nerui, quæ nascitur ex pia meninge; tertia dicitur Retina ex ipsa substantia nerui. Primus humor copiosus est vitreus, alter crystallinus figuræ lenticularis fermè in meditullo oculi, quem tegit pellicula dicta Aranea, reliquum spatium occupat humor aqueus. Visio fit in Retina, tum quia animata est, tum quia terminat, ac recipit species obiectorum, quæ ingrediuntur per foramen Vuæ, seu pupillam, quæ vt in tenebris dilatatur, & constringitur in luce; multum patitur ex repentino transitu à tenebris ad lucem: per crystallum refranguntur, ac decussantur radij ad debitam visionem in eum modum, quo ingressæ species per foramen fenestræ, cui apposita sit crystallus lenticulata, in obscurum cubiculum recipiuntur in muro, vel pagella. Duplex licet visio sit, tamen fit vna vnius obiecti, quia linea vnius & alterius oculi, seu axis vtriusque visionis in idem punctum medij, & obiecti concūrrit; quod si non concurrat ob compressionem vnius oculi, vel alia de causa multiplicatur obiectum visum. Organum Auditus est Auris, cuius præcipuæ partes sunt densa membrana cum corda, tria ossicula, incus, malleus, & stapeda, & aer internus, quem dicunt innatum, & implantatum, & post hunc pellicula valdè sicca, & tensa auditorio neruo coniuncta complens tympanum auditorium; in qua recipitur, & sistitur sonus delatus per aerem internum. Prima enim membrana pulsatur à sonora qualitate per extrinsecum aerem delatam, malleo percutitur incus, & aer innatus intercep-
tus frangitur, per quem sonus, vel species soni peruenit ad dictam pelliculam, in qua tandem formaliter fit Auditio. Sonus etiam fit ex collisione duorum corporum solidorum verberantis, & verberati resistentis, & fractione tertij corporis intercepti præsertim aeris, in quo producitur, & per quem undulante desertur sonus ad aurem. Organum olfactus formale, in
quo

quo fit olfactio, sunt carunculae mamillares Nasi in confinio na-
 ris, & cerebri existentes papillarium similes. Organum Gu-
 stus, in quo fit gustatio est tota lingua, & praesertim apex illius,
 palatum, & gula. Organum Tactus, qui dispergitur per totum
 corpus, est cutis, caro, & nervus: difficile tamen est scire, an
 nervus solum, an caro cum nervo immediate sentiat; sunt enim
 qui dicunt carnem spoliatam nervo non sentire, 'nervum verò
 nudatum carne sentire, vnde volunt nervum sentire per car-
 nem, tanquam per medium coniunctum, ut caro sentiat, & cu-
 tis per mediam cuticulam; licet enim tactus fiat sine medio ex-
 trinseco, non fit tamen sine intrinseco ipsi tangenti.

17 Sensoria verò sensuum internorum cum communiore
 sic statuo. Cognoscitur residere in substantia cerebri, in qua
 consociuntur animales spiritus: sensus communis propè sini-
 strum ventriculum in parte anteriore, ex qua originem ducunt
 nervi deferentes spiritus ad sensus externos, quibus debet esse
 propinquior. Phantasia propè ventriculum dextrum paulò su-
 perioiorem sinistro, ut facilius ab illo recipiat species. Aestimati-
 va propè tertiam cellulam in summitate cerebri in medio capitis.
 Memoria propè quartum ventriculum in posteriori parte
 cerebri, seu in cerebello sita est. Temperamentum pro sensu
 communi, & bona Phantasia est calidum, & siccum; est enim
 facultas fictrix, inuentrix, & celer; pro Aestimativa, ac bono
 ingenio frigidum, et siccum; seu melancholicum melancholia
 dulci, et tenui in subtile cerebri substantia. pro Memoria bona
 humidum, et calidum humiditate aërea, seu pingui, et visco-
 sa; ita facilius recipiuntur species, et diutius conservantur; in
 sicco enim difficile imprimuntur, in humido aqueo, et Auxili
 facile elabuntur, hinc est magna diversitas Memoriae; et hinc
 est quod difficile invenitur, qui polleat memoria, ingenio
 simul, et imaginatione. Appetitus verò residet in corde,
 quod proinde, dum insurgunt motus Appetitus, dilatur gau-
 dio, et amore, constringitur tristitia, et timore, et servet iram.
 Modus verò in musculis, nervis, ac tendonibus residet, quibus
 attractis, et laxatis promouetur animal de loco ad locum. Ita
 per respectum ad diversos actus, et diversa organa diversifican-
 tur iste potentiae; et si quæ laeditur, iuvare potest medica mentis,
 quæ proprium organum curent.

18 Sensibile per se obiectum sensuum, est laccidens cor-
 poreum singulare quod immediate seipso, vel media sui specie
 a se producta aptum est aliquem ex vulgatis sensibus intrinseco.

*De sensibus
 sensuum in-
 ternorum.*

*De sensibili
 proprio, &
 communi.*

re, et cum illo concurrere ad sensationem. Substantia non est nisi sensibilis; et accidens, quatenus coniuncta cum sensibili per se. Hoc autem aliud est proprium, quod ab unico sensu sensatur: aliud commune, quod à pluribus. Sensibilia autem propria sunt quinque; Lux et color visui; qualitas sonora Auditui; Odor olfactui; sapor Gustui, qualitas tangibilis Tactui, sub quo genere veniunt qualitates primæ contrariæ, et secundæ gravitas, leuitas, densitas, raritas, durities, mollitudo, lenitas, asperitas, et similes. Communia sensibilia item quinque recensentur, Magnitudo, Figura, Quies, Motus, Numerus. Quilibet autem sensus habet suam voluptatem, et suum dolorem, ex sensatione obiecti conuenientis, et oblectantis, vel inconuenientis, et inferentis, vel diuisionem, vel alterationem læsuam organi, et temperamenti proprii; hac enim apprehensa, et appetitui propoſita ſequitur in ipſo appetitu triſtitia de malo, et delectatio de bono. Excellens verò ſenſibile, ideſt cum exceſſu, ſenſum lædit.

*De ſpecie-
bus inten-
tionalibus.*

19 Ex potentia, & obiecto paritur notitia, ſeu ſenſatio: quare cum ſenſibile coniungi non poteſt cum ſenſorio immediatè ſecundum eſſe reale, coniungitur cum illo ſecundum eſſe intentionale, ſeu per ſpecies ſui, quas producit per medium in potentia ipſa: quod naturaliter ſemè ſemper accidit, nam inter ſenſibile, & ſenſorium intercipitur aliquod medium, vel extrinſecum ſenſui, vt aër, & aqua; vel intrinſecum, vt cuticula reſpectu tactus: illud verò dictum: ſenſibile ſupra ſenſorium notat ſenſationem, valet de viſu, cuius actus fiunt per lineas, & radios viſuales ex obiecto illuſtrato; qui haberi non poſſunt ſine aliqua diſtantiâ: cõterum non eſt vniuerſaliter verum, vt apparet ex gultu, ex contactu carnis decorticate, & ex tinnitu aurium. Igitur ſenſibilia propria, cum non poſſint immediatè, coniungi cum potentia, habent à ſe emittere per medium permeabile ſpecies ſui ſenſibiles, quæ dicuntur impreſſæ, quia potentia imprimuntur; & ſunt qualitates intentionales virtualiter reſpreſentatiuæ ſuorum obiectorum; ſeu virtuales illorum imagines, ac ſimilitudines, formale complementum ſeu determinatiuum potentia ad ſenſationes, quæ dicuntur ſpecies expreſſæ, & formales imagines obiectorum, quas ſic completa, & determinata potentia in ſe format, ac elicit circa talia ſenſibilia, ſi actu animus aduertat: ipſæ verò ſpecies ſiue directæ, ſiue reflexæ non percipiuntur, vt quod, ſeu vt obiectum, à potentia; ſed ſunt id, quo potentia percipit ipſum obiectum tali, vel tali modo,

do, per lineam directam, vel reflexam. Sensibilia communia non habent proprias species; sed species proprii obiecti, quia ab illo exeunt, ut ab existente in re in suis circumstantiis modificato; illud etiam in concreto, sic modificatum representant, secundum figuram, molem, situm, distantiam, & motum, aut quietem. Ut verò materiales sunt, ita sunt subiecto, & organo, in quo recipiuntur, coextenſe, & diuisibiles tam in eſſendo, quam in representando, ut tota species totum, & pars partem obiecti representat. Est enim species eſſentialiter representatiua ſui obiecti à quo eſt, & conſeruatur: cum autem pars, A, non producat ſpeciem partis B; neque hæc ſpeciem partis A. non poteſt ſpecies A, representare partem B. neque ſpecies B partem A; & de facto ſi partem A. auſers, vel impedis, ne ſui ſpeciem emitrat, hæc non representabitur à ſpecie partis B. ut apparet ex ſpeculo, ſi te illi offers, medietate vultus velo contecta. Neque eſt ratio dicendi, quod tota ſpecies indiuiſibilis producat ſubinde noua ad omnem variationem obiecti. Ergo producantur diuiſibiliter à ſingulis obiecti partibus minimis ſenſibilibus (debent enim habere aliquam molem) & quidem ſphæricè in quolibet puncto medijs ſine conſuſione; quæ deinde terminantur pyramidaliter ad ſenſorium, in quo recipiuntur. His ſpeciebus, & actibus ſenſuum externorum excitantur, & determinantur ad ſuos actus Interni ſenſus ob ſympathiam, & conſenſionem ipſorum actuum; et ob idem iſtatem eiſdem Animæ operantis in quolibet ſenſorio. Illis ergo poſitis ut conditionibus, ſenſus agens, et patiens producit, ac recipit in ſe ſpecies ſenſibiles, ſeu Phantaſmata, quibus coniungitur cum obiectis ab externo iam ſenſatis, ut de illis eliciat formales cognitiones, ac expreſſiones illorum. Species enim coloratæ non perueniunt ad organa ſenſus interni, quia non niſi per diaphanum tranſeunt, et qualitas tangibilis v. gr. calor non percipitur per intermedias partes inter manum calefactam, et cerebrum. Conſeruantur verò in Phantaſia, et Memoria huiusmodi phantaſmata, quibus recordamur de habitis ſenſationibus circa obiecta. Sæpè autem in ſomno, dum externi ſenſus colligati ſopiiuntur, excitantur phantaſmata, agitantur ac coniunguntur; vnde tam varia, et ſæpè ridicula ſimulacra nobis apparent in ſomnijs, quæ ſunt operationes Phantaſiæ, et ſenſuum internorum. Somnus aurem quoddam vinculum externorum oritur ex euaporatione poſt ſuſceptum alimentum, quæ impediuntur ſpiritus animales, ne exeant ad externos ſenſus; quare etiam ob detractionem,

corpus his destitutum spiritibus, facile per somnum, in quietem, ac cessationem ab opere, sponte ruit. Excitatur vero à somno, cum calor nativus absumpsit, vel attenuavit vapores occupantes meatus spirituum, qui liberati redeunt ad organa sensuum; ad quæ etiam accurrunt excitati, vel ob dolorem repentinum, vel percussione acceptam, vel magno strepitu pulsante tympanum; unde statim euigilamus.

*De sensibus
externis, &
illis, a
affibus.*

20 Sensus externus non percipit negationes, quia non ve-
stiuntur illo accidente sensibili; indirectè verò illas cognoscit;
quatenus hic et nunc potentia necessaria non impedita eliciens
hunc actû circa hoc obiectum, non alium circa obiectum, quod
ibi non existit; exercitè cognoscit negationem illius per eundem
positivum, quem circa aliud elicit; ita dicuntur videri tenebre,
cum non habetur actus visionis lucis à potentia disposita. Phanta-
sia verò etiam in Brutis negationes cognoscit; quatenus præ-
habita aliquando specie de sensationibus alicuius rei hic et nunc
determinatur vel immediatè ad cognoscendam negationem
talis sensationis, ac proinde rei sentiat; vel mediatè cognos-
cendores alias, non vero eam, quæ appetitur; Læna v.gr. plura
alia videns, sed non catulos suos, horum carentiam percipit.
Atque hoc fit vel propter feracitatem potentie habentis posse,
vti specie vnus ad cognoscendum id, quod aliquo modo est
coniunctum cum alio directè cognito, vel propter ipsas species,
quæ habeant etiam tale coniunctum representare indirectè, &
& in obliquo; ita species vrbium visarum me determinant ad
cognoscendam urbem, numquam visam. Hoc verò iudicium
seu actus sensuum non est quidam imperfectus discursus; hic
enim cum habeat conferre vnum cum alio, & sententiam ferre
de connexionem vtriusque, opus est perfectioris potentie, quam
sint sensus externi, & interni; ergo simplici actû, dum exercitè
cognoscunt se ab obiectis immutari diuerso modo, discernunt
etiam diuersa talia obiecta, & internus eodem actû, quo rem
cognoscit, exercitè etiam iudicat de illa, vt sibi conueniente,
aut disconueniente, vtens eadem specie obiecti ab externo sen-
sati ad rem cognoscendam sub ratione etiam insensata; v.gr.
specie Lupi visi ab oue ad cognoscendum Lupum, vt tale ani-
mal, & vt sibi inimicum, qua excitetur appetitus ad timorem,
& Motiua ad fugam; vel habet posse species insensatas sibi pro-
ducere, vt aliqui volunt, sicut habet ex duobus simplicibus
sensatis aliam componere; vel ex illis vnum actum elicere com-
ponentem v.gr. aureum montem. Iudicia sensuum externorum
nun-

nanquam falsa sunt circa sensibile proprium in communi, neque enim potest oculus attingere lapidum pro colorato; sed in particulari falli possunt, & præsertim circa communia; & circa hæc sæpius, quia non mouent specie propria, & aliqua sunt cum proprio accidentaliter valdè connexa. Habetur aliquando sensatio falsa ex parte potentie læsæ, vt cum ab ægroto amarities sentitur ex cibo non amaro. In hoc sensu verum est illud Aristotelis: intus existens prohibet extraneum. Sæpius tamen sensus fallitur ratione specierum, quæ concurrunt ad actum; cum enim istæ in representando possint ex varijs circumstantijs alterari transeuntes per diuersa media, per crystallæ concaua, vel conuexa, ex varia distantia, ac situ diuersimode potest potentia determinari, & facillè ad actum falsum, qui representet obiectum tale, quale in re non est: ita remus rectus existens partim in aqua partim in aere apparet curuus, quia species refractæ ad oculum veniunt; ira colores varijs apparent in collo columbæ, quia lux columbam taliter situatam, ferit, vt species emittat representantes colores, quos certè non omnes apparentes puto; aspero enim permanentes esse qualitates realiter à luce distinctas generas ex permixtiones elementorum secundum eorum perspicuum, et opacum diuersum. Neque enim adduci possum, vt credam tot colores; et tam varios in vno flore pingi ab vna, eademque luce, qui iidem videantur noctu, ac interdum in quocumque situ, et ad quamlibet debitam distantiam. Et tamen lux, nobilissima qualitas, necessaria, vt illustretur obiectum coloratum ad hoc, vt per suas species potentiam moueat ad visionem eliciendam, quæ non est emissio spirituum vsq; ad obiectum, in quo fiat formalis visio quot enim spiritus necessarij essent ad videndum Cælum? Habet postremò vt proprium Phantasia vim commouendi spiritus, et humores excitans Appetituam ob sympathiam, et subordinationem, quam hæc cum illa habet, vnde exortum est non rarò verum, illud dictum. Imaginatio facit casum. Hinc nouæ illæ maculæ, signantur, quæ sæpè facti in utero matris imprimuntur. Matris enim Phantasia spiritus, ac humores commouet, quos appetitu iubente deferret motiua ad uterum, vbi vis efformatiua membrorum factum signat; prout dirigitur à Phantasia per species rerum imaginatarum tanquam per propositum exemplar; ad cuius similitudinem exeunt notati partus.

2. 2. Anima Rationalis est substantialis forma vera corporis humani per quam constituitur homo in tali gradu. Viuentis rationalis,

*De Anima
Rationali.*

tionalis, quod haberi non potest per meram Animæ assistentiam; Cæli enim per assistentem Intelligentiam non dicuntur vivere, ac intelligere. Anima rationalis est spiritalis intelligens obiecta spiritalia Deum, et Angelos, et rationes uniuersales, et abstractissimas entis; licet pro statu vnionis cum corpore, indigeat speciebus, et phantasmatibus corporeis ministris; vt determinetur ad suos actus; et hinc est, quod per analogiam ad res corporeas, concipiat res spirituales; de quibus tamen eleuata supra sensum, fert hoc iudicium, illas esse res incorporeas, et altioris ordinis ab omni substantia quantitati subiecta. Addo quod homo per Animam est capax dominij, virtutis, ac vitij moralis, amicitia Dei, et vite æternæ, pro quibus necessaria sunt intellectio, et volitio, et potentia spirituales inorganice de se ab omni materia corruptibili independentes in fieri, conseruari, et operari cum dominio suorum actuum. Hinc sequitur esse indiuisibilem in partes integrales, ac proinde non coextendi materię corporeæ diuisibili, sed in illa esse definitiue, vt Angelus in loco, totam in tota, et totam in singulis illius partibus.

*De Animæ
immortalitate*

2.2 Rationalis Anima natura sua est immortalis ipsa in plerisque Philosophorum, & hominum existens depurata à vitijs, vbi se agnoscit, apertè clamat se immortalem esse; immortalitatem, vt sibi bonum, cognitam, appetitu innato, & elicito appetens, & quietem, quam hic non inuenit, semper in bonis temporaneis irrequieta, & famescens, exoptat. Habet operationes proprias de se independentes ab omni corruptibili materia scilicet volitiones, & intellectiones, quas etiam separata à corpore (neque enim tunc stipes est) possit exercere, quod patet etiam in extaticis. Simplex, & indiuisibilis non potest dissolui in partes, neque naturaliter destrui: deberet enim annihilari, & desinere esse per meram influxus conseruarii subtractionem que vis non inest Agenti naturali creato. Verum, quia iustus Deus, & sapiens, Anima immortalis est punienda pro vitijs, & præmianda pro virtutibus in ætera vita; in hac enim bona eueniunt malis, & mala bonis. Diuina etiam gubernatio insipienter ordinasset media ad finem, si vellet virtutem sectantes malis accipere; & nisi pro pena ignis æternus, & pro præmio æterna vita maneret, Diuina Sapientia sufficienter non prouidisset pro virtute, & Honestate habenda, & extirpanda in honestate, & vitio: nam plerique contemnerent temporalem penam futuram, vt præsentī bono delectabili, ac geniali fruerentur; & ipsum quoque contemnerent Iudicem penas decernentem. Non enim

enim haberet homo sufficiens motuum alliciens à bono delectabili, ac presenti ad arduam virtutem, & honestatem; neque sufficiens motuum retrahens ab inhonestate armata bono presenti, ac sensuali contra virtutem, et honestatem. Quin immò infelicissimum animal esset animalium Dominus Homo, natura sua constitutus, ac determinatus ad se odio habendum, et ad virtutem, honestatemque amandam, à qua nulla utilitas, et pro qua magna vitæ incommoda cum morte ferenda sibi essent et omnia alia bona deferenda; quibus deinde pro virtute exaltatis, vita cum magno labore finiretur, vt belluina, transacta tamen felicius.

23 Animæ Rationali tres potentiz inorganiz Intellectus, Voluntas, et Memoria communiter assignantur. Intellectus, positis phantasmatibus, et sensationibus internis, vt conditionibus determinantibus potentiam, ob consensionem operationum, producit sibi species intelligibiles, spirituales qualitates obiectorum virtualiter repræsentatiuas cum quibus elicit intellectiones, quæ sunt vitales actus spirituales, et obiectorum formales imagines, et actuales expressiones, quæ sufficiunt sine ullo verbo mentis, quod sit terminus illarum. Intellectus verò vt producit has species intelligibiles, et ipsas intellectiones, dicitur Agens, vt recipit, dicitur Passibilis: quas etiam species, vt conseruat dici potest intellectiua: Memoria recordamur enim rerum intellectarum ab omni sensu abstractarum, et spirituum. Habet autem intellectus pro obiecto suo ædæquato secundum totam latitudinem ens, spirituale, et corporeum, singulare, et vniuersale; quin immò etiam negationes, et non entia, et impossibilia; hæc verò vel per species alienas, nempe positiuorum, connotantur extrinsecè ab ipsis, secundariò cognoscuntur; vel per speciem particularem, quam rei insensibilis sibi producit intellectus determinatus à speciebus sensibilibus, acque in hoc sensu verum est illud dictum: Nihil est in intellectu, quod prius non fuerit in sensu. Obiectum vero, seu cognitum primum cognitionis primæ directè quando intellectus est tabula rasa, esse asserto accidens singulare maximè commune, seu proprium corporis, id est esse quantum. Hoc enim magis mouet sensum, à quo immediatè pendet in primo suo operari intellectus. Quæcumque enim cognitio sit licet valde debilis; et de obiecto remotissimo semper certificabit intellectum, quod sit hoc quantum aliquo modo demonstrabile digito. Ratio verò generica

*De Potentia
Animæ
& de Intellectu.*

cor-

corporis abstracta est primum obiectum cognitionis primæ à singularibus abstractahentis; præcedere enim debet cognitio singularium ad abstractionem rationis à singularibus, nisi ab ignotis velis abstrahere. Duplex porro cognitio competit intellectui nostro imperfecto in hac vita; altera intuitiva existentium singularium immediate à sensibus cognitorum per species proprias, quæ pendent à præsentia obiecti in propria existentia, de qua formaliter intellectum certificat intuitiva cognitio, ut faciunt cognitiones sensuum de obiecto præsentis; altera abstractiva præscindens à præsentia, existentia, ac singularitate obiecti per speciem particularem, quæ habet sic abstractum obiectum virtualiter repræsentare; per hanc abstractivam fit obiectum vniuersale, obiectum scientiarum, seu cognitionum evidentium discursivarum. Cum enim actus scientificus debeat reddere scientem imperturbabilem, non potest id assequi, nisi obiectum habeat aliquam necessitatem essendi, quale repræsentatur. hanc autem habet secundum prædicatæ essentialiter connexa, spoliata circumstantijs contingentibus singularitatis, et existentiz; in quo sensu obiectum scientiarum ab Aristotele dicitur necessarium, & æternum. In abstractione verò non est falsitas, quia abstractientium nullum est mendacium; neque enim obiecto infigitur prædicatum indubitum, neque aufertur debitum. Triplici autem modo ad obiectum se habet Intellectus: primo actu simplicis apprehensionis, nihil affirmans, nihil negans de obiecto, sed illud solum exprimens. Secundo actu Iudicij ferentis sententiam de apprehenso obiecto; aliquid affirmans, vel negans intensionaliter separans, vel coniungens prædicatum, & subiectum. Tertio actu discussum, quo vnum iudicium infert ab alio ex vi huius iam lati ob connexionem, quæ intercedit in obiecta vtriusque, vel absolute, vel ex suppositione.

*De Volun-
tate**

24 Voluntas altera potentia propria Animæ Rationalis ab Intellectu distinguitur tum ex diuerso formali obiecto, tum ex diuerso modo tendendi in illud: Formale obiectum voluntatis est Bonum saltem apparens, ad illud tendit ferens se, veluti extra se, actu profectiuo, vel actu auersiuo ab illo se retrahens. Obiectum verò formale intellectus est verum; quod trahit ad se, quatenus, ut dixi, species illius in se format, & sibi in se illud repræsentat. Formaliter libera est voluntas, positis enim omnibus requisitis ad operandum, ut
expe-

experimur, potest, vel non operari, vel oppositum operari. Inter autem requisita ad hanc indifferentiam voluntatis, est cognitio Intellectus illi proponens bonitatem obiecti cum aliqua admixtione mali; si enim ratio puti boni sola proponitur, ad amorem; si puri mali, ad odium determinatur, ut apparet in actibus primò primis necessarijs. Hinc denominatio liberi adæquatè licet intrinseca actui libero, tamen quia relativa est ad principium indifferens, ut ad conditionem requisitam, variari potest in eodem actu, si maneat eadem cùritas à principio influente, & merò desit vna ex duabus cognitionibus; quatum altera malitiam, altera bonitatem obiecti repræsentabat; à qua pendet secundum talem perfectionem denominationis libera. Imperat voluntas alijs potentijs politicè, non despoticè; neque enim ex mero imperio potest impedire actum intellectus directè circa obiectum euidens, & prima principia. neque visionem oculi dispositi circa coloratum illum inatum; sed indirectè alijs potentias distrahendo. Appetitus sensitivus, Lex illa de qua conquæritur Divus Paulus in membris nostris repugnans Legi mentis nostræ, non distinguitur realitè à voluntate, ut Intellectus non distinguitur à Phantasia, sed ipsa Anima, prout organicè operatur; inclinans naturaliter in obiectum delectabile, quod ut sensibile magis trahit ad se animam cum ipso organo sumpta sensitivus Appetitus dicitur; secundum suos necessarios actus etiam Brutis communis.

29 Ex actibus frequentatis tam in Intellectu, quam in Voluntate, gignitur quædam facilitas, quam experimur eliciendi actus similes in scientijs, & in virtutibus moralibus; quæ facilitas communiter vocatur *Habitus Naturalis acquisitus*. Hic *Habitus* in Intellectu consistit in speciebus intelligibilibus relictis confirmatis, & intensis. In Voluntate verò, & Appetitu probabilius est consistere in superaddita, qualitate inclinante potentiam ad illos similes actus circa iam sæpius volitum, & appetitum obiectum. Non enim sufficere videntur species intelligibiles in intellectu, aut sensibiles in Phantasia, etiam per actus experimentales ipsius voluntatis, ac appetitus præhabitz, ad eam magnam inclinationem, qua experimur, ceu quodam pondere nos trahi ad amorem boni præsertim delectabilis, ut sæpè quis putet physicè non posse ab illo se abstinere; licet per bonos discursus

*De Habitu
boni intellectu
et voluntatis,*

acquiescit oppositas species intelligibiles, & clarissimè cognouerit rem oppositam esse Rationi, Animæ noxiā, & Corpori. Quod si aliquando dum exercemur sapius circa aliquid minus nobis placens, non Habitu, sed auersionem maiorem acquirimus, est quia, ut ad Habitu requiritur quædam indifferensia ad modum operandi, ita etiam quædam complacentia; alioquin cur vere ex relictis speciebus non est acquisita talis facilitas? Habitus autem tam intellectus,


quam Appetitus in nobis sufficit ad habendam eam facilitatem, quam experimur in alijs potentijs ex-
 quentibus, remoto per exercitium suo-
 rum æquum impedimen-
 tum, & astenua-

quædam viscositate organorum faculta-
 tis moritur, ut hæc appeti-
 tui promptius obe-
 diat.



EX METAPHYSICO S I N V SEXTA MARGARITA

EX METAPHYSICIS:

1  **ETAPHYSICA** Theologia naturalis, *Ex Proleg. Metaphys.* est scientia speculatiua, cuius obiectum attributionis adequatum est ens reale positium, vt cognoscibile per principia insensibilia, à quibus sanus intellectus penetratis terminis resilire non potest: vt: idem non potest simul esse, & non esse; aut: neque esse, neque non esse: sed quodlibet est, vel non est: vt necessario alterum contradictorium verum sit alterum falsum; ita se inuicem essentialiter excludunt, vt alterum semper maneat. Quod triplici modo est intelligendum; primo circa existentiam eiusdem termini, qui in quætionem venit; quod existat, vel non existat: Secundo circa connexionem extremorum contradictoriorum, esse, & non esse, cum tertio determinato, scilicet quod in Petro sit albedo, vel negatio albedinis. Tertio circa identitatem eorundem pariter cum aliquo tertio: sed hoc modo extrema sumenda sunt in communi, non in particulari; si enim dicas: Petrus vel est lapis, vel negatio lapidis; vtrique propositioni est falsitas; quia Petrus cum neutro extremo est identificatus; & neque lapis est, neque est negatio lapidis, vt patet; sed positium, ex quo sequitur talis negatio. Ratio est, quia datur medium inter illa extrema, ens tale, & tale non ens, nempe aliud tale ens exclusiuum formaliter amborum. Ita neque contradictoriè opponuntur: Nullus homo currit; Petrus currit, quia currente Paulo, vtrique propositio est, vt patet, falsa: mediant enim inter terminum vniuersalem, & singularem determinatum, alij singulares, qui possunt vtramque propositionem falsificare. Quod si sumatur ens communi necessario verificandum est de quolibet termino quod sit aliquod ens, vel oppositum non ens à parte rei extra omnem intellectum cooperantem.

2 Ens autem vox est valde equiuoca: dicitur enim ens possibile,

*Per ente po-
sitivum reali,
et negativum.*

bile, reale, impossibile, fictum, positivum, negativum; existens; proprie tamen significatens reale positivum siue existens, siue solum possibile. Et dicitur quod aptum est existere, seu poni extra nihil absque eo, quod vlla sequatur contradictio in rerum Vniuersitate; idest ens positivum reale est vel Deus O. M. vel id, quod potest terminare Dei O. M. Omnipotentiam. Neque alio modo satis explicatur ratio entis realis positiui, prout distinguitur à reali negatiuo, seu à sui non esse contradictoriè opposito; quod in rerum natura nullo fingente intellectu est suo modo sine vlla contradictione; vt est nunc negatio, seu non esse Antichristi sine vlla chymera. Dari vero ens negatiuum ab omni ente positivo contradistinctum patet, quia ab æterno fuerunt negationes omnium rerum positiuarum; & quidem contingentes, nam de facto in rerum prima creatione sublatae sunt; Ergo quid positivum creatum non erant; quando nihil creatum positivum erant; neq; Deus solus erant, quia desierunt esse; Deus autem essentialiter semper est. Veritas verò quædam obiectiua, quam Recentiores admittunt, vt complementum decretorum Dei liberorum, non sufficit; nam præter hanc assignari debet obiectum illorum decretorum, quod sit vel existencia rei, vel negatio eiusdem, in quibus fundantur illæ veritates obiectiue. Verum enim fuit ab æterno, Mundum hunc futurum, & alterum Mundum non futurum, quia existencia huius, & negatio alterius fuit obiectum liberæ Dei volitionis æternæ. Vt ergo Diuina volitio præter veritatem obiectiuam de existencia Mundi, complementum contingens actus æterni liberi, habet pro obiecto ipsam Mundi existentiam; ita præter veritatem obiectiuam de non existencia alterius Mundi, complementum extrinsecum contingens liberæ volitionis æternæ, habet Nolitio pro obiecto negationem existentie, vt assignetur quid sequatur ex efficacia illa nolitione distinctum ab ipsa nolitione. Verum si nolitio Dei esset formaliter ipsum non esse rei, hoc sanè semper melius esset ipso esse rei; & præstaret rem nullam fuisse præcisè consideratam, vt opponitur nolitioni Dei, quæ est factum non esse. Adde quod fit transitus in rerum natura physicus extra Deum de non esse ad esse, & de esse ad non esse; cum aliquid creatur ex nihilo, vel abit in nihilum sui; neque solum fit variatio in dictis veritatibus; neque fit vlla in Deo vicissitudo in adumbratio.

3 *De Proprietatib; Entis.* **Attributa entis realis positiui sunt tres Vnitās, Veritas, & Bonitas transcendentales perfectiones absolute, quæ inelliguntur**

guntur manare ab essentia entis, quæ dici solet prima formalis ratio, per quam res ponitur in determinata specie entis, & distinguitur saltem radicaliter ab omni, quod non est ipsa, cœteræ autem perfectiones, quæ intelliguntur ab illa necessariò esse, proprietates, ac passionēs metaphysicæ dicuntur, si ab essentia per rationem adæquatè distinguantur; attributa verò si distinguantur inadæquatè, ita scilicet, ut in ipso conceptu proprietatis veniat etiam conceptus essentiæ in obliquo, ut sit in conceptu passionum entis, quæ ut concipiuntur perfectiones positivæ, necessariò etiam in illis concipitur aptitudo existendi sine contradictione, quæ est entis ipsa essentia. Explicantur per negationes connotatas, Unitas per indivisionem in se; Veritas per indivisionem quidditatis, ab eo, quod illam habet; Bonitas per negationem defectus essentialis; eò enim ipso quod aliquid est aptum extra nihil poni, & existere, est etiam Unum indivisum in plura talia, Petrus, v. gr. in plures Petros; est verum, idest verè tale, quale eius essentia exigit; est Bonum, cui nil deest debitum; est enim bonum ex integra causa, malum ex singulis defectibus. In primis positivis, & absolutis rationibus fundantur relatiuæ conformitates ad Ideam Divinam, Intellectum, & Voluntatem. Hæc attributa per quamdam similitudinem dicuntur etiam de ente negativo, ut de illo abusive, & similitudinariè dicitur ipsa ratio entis, cuius sunt metaphysicæ perfectiones *secum realiter identificate*.

4 Ratio formalis obiectiuæ possibilitatis entis realis positivi explicatur per hoc conditionatum, quod si ens intelligatur existere, nulla sequitur contradictio. Hæc possibilitas, ut est creaturæ essentialiter connotat Omnipotentiam, cuius esse potest terminus; sic enim ab ente negativo possibili contradistiguitur, quod non potest terminare actum Omnipotentæ. Impossibilitas è contra explicatur per hoc aliud conditionatum, quod si intelligatur existere; secum trahit contradictionem, esse, & non esse rei; huiusmodi ens est omne illud, quod aliquam imperfectionem in Deo importaret, si poneretur existere. Rectius enim fundamus in ipso Deo omnem possibilitatem, & impossibilitatem rerum, quatenus in Deo necessitas essendi omnem perfectionem exigit terminos possibiles suæ omnipotentæ; & terminos, illi inferentes imperfectionem aliquam, esse impossibiles; ita quoque in eius Bonitate radicatur omnis Bonitas naturalis, & malitia, quatenus eius sanctissima voluntas vnicuique recte est essentialiter recta; ad cuius solam conformitatem quid-

*De ente pos-
sibili, et im-
possibili.*

quidquid rectum est, bonum est; quidquid ab illa deuiat, irrectum, & malum: quod si ideo non conformatur, quia inferre notam aliquam imperfectionis, vel Gubernationi, vt si licitum mendacium esset, ac homicidium, vel Bonitati, & Maiestati, vt si odium, & contemptus Dei liceret, dicitur esse ab intrinseco malum; ita etiam simpliciter erit, ex ab intrinseco impossibile; quod possum in esse inferret aliquam in Deo imperfectionem, vt chymera, quæ dicens esse, & non esse rei, Deum faceret, vel infelicem, habentem quod nollet, vel non habentem, quod vellet; vel insipientem puerum idem volentem simul, & semel, & nolentem idem; ita impossibilis creatura limitans Omnipotentiam, faciens Deum æqualem creaturæ, & negans illi esse summum in qualibet perfectione. Quare ratio formalis possibilitatis est posse terminare actum Omnipotentie, quia Deus exigit ex sua perfectissima essentia habere hos, non illos terminos à se esse posibles in esse; vt exigit hos, non illos à se esse volubiles.

De ente Rationis Chymerico.

5 Hoc tamen ens impossibile terminare potest actum intellectus, & recipere esse obiectiuum in illo, & ab illo; & secundum hoc esse obiectiuum tantum dicitur Ens Rationis Chymericum, seu Metaphysicum. Quod negari non potest, quia non aliud est assignabile falsificationum proportionis hæreticæ, & necessario falsæ, quam huiusmodi impossibile cognitum, seu Ens Rationis. neque enim hæc Arij blasphemia, quam ipse eructabat impius: Verbum est creatura: ideo hæretica est, ideo damnata, ideo necessario falsa, quia intellectus extrinsecè per suum actum versatur circa entitates reales Verbi, & Creaturæ, vnien-
do vtrumque simul quatenus vno actu cognoscit vtrumque extremum. Sic enim possum cognoscere verissimè sine vlla iniuria Verbo illam, existere creaturam, & Verbum, & vnituo modo tendere in hæc extrema realia; sed ideo hæretica, & falsa, quia actus per talem modum tendendi indebitum intrinsecè afficit, extremis prædicatum impossibile, nempe Verbo, & creaturæ identitatem inter se. Neque Deo vlla inferitur iniuria, vt ait quidam ex hoc, quod per illam propositionem possum compelli in contradictorium; hoc enim est iniuriosum menti nostræ parum sanæ, consequens ad prædicatum impossibile prædicatum; quod etiam impertatur, licet sensus esset, vt aliqui volunt; verbum non est distinctum à creatura; nam idem est, ac dicere, verbum est identificatum cum creatura, vel in Verbo est negatio creaturæ; in quo sensu si vera est propositio, in Verbo non est

est negatio creaturæ identificatæ. Atque ita semper vel directè, vel indirectè attingitur prædicatum impossibile; cui dāns esse obiectiūm facis ens rationis, quod insuper si negas, & nobis negare id, quod non apprehendis, aut ignoras; dum negas, cognoscis, & cognoscendo facis. Neque dicas sensum esse affirmatiuum, ut cum negamus dari incognoscibile, non cognoscimus incognoscibile, alioquin propositio seipsam falsificaret: sed sensus est omnia sunt cognoscibilia: ita omnia sunt possibilia, quæ cognoscuntur. Contra enim est quia incognoscibile idem est, ac difficile perceptibile; deinde est dispar ratio, nam dari non potest obiectum cognitionis, quod non sit obiectum cognitionis; at potest dari, imo debet, quod non est obiectum Omnipotentie, obiectum cognitionis, ac proinde impossibile cognoscibile à nobis, per species tamen alienas, ut dictum est in lib. de Anima. Denominationes verò extrinsecæ visibilibus, & similes, & secundæ intentiones Logicæ prædicati, & subiecti in propositionibus, non important formaliter necessariò ens rationis Logicum. Satis enim intelligitur visum, scitum prædicatum, & subiectum, si intelligatur ipsa cognitio, & visio tales formæ denominantes circa ea subiecta denominata. Tam per assensum, quam per dissensum, tam per actum verum, quam per falsum fieri potest ens rationis metaphysicum, quia fit dum cognoscitur impossibile, & ideo etiam à Deo O. M. indirectè cognoscendo à nobis factum; & directè distinguendo clarissimè quod est impossibile ab omni possibile, facit ens rationis. Num ab insipiente interrogatus Deus, an Angelus rugibilis sit possibilis, aut non intelligeret obiectum propositionis, aut responderet: Nescio?

c 5 Oculus, & sensus externus facit ens proportionatum. *De ens rationis proportionati.* ensi rationis secundum quid, habeas tantum esse obiectiūm in ipso sensu potest enim sensus circa sensibile commune, & proprium in particulari falli: Ita solis statio se mouentis, curuitas reini recti in aqua in sensu composito cum motu, & cum rectitudine, est aliquod impossibile, habens tantum esse obiectiūm in oculo. Neque obstat quod taliter sit representabile obiectum per species suas in talibus circumstantiis: Nam etiam ens rationis secundum quid est sic cognoscibile ab intellectu. Deinde remus curuus videtur, non species curuæ, quæ se tenet ex parte efficientis causæ, non obiectiuæ, & formalis. Phantasia verò & sensus internus potest facere ens proportionatum enti rationis etiam simpliciter, sic tamen potest coniungere

iungere simul extrema à sensibus non sensata; vtens speciebus simplicibus ad copulandas res impossibiles, quod accidere videtur; cum canis pro hero blanditur statuz, cum ille Aescopium in fluminis transitu vmbra carnem pro carne iudicauit; cum Bucephalus hinnit ad præsentiā equi pidi, & Aues ad vas zeusidis aduolant. Voluntas vero in Homine, & Appetitus in Bruto nullum faciunt ens rationis proportionale; quia hæc potentia tendunt in suum obiectum modo non actiuo, & effectiuo; dante esse obiecto; sed solum affectiuo, & passiuo motu ab ipsa obiecto, quod præsupponunt secundum totum illud esse, secundum quod mouent, trahunt, ac terminant actus illarum: licet appetere possint impossibile propositum à potentia cognoscente, vt creditur Lucifer appetisse Diuinitatem.

De existentia, & essentia;

7. Ens possibile idem est realiter, & formaliter ex natura rei, ac sit ens existens, quando existit: nisi velis existere, quod non erat possibile existere; atq; ita neque existentia, quæ possibilis erat, ipsa existit, vel dum existit non erit ipsa. Neque essentia rei possibilis ab existentia sua distinguitur, nisi per rationem ratiocinantem, quatenus Essentia dicitur eadem res sub ratione, qua primo constituitur res talis, & ab omni alia, quæ non est ipsa distinguitur, & à qua, vt à prima radice intelliguntur fluere cætera omnia, quæ tale rei conueniunt. Existencia verò dicitur, quatenus consideratur eadem res, vt est extra suas causas, quæ ratio actu experimentalis nota magis explicari non potest: experimur enim nos esse extra nihil, & absolute existere, et videmus res nouas incipere esse, & plures esse desinere. Cum ergo existentia sit ratio per quam formaliter Essentia ponitur extra suum contradictorium, nempe extra nihil, cui non nisi per suum formale esse sic potest opponi, non potest esse aliquid ab Essentia distinctum. Addo quod ipsa existentia habet suam essentiam; nunquid ergo hæc existit per aliam existentiam, & sic deinceps? Dicitur autem Essentia æterna, & necessaria in hoc sensu; quatenus res illa secundum prædicata essentialia si ab æterno non fuisset, non alijs prædicatis potuisset esse, quam illis quæ habet in tempore existens. Cæterum omnis essentia creata, & existentia est physice, & realiter contingens, & temporanea, & ad esse, & non esse dicitur habere potentiam logicam, quæ est ipsa contingentia essendi.

De diuisione Entis.

8. Ens rectè diuiditur tam in ens à se, seu Increatum, & ens ab alio, seu Creatum, quam in Ens per se, seu substantiam, & ens in alio, seu Accidens. Differentialis Perfeitas substantia dicit

dicat formaliter esse ens per se primo intentum à natura, vel constituens huiusmodi ens per se, seu propter aliud adequatè distinctum, in quo sit. Inaleitas verò accidentis dicit esse substantialis entis ens, seu intentum propter aliud, adequatè à se distinctum, in quo sit, tamquam in subiecto inhesionis, cum quo non facit vnum tale per se.

9 Diuiditur etiam substantia secundum diuersum suum statum in Primam, & secundam. Prima accipitur in statu reali, & dicitur Indiuiduum, quod à D. Thom. rectè describitur: quod est indiuiduum in se, & diuisum à quolibet alio exclusiue diuisibilitatem in plura, quæ sint idem adequatè cum ipso. ita nec aceruus lapidum, nec collectio animalium est vnum indiuiduum, sed plura simul, vt etiam species numeri quinarij plures sunt vnitates, quia possunt diuidi in plura, quæ adequatè sint idem in ratione eadem Lapidis, Animalis, Vnitatis, &c. At palmus vnum indiuiduum, non potest diuidi in plures palmos, nec Petrus in plures Petros. Describitur etiam à Porphyrio indiuiduum: id cuius collectio proprietatum in nullo alio est. Substantia secunda sumitur in statu intentionali, vt subsistat nostris conceptibus, & apprehensionibus secundum quas dicitur Vniuersalis, & prædicabilis de prima; vnde ab Aristotele definitur: quæ de subiecto dicitur, & in subiecto non est; vt ab eodem definitur prima: quæ neque de subiecto dicitur; neque in subiecto est.

10 Sufficenter, & vtiliter in ordine ad varias prædicationes, quæ habentur de prima substantia facta est à Philosopho illa celebris diuisio entis in Decem prædicamenta, seu decem categorias, ac series generum, ac specierum, seu prædicatorum essentialium, sub vno summo genere, quod dicitur Genus Prædicamenti. Hæc autem summa genera sunt Substantia, Qualitas, Quantitas, Relatio, Actio, Passio, Vbi, Situs, Quando, Habere, pro multiplici interrogatione, quæ fieri de substantia prima commodè potest; quid sit essentia, & substantia? quanta sit res, longa an lata? qualis sit, frigida, an calida? quomodo se habeat in ordine ad aliud, an similis, an dissimilis? quid agat, quid patiat? Vbinam sit? quo situ maneat? quo in tempore? & quomodo circa indumenta se habeat.

11 A parte rei non existunt nisi singularia; quæ pro vt similia sunt inter se vel dissimilia in prædicatis essentialibus intellectus fundamentum habet illa cognoscendi vnico actu confundente illa simul; & indistinguente, ita vt ex vi vitalis actus

*De Decem
Prædicamentis.*

De Ente singulari, & vniuersali.

nequeat discrimen, quod est in re, discernere, & possit vnum pro altero accipere equum pro homine, Petrum pro Paulo, vt si à longè videatur aliquid moueri. Hæc plura singularia sub tali actu per modum vnius obiecti cognita dicuntur vnum vniuersale, vel genericum, vel specificum, prout in re magis, aut minus conueniunt, & præcisio formalis, seu confusio actus à pluribus, aut à paucioribus differentiis abstrahit; si enim solum à singularizantibus circumstantiis, & indiuiduantibus præscindit, erit species, si à prædicatis etiam essentialibus v. gr. ab hinnibilitate, rugibilitate, erit Genus.

*De quinque
Prædicabi-
libus.*

12 Atque ita constituuntur quinque illa vulgata prædicabilia Genus, Species, Differentia, Proprium, & Accidens; desumpta diuisione ex quinque modis, quibus vnum potest inesse pluribus, & prædicari de illis, scilicet vel essentialiter, vt pars essentiae materialis, & indifferentis metaphysicè, & est Genus; quod definitur: prædicabile de pluribus differentiis specie in quid incompletè: vel vt pars essentiae formalis, & determinantis, & est Differentia; quæ dicitur prædicabilis de pluribus in quale quid: vel vt tota essentia, & habetur species prædicabilis in quid completè de pluribus differentiis numero 2 vel vt quid extra essentiam; atque hoc vel necessariò connexum cum illa, & est Accidens Proprium; quod describitur, prædicabile de pluribus in quale necessariò; vel solum contingentè existens in suo subiecto, & dicitur Accidens commune prædicabile de pluribus in quale contingentè, quod potest esse, & ab esse præter subiecti corruptionem, vt ait Porphyrius.

*De Vniuer-
sali in com-
muni.*

13 Vniuersale in communi dicitur vnum aptum esse in pluribus per sui multiplicationem, & prædicari de illis in eadem ratione, in qua est vnum. Vnde patet ex ipsis terminis naturæ huiusmodi esse Chymeram. Vnitas enim dicit indiuisi- nem in se, multiplicitas verò diuisionem; neque satis est quæcumque Vnitas, & multiplicitas, nam Diuina Natura est in tribus personis Vna, sed non vniuersalis, quia eadem est in illis immultiplicata in ratione Naturæ, in qua est vna; ita neque Christus Dominus in pluribus hostijs consecratus est Vniuersalis. Dicere autem in indiuiduis humanis esse Naturam vnâ unitate specifica cum multiplicitate numerica indiuiduorum, est vel dicere Chymeram; quod vna formalitas sit identificata cum pluribus distinctis, ac diuersis, quorum vnum existit alterum non, vnum corrumpitur, aliud de nouo generatur; vel est petere principium, & supponere dari speciem, non probare; vnitas

vnitas enim speciei supponit speciem. Species autem sine vnitate non intelligitur formaliter esse. Igitur solum per intellectum datur formaliter Natura vniuersalis generica, & specifica, prout indiuidua, à quibus fit formalis abstractio, & præcisio extrinseca, in re conueniunt in omni prædicato essentiali; aut solum in aliquibus: Ex indiuiduis enim similibus multiplicatis, v.g. hominibus tanquam ex materia, & ex actu præcisio, seu confuso tanquam formali vnitate vniuersalis fit concretum, quod dicitur vniuersale, vnum extrinsecè, aptum esse re verè, in pluribus per sui multiplicationem, ac proinde prædicari de illis: neque alio modo fieri potest vniuersale, quod vt est quoddam totum in sui diuisione amittit totalitatem; & vniuersalitatem. Diuiditur autem dum prædicatur actu; sic enim per actum clarum contrahitur ad singulare inferius, à quo proinde non præscindit. Sed neque potest vera prædicatione prædicari, nisi id, quod importatur in recto identificatum cum subiecto, quod certè non est vniuersale formaliter, licet materialiter idem terminus adhibeatur, & dum fit vniuersale, & totum per apprehensionem præcisiam, & dum per iudicium enunciatium diuiditur, & ad inferiora contrahitur.

14 Inter has genericas, & specificas rationes metaphysicas non datur præcisio obiectiua, neque distinctio virtualis obiecto intrinseca, ita vt vna ratio ex parte obiecti attingi possit, altera non: facta per actum intellectus actuali distinctione in obiecto in ordine ad saluandas propositiones contradictorias extrinsecas, quod cognoscatur generica ratio v.g. animalitas, non cognoscatur differentialis rationalitas, licet sint in re vna realitas, & vna, eademque formalitas. Tam enim est vera contradictio, quod producat eadem res, & non producat, quam quod cognoscatur, & non cognoscatur: ac beneficio talis distinctionis virtualis, neque per aduersarios, saluari potest prima contradictio, ergo neque secunda; ac si actio physica causæ efficientis penetrans rationes obiecti non potest illud diuidere in plures virtualitates, id ne poterit actio intellectus intentionalis? quod si tales virtualitates sunt actu distinguibiles; ergo etiam ante actionem intellectus vna virtualitas non est alia, & vt ab alia distincta, est ens; ergo totum obiectum non ex virtualitatibus, sed ex entitatibus componitur. Huiusmodi distinctio virtualis intrinseca solet à Theologis in Deo simplicissima entitate admitti inter perfectiones relativas, & Naturam, seu Essentiam Dei, quæ communicatur, illis minimè communicatis; sed pro fundamento

*De Præ-
sione obiecti,
vna, & Di-
stinctione
virtuali.*

assignatur abundantia omnis perfectionis. Nunquid in rerum finitarum imperfectissimam naturam inducendum est Mysteriorum Trinitatis perfectissimæ, & infinitæ?

De distinctione formalis ex naturæ

15 Negamus etiam inter has metaphysicas rationes intercedere distinctionem formalem Scoticam ex natura rei; quia huiusmodi formalitates admittæ distinguerentur realiter, à quæ solum diuersa hæc esset penes terminos, & extrema distincta, seu quia hæc inter formalitates, illa inter realitates intercederet. quæ differentia si sufficeret alia posset poni distinctio inter accidentia, alia inter substantias, alia inter res spirituales, alia inter corporeas; quæ negari possent reales. Sed neque hoc discrimen adest nam formalitas, vt talis, vel est ens, vel non ens; à parte rei enim in statu independenti ab intellectu non datur medium: si non ens, ergo res conflata ex formalitatibus componitur ex non entibus; si ens, ergo intercedit distinctio inter entitates, ergo realis. Verum sufficit distinctio per intellectum extrinseca obiecto ad saluandas propositiones diuersas, & oppositas, pro quibus admittitur distinctio formalis. accipio enim radicem harum formalitatum, vel vnâ formalitatem præcisè; et hanc considero in ordine ad suam radicem, et ad aliam conformalitatem, et de illa habeo diuersas propositiones, et oppositas, quod scilicet prout à radice, sit formalitas fluens, prout ad conformalitatem, non fluat: Ecce quod per distinctionem meram rationis verificantur propositiones dictæ. Si autem semel hoc sit, cur non semper? Neque dicas non posse accipi vnâ formalitatem cum diuerso illo respectu, quin in ipsa formalitate alia, et alia accipiantur; nam et admittis Mysteriorum Ezechielis rotam in rota, sine fine; et gratis id negas; quia illa eadem, quæ comparatur ad vnum terminum, siue sit comparabilis ad alium, siue non, habeo intentum, cum de eadem, sic possim habere propositiones diuersas, et definitiones plures, ac conceptibilitates sine distinctione formali. Deinde cur eadem vna formalitas duplici actu non possum cognoscere? tunc eadem, vt cognita actu A, non est cognita actu B. et saluantur oppositæ propositiones sine distinctione formali per solam distinctionem rationis, quam admittunt ipsi formalitæ inter definitionem, ac definitum, licet inter talia extrema inuenire possint fundamenta suæ distinctionis formalis. Sed mirum est quod sine distinctione reali in creatis vna formalitas verè sit de altera negabilis, Et in Diuinis vna Persona non sit negabilis de altera nisi beneficio distinctionis realis. Verum relatiua oppositio

finito

ficio distinctionem realem in Deo importat; cur etiam in homine eandem non affert oppositio relativa actus, et potentiae inter rationalitatem, et animalitatem.

16 Igitur sufficit distinctio rationis inter gradus, et rationes metaphysicas realiter identificatas in vno eodemque individuo, quæ quia est cum fundamento in re, nempe ex præsupposita obiecti perfectione multiplici, dicitur distinctio rationis ratiocinatae, quæ est realis distinctio actuum intellectus imperfectorum circa idem obiectum, cuius perfectionem non adequantur: Et idem obiectum sub vna huiusmodi imperfecta nostra apprehensione euadit vna formalitas obiectiua, seu vnum obiectum formale sub particulari denominatione, ac peculiari nomine notatum, sub alia imperfecta apprehensione fit alia formalitas; et aliud obiectum formale, et appellatur alio nomine: atque ita idem multiplicatur in plura multiplicatione extrinseca actuum circa se, et quoniam nos non habemus iudicia, et enunciationes, nisi de obiecto prius apprehenso, hinc est, quod cum multipliciter apprehendatur, et verè; quia ad veritatem satis est, ut obiectum sit tale, quale apprehenditur; licet sit etiam perfectius; verò etiam, et multipliciter de illo habemus; et enunciationes, et definitiones etiam oppositas. In via enim ob imperfectionem nostri intellectus, ut subtiliter notat P. Vasquez p.p.d. 12 o. cap. 6. nu. 26. non possumus, nisi pluribus conceptibus, ac nominibus attingere rem aliquam, et eò pluribus, quo perfectior est; cum erimus in termino Beati, rem, ut est, intuentes, vno verbo mentis, et oris rem totam exponemus sine vlla enunciationum multiplicitate.

De Distinctione rationis ratiocinatae.

17 Quare hic imperfectè cognoscentes non possumus in questionibus vnquam præscindere ab omni operatione intellectus, & disputare de re præcisè, ut est à parte rei primò intentionaliter accepta; nam semper dum in questionem adducitur, sub aliqua voce profertur, sub qua uestitur aliquis imperfectus & inadequatus nostra apprehensione. Verum multiplicantur actus nostri, tum ex multiplicitate obliquorum se tenentium ex parte obiecti directi, siue hæc sint realia, siue conditionata, siue negatiua, siue etiam impossibilia; ita à doctissimo Suarez, & alijs Theologis explicatur illapsus Spiritus Sancti per gratiam in animam iusti per conditionatum, impossibile sic: si per impossibile Spiritus Sanctus per suam immensitatem vbique non esset, fieret presens iusto per gratiam receptam. In quo sensu facile explicari possunt etiam propositiones illæ intellectus discurren-

non amat, animal sentit, non discurret. Licet idem sine realiter, & intellectus intelligens, & voluntas amans; animal sentiens, & rationale discurrens; sensus enim est si per impossibile intellectus, & Voluntas, rationale, & animal in homine realiter essent distincta, intellectus intelligeret, non voluntas, hæc amaret non ille. Rationale discurreret, non animal, hoc sentiret, non illud.

18 Inter præcipua obliqua sunt operationes, & effectus diversi, quorum potest idem esse principium. ita homo conceptus in ordine ad ratiocinationes est rationalis, in ordine ad sensationes est animal; unde sermo semper ex diverso obliquo diversificantur actus circa idem directum obiectum; & actus cum obliquo v.g. ratiocinationum dicitur proprius, & clarus actus rationalis, cum obliquo sensationum dicitur proprius, & clarus animalis; & sic de reliquis. Ex quo etiam sequitur quod tale obiectum directum sub tali conceptu, & tali nomine dicatur similis, & sub alio eidem dissimilis, ita homo dissimilis equo, ut rationalis, similis, ut animal; quia potest etiam equus venire sub eodem conceptu, & sub eadem denominatione, sub qua ita venit homo, ut si quis intentionaliter posset auferre hominem obiectum talis actus, & loco ipsius supponere pro obiecto equum, actus ille non discerneret variationem, neq; discrimen obiectorum; eo modo quo si quis Præstigiator ouum pro ouo mira dexteritate permutet, oculus non percipit discrimen.

19 A parte rei verò equum, & hominem dic similes similitudine imperfecta, vel dissimiles imperfecta dissimilitudine; ut lubet, pro diverso respectu, ut eadem tabula geographica dicitur perfecta descriptio Italiæ, & imperfecta Ducatus Parmensis. Propter has imperfecta similitudines, vel dissimilitudines inter res indivisibiles essentia habet intellectus posse plura simul confundere; & vnum in recto pro directo obiecto actus sibi assumere, v. gr. Petrum, & modo plura, modo pauciora, similia obliqua cum illo confundere, & sic attingere idem per plures actus diversos ex diversis obliquis; ita si concipio Petrum in recto cum reliquis hominibus in obliquo, habeo actum de Petro, ut homo est: idem simul cum omnibus animantibus exprimitur, ut animal, & sic deinceps; addendo plura alia; cum quibus habet latiorem conuenientiam, usque ad rationem entis, in qua conuenit cum omni re non implicante existere.

20 Verum possunt etiam actus diversificari ab intrinseco per diuersam, & propriam claritatem maiorem, & minorem
circa

circa idem obiectum directum. & obliquum certe enim videntur Deus, Angelus, et homo eandem penitus rem sub eadem formali ratione actibus diuersis per meram diuersam claritatem, ac perfectionem actuum intrinsecam. Claritas autem est prædicatum de se notum: pueri enim sciunt se aliquid clare cognoscere; aliquid non. Explicari potest per hoc, quod maior claritas sit principium deducendi plures veritates, et illaciones ex illa, et maioris gaudij, et amoris circa cognitum obiectum. Intuper actus diuersi sunt ex diuerso modo tendendi circa idem obiectum. Ita actus quo cognosco sub termino concreto hominem, est diuersus ab actu, quo illum cognosco sub abstracto humanitatis. diuersus est actus, quo dico me vidisse Petrum, et Paulum ab illo, quo dico vidisse Petrum cum Paulo, vel Petrum, aut Paulum. Atque tota Philosophia inter homines pendet ex varijs terminorum acceptionibus, et conceptibus nostris, quibus eadem res variè vestita, vt histrio pluries in scenam venit plures agens personas.

21 Est autem Distinctio negatio identitatis inter duo extrema positiua; ita vt distinctum sit concretum ex positiuo, et negatione prædicta. Neque enim sine negatione intelliges inter animal, et rationale esse distinctionem: de se enim positiua ratio v.gr. animalitas est indifferens vt sit cum identitate rationalitatis, aut cum distinctione; identificatur enim in homine; distinguitur verò in Bruto, Et cum identitas, et distinctio, seu non-identitas sint rationes contradictoriè oppositæ, vt identitas est ratio positiua ita distinctio debet esse negatio. Alia verò est distinctio realis à parte rei independenter ab omni intellectu, vel adæquata, vel inadæquata vt est inter partem, & totum, hominem scilicet, & corpus. Alia Rationis prædicta, quæ est realis inter actus distinguentes, sed obiecto extrinseca in ordine ad diuersas, vel oppositas enunciationes, ac plures inadæquatas definitiones, atque hæc etiam est vel adæquata, cum duo conceptuales sunt, vt alter non inuoluatur in altero; vel inadæquata cum inuoluitur, vt conceptus entis in conceptu proprietatis.

22 Præter has species distinctionis omnes alias saltem vt supradictas rejicio in creatis, & virtuales obiectiuam, & formalem ex natura rei, & Modalem inter rem in differentem & modum, qui intrinsecè tollit indifferentiam; inter scilicet. potentiam, seu actum primum, & actum secundum contingentem. Nam hæc indifferentia tolli potest ab extrinseco, vt suis locis ostensum est.

De Distinctione in communi.

De Distinctione Modali.

est. Et hic quæro cur aureus indifferens ut sit in hoc loco, vel in illo, ut eudatur in hac vel illa die, si Artifex nunc se determinat illum eudere, si manu eum ego hic statuo implicante etiam modalitate durationis, & ubicationis, non erit determinatus sufficienter ab extrinseco? Ipse quoque modus, ut est contingens, determinatur ad existentiam ab efficiente extrinseco, circumstantijs causæ, & Deo gubernante. Et eadem actio modalis indifferens, ut sit conuersio, aut mutatio, aut simplexeductio, prout vel terminus à quo positius, vel priuatius, vel nullus præcedit, ab extrinseco determinatur. Sed ex meis principijs modalis entitas ut essentialiter alligata subiecto, loco, & tempori eximens se à dominio Dei absoluto, ut videtur iniuriosa Deo est eminus rejicienda.

De Relatione.

23 Inter rationes metaphysicas alix dicuntur absolute ab extrinseco, alix relatiuæ, & cum extrinseco connexæ. Sentio enim omnem relationem quæ rectè dicitur ordo, seu respectus vnius ad aliud, esse adæquatè identificatam cum suo fundamento proximo, terminum verò essentialiter requiri, ut quid ad essentiam relatiui, non de essentia. De essentia autem alicuius rei metaphysica intelligo genus, et differentiam, physica verò materiam et formam, cætera omnia; quæ requiruntur necessariorum ad hoc, ut res sit, voco ad essentiam, seu essentialiter requisita, quæ in recto non possunt venire in definitione rei. Ita neque tempus vespertinum est ad essentiam cœnæ, non de essentia. dicitur enim cœna: comestio tempore vespertino facta: non dicitur vnquam tempus vespertinum cum comestione. Ita equus est ad essentiam equitis, non de essentia; neque enim equus est homo, et equus ait D. August. 19 de Ciui. c. 4. sed homo cum habitudine ad equum: ita quoque terminus relationis ad essentiam relatiui spectat, non est de essentia. Simile enim non est album A, et album B. hic enim est conceptus duorum absolutorum, sed est Album A, ad Album B. Est autem denominatio similis, et concretum simile ens tale dicens de essentia sua fundamentum cum ratione fondandi, et relationem similitudinis, termino extrinseco connotato; ad cuius variationem cessat esse hoc eorum relatiuum; bonum enim ex integra causa, malum verò ex singulis defectibus. Quod verò ex variatione extrinseci denominationes formales intrinsecè varientur nulla facta intrinseca mutatione, probatur ex eo quod forma denominans est essentialiter alligata cum extrinseco ad faciendum suum effectum formalem primum, neque de se ad illum sufficit, sed requi-

requirit terminum; ut requisitum necessarium. Ita scientia visionis de existentibus, et liberum decretum, et dominium aſtuale Dei in ſuas creaturas variatur ex mera variatione extrinſeca creature contingentis, et nulla habetur in Deo viciffitudinis obumbratio. Illud verò principium quod circumfertur: eſſe id de eſſentia alicuius rei, quo ſublato ſolo res tollitur, vel quo poſito ſolo res ponitur, niſi addatur primò, et formaliter ponitur res, aut tollitur, eſt falſum: nam ſublata ſola proprietate, et ſolo termino in relationibus tranſcendentalibus, aut ſolo poſito, ponitur res, ac relatio, aut tollitur, conſequenter tamen, non primò, et formaliter; neque proprietas eſt pars eſſentie rei, neque terminus relationis. Per Ly autem, ſolumus, non excluduntur duo termini, de quibus eſt queſtio, ſed ceteri omnes alij alioqui ridicula eſſet queſtio. Non igitur terminus eſt de eſſentia relationis, alioquin relatio non ad aliud, ſed ad ſe ipſam ſaltem inadæquatè faceret fundamentum referre; et inſententia communi extrinſecè terminus poteſt pertinere ad eſſentiam relationis, ut omnes fatentur de relationibus tranſcendentalibus.

24 Eſt enim Relatio alia tranſcendentalis, quæ tranſcendit, ac vagatur per plura prædicamenta, alia prædicamentalis, quæ conſtituit peculiare prædicamentum ad Aliquid. Hæc verò reſpicit terminum ut pure terminum, & ut abſolutum præciſè, ut aptum terminare. Illa verò circa terminum ſuum aliquid aliud facit. Relationes aliquæ dicuntur Mutuæ, & fundantur, vel in vnicate, ſeu conuenientia, & numero, ſeu diſconuenientia; vel in actione, & paſſione, aliæ non mutuæ fundantur in menſura; aliæ dicuntur æquiparantiæ, ſeu eiufdem appellationis, ut duæ ſimilitudines, & æqualitates, aliæ diſquiparantiæ, ſeu diuerſæ denominationis, ut maioritatis, & minoritatis, paternitatis, ac filiationis. Aliæ ſecundum eſſe, quæ ſunt prædictæ verò ad aliud, aliæ ſecundum dici, quæ non ſunt ad aliud, & conſtituunt habens prædicatum ad quoddleitaris, non ad alieitatis: id eſt faciunt id, ad quod aliud reſertur, non id, quod reſertur ad aliud, ut eſt ſcibile ad quod ſcientia; atque hoc propriè dicitur ens connotatiuum non relatiuum; & ratio abſtracta dicitur connotatio, non Relatio.

25 Ratio entis, ut dicit præciſè aptitudinem ad exiſtendum ſeu eſſendum extra nihil videtur eſſe vniuoca Deo, & Creaturis; Subſtantiz, & Accidenti. ſub vno enim nomine eadem conuenit omnibus inferioribus abſque eo quod appareat in actu præciſin-

De vniuocatione entis.

scindente vllum discrimen; & se habet vt ratio animalis generis: ca respectu suorum inferiorum: Ab ipsa quoque ratione entis præscindunt differentie aſſeicitatis, abaleitatis, perfeitatis, & inaleitatis, vt præscindunt ab animalitate rationalitas, & rugibilitas, quæ in suo conceptu nullo modo illam inuoluunt; neque enim ex vi actus quo concipio præcisè v. gr. aſſeicitatem, certificor esse ens possibile, sed adhuc dubius esse possum an obiectum actus sit chymericum; vniuoca autem dicuntur quorum nomen communeratio substantiæ eadem; scilicet quidquid importatur per significationem nominis, id totum ab omnibus inferioribus, & eodem inodo participatur. Analoga verò quorum nomen commune, ratio importata per nomen partim eadem, partim diuersa, idest quod aliquid ex pluribus significatis conuenit omnibus, aliquid non, vel non eodem modo; vt sanus importans in omnibus habitudinem ad sanitatem, sed in singulis diuersam, subiecti quidem in homine, signi in pulsu, causæ in cibo, & aëre. Aequiuoca dicuntur; quorum nomen commune ratio importata per nomen omnino diuersa: idest quod plura simul significantur, quorum vnum vni, alterum alteri ex inferioribus tribuatur; ita canis significat simul animal, latrabile, astrum, et piscem.

Iam verò Philosophicis hisce *MARGARITIS* pretiosam illam; quam Negotiator Euangelicus solertissimè conquistam inuenit, rectè philosophantes caelestis in pretium Regni, vt comparemus faxit Deus Optimus, et Conditor Maximus cui cum Deipara Virgine SS. Ignatio, Francisco Xauerio, et omnium Beatorum cœtu sit honor, et gloria in æternum, et ultra.

Iam verò Philosophicis hisce MARGARITIS pretiosam illam, quam Negotiator Euangelicus solertissimè conquistam inuenit, rectè philosophantes caelestis in pretium Regni, vt comparemus faxit Deus Optimus, et Conditor Maximus cui cum Deipara Virgine SS. Ignatio, Francisco Xauerio, et omnium Beatorum cœtu sit honor, gloria in æternum, et ultra.



F I N I S.

ROMAE, Typis HH. Corbelletti MCDLVII.

SVPERIORVM PERMISSV.

